

中華全國

風俗志

許世英
署



胡櫟安先生著

中華全國
風俗志



右任題

中華國民新地圖

此圖比舊式的較為新異○凡現今國
 界○省界○道界○都會○道治○縣
 治○鎮市○水陸商埠○鐵路○航路
 ○電線○河流○湖泊○沙漠○山脈
 ○關津○礮台○一一勾註詳明○且
 將我國屢次喪失之土地○另行標識
 ○以警國民○學校用之於參考地理
 外○更多特別注意之要點○全圖一
 大幅定價一元二角

世界改造新輿圖

是圖依據凡爾賽之
 定案○分別新界舊
 壤○詳加符號○標
 明彩色○異常精緻
 ○學校用為掛圖○
 斯對於世界改變之
 形勢○瞭如指掌○
 全圖一大幅定價一
 元四角

▲▲ 學界必備……以參攷地利

▲▲ 軍界必備……以審覽形勢

▲▲ 工商必備……以調查物產

▲▲ 家庭必備……以增飾美觀

中華全國風俗志許序

中國風俗。古無專書。惟方志中略有所載。其他散見於古今人筆記者。亦時時有之。顧其書卷帙繁多。非人人所能盡致。亦非人人所能盡讀。是以留心風俗者。每苦無從考證。猶憶民國四年之間。余長福建。巡視閩海各縣。樸安與偕。載書盈捆。而目所接觸。發書求之。則十不獲四五。蓋風俗無專書。是以用力多而所得少也。余嘗語樸安曰。省府州縣志中之風俗。雖不盡可信。然苟彙聚爲一編。益之以筆記中之所載。或足爲研究風俗者之一助。吾子好讀書。盡於治事之餘。一事搜輯乎。然是時庶政綦繁。樸安多所匡助。著作之事。忽忽不暇。五年余長交通。樸安相從來京。亦未遑著作也。迨六年余解職居津。樸安回滬。供職於路局。位卑事簡。顧樸安樂之。若深幸得此寬閒之業。可從事於著作。十年余長安徽。聞命之日。卽寓書相招。樸安則正從事於著作。而有遲遲吾行之意。余亦不甚相強。十二年余解職來滬。與樸安握手。知此五六年中。樸安所著之書。不下十數種。而中華全國風俗志。適於是時告成。全書分

爲上下二編。上編十卷。採錄方志中所載之風俗。下編十卷。採錄筆記及雜誌與日報中所載之風俗。一如余向年所語樸安之例。樸安持以問序於余。余故不辭而述其緣由如此。民國十二年三月秋浦靜仁許世英序

中華全國風俗志張序

外人之譏我曰。中國並非一國家。中國人並非一國民。吾誠恥之。而不能辯。何則。普及國家主義之前提。在於知彼知己。易言之。必知世界。知本國。而後可以涵養愛國愛羣之心。而我則兩失之也。近代海通。競言新化。好學青年。稍稍求所以知世界。尙矣。而本國之事。獨不求知。且鄙棄日甚。今之人。大抵能劇談倫敦巴黎之風尙。或炫舉希臘羅馬之名詞。而叩以各省情形。則反茫然。甚者且不知中國之大與久。夫於其地其人。既毫無觀念。又不辨共同之歷史文化。則雖同胞亦猶之異族矣。中國縱地大民衆。不過如游牧民族。偶聚居於一大沙漠中耳。求其愛國愛羣。安可得乎。畏友胡樸安先生。篤行好學。以闡揚文化爲任。尤精經子。多所闡明。近於著作之暇。採取方志。以及近人之筆述題。爲中華全國風俗志。此書也。誠不可以盡樸安之學。而其用甚著。蓋風俗乃歷史產物。鄉間習俗。皆有淵源。一事一物。俱關文化。故能知古今風俗。卽爲知中國一切。而其書易讀。不若正史或地誌之艱澀乾燥。學者於此一

編。有漫游倫敦巴黎之興味。而能自然理解我祖先之思想感情。及現代全國同胞之生活狀態。在今日鄙言本國之時。此書蓋尤有誘導之効也。中國人願否知中國。將以此書之風行如何覘其端矣。榆林張熾章序

中華全國風俗志徐序

善良之風俗。至於今。存者萬一而已。歷數十百年之賢人君子。倡帥之整齊之而始有者。有罔人焉。一唱百和。遂蕩焉。至是。若曰。吾將以快吾心之所大欲。寧犯天下之大不韙耳。而天下乃日卽於敝。顧亭林曰。宋史言士大夫忠義之氣。至於五季。變化殆盡。羅仲素曰。廉恥者。士人之美節。風俗者。天下之大事。士人有廉恥。則天下有風俗。今民日以偷。貪冒而無恥。宜風俗之汙下。幾於陵夷毀頓。敗滅而不可救也。夫賢人君子之治天下。立法制禮。必因風俗之所宜。今武夫用事。賢人君子伏匿消沮。而不見。安得有若胡子樸安其人者。有爲於時。而使風俗馴至於醇美耶。樸安浮沈下僚。慨然有澄清天下之志。乃考質郡國之利病。而及於風俗。吾信其坐而言者。終必有起而行之。一日也。樸安狀貌偉然。洪聲大口。鬚眉開張。博極古今中外之學。於事物鮮所嗜。獨好著書。樸安著有墨子解詁。俗語典。周秦諸子學略。離騷補釋。涇縣方言考。中國習慣法論。樸學齋讀書記。包慎伯年譜。六書學。太古政法考。墨子學說。

荀子學說歷代文章論略讀漢文記樸學齋詩文集等書）時或劇飲詼調技擊以自適其樂。且嘗習爲賈。亦嘗爲秘書。（樸安嘗官交通部秘書）又嘗躬耕於萬頃湖之濱。（樸安督耕萬頃湖嘗雜傭保入田力作）商而仕。仕而農。以一身迭爲之。誠當世之畸人矣。非賢人君子而能若是耶。樸安涇之人也。其殆得涇之清而不混。混與世相濁者耶。予伏處海濱。窮蹇抑塞。自交樸安。相與游從於文酒。懽然無所間。於此書之成。故樂爲一言以質之。

中華民國十一年杭縣徐珂仲可序於上海寓廬之天蘇閣

中華全國風俗志葉序

孫中山先生之言曰。不諳中國之情狀者。不宜引術說以爲高。方今中國之患在貧。不在不均。吾願使貧者各得其生。以漸躋於均。若投不均之劑於患貧之國。吾未見其可也。余每誦斯言。知孫先生用心之苦。識事之深。而尤欲於中國情狀。致其考求矣。中國地大物博。固焉。然而其言語殊。其禮俗殊。其歷史殊。以至於信仰好惡。無一不各存其真。各著其性。合之爲一國。分之且什伯千萬國而不止也。不同者如是。而欲昧然以同之。其拂逆民性不甚多耶。夫居不得不同之勢。有此不可盡同之民。則經營締造之先。宜必有周知四方之人。吾老友樸安之爲是書。其亦有見於斯乎。樸安篤厚長者。其所成書。質樸有益於世。如其爲人。設辭引義。不以新舊自喜。然非世之新舊所及也。是書之成。余固將執卷前席爲請益之一人。卽此以爲贊可乎。

中華全國風俗志 ● 葉序

中華全國風俗志湯序

不佞流寓上海。垂三十年。文學之友。謬多契合。獨治樸學之友。絕不假聲名勢力。標榜號召。博精閉戶。著書滿家者。則三十年來。未之聞。尤未之見也。涇胡先生樸安。淵源其鄉先輩。承其先德家學。治經治史治百家。旁逮經世有用之學說。咸能闡其闡奧。而不見畛域。編槩戢香。巨細凡二十餘種。不佞得見一鱗一爪。私心仰服。以爲三十年來。無此畏友也。先生居今籀古。兼以武力善走聞。早歲且躬勤稼穡之事。而年不過四十餘。粥粥若一無所能。此其深厚淳粹。卽乾嘉老先。不一二覲。况晚近在此。逐臭之海上乎。頃先生又撰成此書。幸而集處得燕。而舉一觴命爲之序。謹書此以歸樸安。并以告世之讀是書者。知樸安之爲人也。

壬戌小春頤瑣居士伯遲父湯寶榮

中華全國風俗志 ● 湯序

中華全國風俗志自序


語曰千里不同風。百里不同俗。中國幅幘遼闊。爲千里者以十計。爲百里者以千計。各自爲風。各自爲俗。風俗之不同。未有如中國之甚者也。以中國不同之風俗。數千年來。在統一國家之下。卒能相維相持於不敝者。其道安在。間嘗求之。而得其故。蓋以學術統一而已矣。自漢武表章六經。儒術遂尊。佛雖盛於晉唐之際。出世而非入世。不能與儒家爭政治之權。所以自漢以後。迄於清季。爲儒術統一國家之時期。雖其間亂亡相繼。而其由亂而治。由亡而存者。無不揭櫫儒術。以爲收拾人心之具。所以不同之風俗。而卒能歸於統一者。此也。西學東漸。功利之說興。儒家仁義之說。不能與之相抗。學術分裂。各執一端。於是不同風俗之國家。遂無統一之望矣。夫求治之道。須因病施藥。不可削足適履。學術既無統一之能力。當留意於風俗之習慣。而爲因病施藥之舉。今之從政者。昧於中國情形。稗販東西成法。強納不適宜之中國。本無約束也。盛爲自由之說。本無階級也。盛爲平等之說。本無資本家也。盛爲經濟

支配之說。本不輕視農民也。盛爲勞工神聖之說。多數人民。未受種種之痛苦。故對於自由平等經濟支配勞工神聖之說。漠然不動于其心。而爲此說者。卒不能以之增進人民之幸福。適爲少數人借爲爭權奪利之資。此不知國情者。不足以言治道也。卽其號爲知國情者。亦知其一不知其二。于是甲唱一說。合于甲省之習慣。乙省之是否適宜不問也。丙唱一說。合于丙省之習慣。丁省之是否適宜不問也。推之戊已亦然。所以不周知全國風俗。而欲爲多數人民謀幸福。縱極誠心于事。無濟韞玉有見于此。而力不逮。未能周行國境。一一詳考其風俗。乃退而讀方志。凡有關於風俗者。隨筆記之。積成巨冊。合肥闕君軼羣。江寧鄭君肖崖。及姪惠生。復從近人筆記。遊記日報雜誌中。節鈔風俗之記載。成書亦復相埒。乃董而理之。以鈔自方志者爲上編。鈔自筆記遊記日報雜誌者爲下編。編各十卷。庶幾中華全國之風俗。雖非目覩。聊當耳聞。不敢謂足爲從政者考鏡之資。其有留心風俗之君子。實地調查。則此編或可爲萬一之助云爾。中華民國十一年一月涇縣胡韞玉樸安自識。




清宮粧束之圖

蒙古古廟





圖之物載駝路古蒙




幕帳之上漠沙壁戈



圖之犁一架共馬牛省綠直



圖之服禮着試員大古蒙



圖之輪山山于莫





圖 之 頭 剃 天 露



寧波新娘之圖

中華全國風俗志上篇目錄

卷一

順天

.....一至一〇

總志六則

山東

.....一〇至三五

濟南十六則

歷陽縣

章邱縣

鄒平縣

淄川縣

長山縣

新城縣

齊河縣

齊東縣

濟陽縣

禹城縣

臨邑縣

長清縣

陵縣

德州

平原縣

兗州十四則

曲阜縣

寧陽縣

鄒縣

泗水縣

滕縣

嶧縣

金鄉縣

魚臺縣

濟寧州

嘉祥縣

汶上縣

陽穀縣

壽張縣

東昌十四則

聊城縣

堂邑縣

博平縣

茌平縣

莘縣

清平縣

冠縣

臨清州

館陶縣 邱縣 恩縣 高唐縣 夏津縣 武城縣

青州 十二則

益都縣 臨淄縣 博興縣 高苑縣 樂安縣 壽光縣 昌樂縣 臨朐縣

安邱縣 諸城縣 博山縣

登州 十一則

蓬萊縣 黃縣 福山縣 棲霞縣 招遠縣 萊陽縣 寧海州 文登縣

海陽縣 榮成縣

萊州 八則

掖縣 濰縣 昌邑縣 膠州 高密縣 卽墨縣

武定 十一則

惠民縣 青城縣 陽信縣 海豐縣 樂陵縣 商河縣 濱州 利津州

霑化縣 蒲臺縣

沂州 八則

蘭山縣 郯城縣 費縣 莒州 蒙陰縣 沂水縣 日照縣

泰安八則

泰安縣 肥城縣 新泰縣 萊蕪縣 東平州 東河縣 平陰縣

曹州十二則

荷澤縣 單縣 城武縣 距野縣 鄆城縣 曹縣 定陶縣 濮州

范縣 觀城縣 朝城縣

山西……………三五至八〇

總志三十則

方言附 農家月令附

太原三十九則

平陽三十七則

潞安二十七則

汾州二十七則

大同二十九則

朔平十一則

中華全國風俗志 ● 上篇目錄

寧武 九則

澤州 二十則

蒲州 十八則

遼州 十一則

沁州 七則

平定 十二則

忻州 七則

代州 十一則

保德 七則

解州 十六則

絳州 十六則

吉州 九則

隰州 十則

河南

開封 一則

歸德 一則

彰德 一則

衛輝 一則

懷慶 一則

河南 一則

南都 一則

汝寧 一則

汝州 一則

陳州 一則

許州 一則

禹州 一則

鄭州 一則

陝州 一則

光州 一則

江蘇

江寧 一則

蘇州 一則

松江 一則

常州 一則

鎮江 一則

淮安 一則

揚州 一則

徐州 一則

太倉 一則

海州 一則

通州 一則

九至一五

安徽

安慶 九則

徽州 十則

寧國 二十則

池州 十一則

太平 十四則

廬州 十四則

鳳陽 十則

潁州 十三則

滁州 四則

和州 四則

廣德 四則

六安 七則

泗州 十二則

一五至二一九

卷三

浙江

一至七一

總志 十一則

杭州 六十三則

錢塘縣 海寧縣 富陽縣 餘杭縣 臨安縣 於潛縣 新城縣 昌化縣

嘉興 四十四則

嘉興縣 海鹽縣 石門縣 平湖縣 桐鄉縣

湖州 四十六則

烏程縣 長興縣 德清縣 武康縣 安吉州 孝豐縣

寧波 四十六則

鄞縣 慈谿縣 奉化縣 鎮海縣 象山縣 定海縣

紹興 四十七則

山陰縣 蕭山縣 諸暨縣 餘姚縣 上虞縣 嵊縣 新昌縣

台州 三十一則

臨海縣 黃巖縣 天台縣 仙居縣 寧海縣 太平縣
金華三十六則

金華縣 蘭谿縣 東陽縣 義烏縣 永康縣 武義縣 浦江縣 湯溪縣
衢州三十則

西安縣 龍游縣 常山縣 江山縣 開化縣
嚴州二十四則

建德縣 淳安縣 桐廬縣 遂安縣 壽昌縣 分水縣
温州二十九則

永嘉縣 平陽縣 瑞安縣 泰順縣
處州三十二則

麗水縣 青田縣 縉雲縣 松陽縣 遂昌縣 龍泉縣 慶元縣
卷四

福建一……………一至二一

總志四則

福州 十八則

興化 十則

泉州 九則

漳州 十一則

延平 七則

建寧 九則

邵武 十則

汀州 十二則

福寧 五則

台灣 六則

永春 四則

龍巖 三則

福建二

總志 六則

二一至四八

福州 十五則

興化 五則

泉州 二十四則

漳州 十五則

延平 四則

建寧 八則

邵武 七則

汀州 十四則

福寧 六則

台灣 三則

永春 八則

龍巖 六則

歲時 附○五十則

氣候 附○十六則

雜俗 附〇三則

卷五

湖北

一至三七

總志 四十九則

武昌 十五則

漢陽 十三則

黃州 十八則

德安 十則

安陸 十一則

襄陽 二十九則

鄖陽 十五則

荊門 五則

荊州 二十七則

宜昌 二十七則

施南八則

卷六

湖南

一至四二

總志一則

長沙一則

衡州一則

永州一則

寶慶一則

岳州一則

常德一則

辰州一則

永順一則

沅州一則

郴州一則

靖州 一則

豐州 一則

桂陽 一則

時令 附○一則

方言 附○二則

苗族 附○十二則

居處 飲食 服飾 言語 婚嫁 喪葬 種植 報賽 祭祀 讎殺

卷七

陝西 一至五二

習尚 一百○六則

時令 十二則

禮儀 八則

方言 二十五則

四川 五二至六一

眉州	嘉定	雅州	寧遠	龍安	夔州	叙永	建武	叙州	順慶	保寧	重慶	成都	總志
一則	一則	一則	一則	一則	一則	一則	一則	一則	一則	一則	一則	一則	二則

邛州 一則

潼州 一則

瀘州 一則

資州 一則

綿州 一則

茂州 一則

達州 一則

卷八

廣東

總志 三十一則

廣州 四十三則

韶州 二十則

惠州 三十則

潮州 二十四則

一至七二

肇慶 三十六則

高州 二十則

廉州 九則

雷州 十三則

瓊州 三十六則

羅定 九則

連州 十一則

南雄 六則

嘉應 十三則

卷九

廣西

總志 三十八則

桂林 二十八則

柳州 十九則

一至六三

慶遠 十三則

思恩 十則

泗城 五則

平樂 十八則

梧州 十六則

潯州 十二則

南寧 二十三則

太平 十四則

鎮安 十則

鬱林 八則

卷十

雲南

總志 二則

雲南 十二則

一至五四

昆明縣 富民縣 宜良縣 羅次縣 晉寧州 呈貢縣 安寧州 祿豐縣

昆陽州 易門縣 嵩明州

大理 七則

趙州 雲南縣 鄧川縣 浪穹縣 賓川縣 雲龍州

臨安 九則

建水縣 石屏州 阿迷州 寧州 河西縣 嶺峩縣 蒙自縣

楚雄 八則

楚雄縣 鎮南州 南安州 姚州 大姚州 廣通縣 定遠縣

澂江 五則

河陽縣 江川縣 新興州 路南州

廣南 一則

順寧 二則

雲州

曲靖 七則

陸涼州 馬龍州 羅平州 尋甸州 平彝州 宣威州

麗江五則

麗江縣 鶴慶州 劍川州 中甸廳

普洱三則

仙郎廳 威遠廳

永昌四則

保山縣 騰越縣 永平縣

開化一則

東川一則

昭通二則

鎮雄州

景東一則

蒙化一則

永北一則

廣西 三則

師宗縣 彌勒縣

武定 三則

元謀縣 祿勸縣

元江 二則

新平縣

鎮沅 一則

黑鹽井 一則

琅鹽井 一則

白鹽井 一則

貴州……………五四至五九

貴陽 一則

安順 一則

平越 一則

都勻 一則

鎮遠 一則

思南 一則

石阡 一則

思州 一則

銅仁 一則

黎平 一則

大定 一則

南籠 一則

遵義 一則

上篇目錄終

中華全國風俗志 上篇卷一

▲順天

●總志

順天府屬州縣二十有四。星羅棋布。壤接趾錯。風尚不殊。然諺云。百里不同風。千里不同俗。霸文偏於南。與保定河間相似。昌密偏於北。與宣化永平相似。寶甯富庶。俗尚奢靡。平懷狹隘。民情彘鄙。大同之中。不無微判。爰甄其岐尚者。著於篇。以備在位者。問俗采風。於以補偏救弊云爾。

順天戶口繁富。民風篤實。加以地多磽薄。人近樸陋。距京師數十里。卽棲茅啜菽。一如窮鄉僻壤。西北多山。民習勤苦。東南多水。民憂汜濫。惟通州武清。下接津沽。近年各國通商。輪船翔集。大扁長舸。百貨薈萃。民食其利。富厚日形。然華而不靡。勤而不惰。知得於觀感者深矣。州縣志類多追述前徽。有可諷世勸民者。如寶坻洪志曰。知縣洪肇懋。適軍糧城。失路。見一樵者。遣役問之。掖至輿前。問曰。此何地名。曰。不知。爾

住何莊。曰不知。爾何姓名。亦曰不知。蚩蚩木立。洪笑而釋之。去數武。復踟望而笑。洪歎曰。甚哉。民之醇也。其不見官吏也久矣。宜其始則茫茫然驚。繼則嘻嘻然樂也。美哉俗乎。范書載劉寵爲會稽太守。狗不夜吠。民不見吏。龐眉皓髮之老。未嘗識郡朝史之所稱。豈不懿哉。若夫役繁訟多。終歲之勤。半在官府。雖欲其愚不可得矣。永清周志曰。東鄉濱河。河東韓邨陳各莊一帶。地土磽瘠。多沙城。不宜五穀。居民率種柳樹。柳之大者。伐薪爲炭。細者折其柔枝。編緝柳器。貧民往往賴之。凡採柳在夏秋之交。早則液潤而天遲則疎燥而強。皆不中於束縛。大者爲筐。可容石許。小者或類盤盂。方圓徑二寸。量其工力繁約。而計其直。業編柳者。窰地爲室。篝火其中。不知時日早暮。蓋治柳枝。必先柔之以水。剝其青膚。瑩白如蕒。乃可屈曲。見風則脆而折。故就窰室成之。老幼男婦。窮日所爲。入口乃可給也。橫上居民。專以織柳爲升斗量器。良易售。云是有巧術。鄉黨相約。不得授法於女子。子恐女子嫁別邨。轉授夫壻。爭其業也。東安李志曰。俗尙文雅。人多技藝。沈鷺而有材力。重許諾。矜豪俠。質性厚重。香

河劉志曰。喪家延僧衆。作佛事。以薦亡者。道場或三日。或五七日畢。送僧襯錢。僧必以十分之二。送還主家。凡土木工匠。日久亦然。至今如此。亦醇風之一端也。三河陳志曰。賓至則壺酒盤殮。絕無兼味。卽縉紳富室。亦略無靡麗。其習俗使之然也。甯河丁志曰。甯邑人多撲拙。然終歲勤動。游手好閑者絕少。各項工作。所操藝事。僅能成器備用。無有以近巧名者。而沿河莊戶。皆以結魚網爲業。得微利。少可自贍。耕種之區。親饁餉。佐耘耔。率以爲常。城薄下溼。地晝取茅。夜索絢。不減幽風景象。邇更勤於紡績。司中饋畢。聚家之老幼。姑率其婦。母督其女。篝燈相對。星月橫斜。猶軋紡車聲。達戶外也。昌平宋志曰。士則務實學。尙樸質。貧者多耕。以自養。舊志所謂足迹不入公庭。耳目不交市儈。非虛語也。農則山居之民。以果樹爲業。山外者。專務力田。然素鮮蓋藏。一遇凶年。支絀立見。房山佟志曰。城內不乘輿馬。無貴賤少長。出則於郭外乘之。入則至郭外。下輿馬步。入婚姻。不擇財勢。惟擇舅姑與壻之賢者相締。邇來有尙財勢。而晚多敗棄者。邑人每以爲戒。遇喪葬。務盡哀合禮。不以觀美爲悅。祭奠

盡誠不以牲醴。錯陳爲豐。賓客會飲。將敬而已。不以華綺重簋。互相炫耀。但醉狂豪呼。時露悲謔慷慨之慨。不特貧賤單族。服飾不尚侈靡。卽富貴之家。祇期莊雅爲佳。較京師之繁褥。良涿之浮夸。稱最朴焉。一切器物。但取堅質適用而已。不以雕鏤金玉相競尚。渾噩之氣。獨留于巖邑。霸州周志曰。州西地皆平衍。民樹桑棗。勤耕織。然當諸河之衝。頻罹水患。東多水鄉。饒魚鹽。蓆葦之利。南汙下沮洳。不得耕播。民多業漁。其俗樸野。愚鈍。屈強。不肯屈折。每秋水泛濫。多棄業攜家。徙別所。郡北沙薄。不宜穀。民種榆柳。植瓜果。與諸屯接壤。有軍衛風。保定成志曰。敦好禮義。崇尚廉恥。婚姻以時。隨其貧富。喪祭惟禮。稱其有無。錢糧如期而納。訴訟輸誠而理。不事浮靡之習。頗有篤實之風。其事均有足傳者。

冠禮。士大夫家。子弟十六。父命加冠。或岳丈爲埒。加冠。

良鄉楊志

婚禮。先遣媒妁問名。取女年庚。合婚。亦有男女親長作保親者。不以合婚。謂之撞婚。通州高志擇吉具紅柬。央媒衣冠上門。四拜獻柬。薊州沈志行定禮。用釵釧綉帛。及羊酒果餅。

等物。將娶。行聘禮。用衣飾及羊酒果餅等物。俗名下茶。又名過禮。將娶先期。壻家備禮物及雞席。送女家。曰催粧。女家送糕奩。仍以雞席歸壻家。曰鋪牀。粧奩豐儉。各稱其家。前一日。曰花燭。男女家俱有戚友。備禮稱賀。各設吉席款待。通州高志娶之日。男子親迎。陳設燈燭。鼓吹至女家。女家爲備酒醴敬迎。謂之喜筵。燕畢。女至壻家。夫婦同拜天地。行合巹禮。固安陳志娶之次日。女家送果品等物。曰點茶。三日復送席。曰餽飯。娶後幾日。行廟見禮。女家親戚咸往壻家。曰會親。九日。女家迎壻女至家。曰回門。十八日。女家親戚咸往壻家。曰作雙九。或女家復迎壻女至家。曰回雙。回九及一月。女家迎壻女至家。曰住對月。或壻先返。擇日送女歸。通州高志

喪禮。初喪。辟踊哭泣。扶尸于牀。覆衾其上。懸紙馬紙錢於門。固安陳志詣五道土地等廟。焚燒紙求魂。三日始殮。良鄉楊志屬纊含斂。男括髮。女去頭飾。乃成服。告於鄉社之廟。日三次。三日乃止。謂之報廟。書死者姓氏年月榜於門。謂之殃榜。固安宋志訃告親族。飯用不熟者含。孝子衰麻。哭無時。一日合家不舉火。不食。孝子浴親尸而置米鹽錢物於

棺內殮入棺。柩停院中。上覆以棚。親友皆臨弔。孝子稽顙答拜。每逢七日。必備筵奠。

謂之做七。七者。戚也。固安陳志世俗多修佛事。士大夫家亦有遵行文公家禮者。東安李志踰

月而葬。或有停喪至數年者。及祔葬。富者蓋席爲棚。家祭請題主。祠后土。以文武甲

第主之。固安陳志發引前一日。戚友賻弔。曰封靈。士大夫家延庠生行遷柩禮。發引日。喪

家或用僧道。士大夫家或用庠生於途。行遣奠禮。戚友束帛素服送殯。或設路祭。或

設祭品於墓所。曰山頭祭。通州高志喪家散孝。有孝袍孝帽。貧者設奠而已。亦設孝帽。固安

陳志葬實土。或墳料而不樹。三日。孝子增築新土。謂之圓墳。亦謂之煖墓。通州高志至清明

日。必填墳。持喪二十七月。百日不雍髮。遵制與京師同。固安陳志送喪有擬司會。以其法

度整肅。擬于官司也。鄉人或二三十人。多寡不等。各爲一朋。每朋推年尊者三人爲

長。次又推一人爲主事者。司出納。衆咸聽約束。一會各出銀錢。主事收掌。遇各人及

親識有喪。則約齊於晡時往弔。量出會錢。以爲奠賻。謂之坐宿。發引時。各具幡幢會

送。凡行禮。坐立皆以齒。拜跪參差者有罰。冠裳秩秩。少長隨行。殊可觀也。順義黃志

祭禮。士大夫家。凡有廟堂者。祭於廟堂。無廟堂者。室中設一龕。奉神主。逢節祭拜。朔

望焚祝。出入祇告。四時供鮮。生子娶婦諸事。必祭之。良鄉志清明節。祭掃先塋。懸掛紙。

放起花。奠於墓所。比戶皆然。回集家廟。廣設几筵。合族會食。歡洽竟日。亦有取次分

門。在家會飲者。七月十五日獻麻谷。十月一日送寒衣。除夕新節元旦。懸像設供。家

家致祭。遇祖先忌日。請主在堂。具牲醴。舉家拜奠。三年服闋。肅儼相備。獻儀祝告先

靈。易凶從吉。不煩不怠。猶有古風。甯河志歲時正旦五更時。農家秫稻一節擘開。依次

挖十二孔。以配十二月。卽以大豆十二枚。置其中。線纏合之。質明開視。數至某月。豆

漲大。則某月多雨。無不驗者。清晨牽驢一頭。隨喜神方位。驅之。謂之迎喜神。固安志祀

神祇。先換新衣。謁官師。拜尊長。親識往來交拜。候陰晴。觀日色。以占年月。歲豐歉。預

治餚蔬。三日內不糞生。不煎炒。迎喜神貴神。良鄉志初二日。每家於祖塋焚紙錢。行四

拜禮。固安志初七日。攜酒登高。良鄉志自一日至十日。以陰晴卜六畜人穀菜果之豐

耗。三河志元夕好事者。先期按戶斂錢。爲燈燭費。謂之燈會。固安志十五至三十里。二泗

娘娘廟有廟場香會。通州高志十六日爲耜磨日。宜飲酒。忌開倉庫。東安李志久患眼疾。以艾

炙瓦窰卽愈。房山志二十五日俗以爲倉官誕辰。用柴灰攤院落中爲圓形。或方或圓。

中置爆竹以震之。謂之漲囤。又謂之填倉。永清周志二月初二日龍抬頭節。人家以石灰

引白龍。入以小灰引黑龍出。亦有以小餠食祀者。甯河丁志以水和麵如粥。置油於釜。熟

食之名曰煎餅。固安陳志自初一至初三。各置土地廟。演戲祀神。十九日北壩菩薩廟。有

廟場香會。通州高志三月三日病創者。多以長流水洗之。卽古人修禊遺意。涿州吳志初二日

孤山廟有廟場香會。通州高志清明各祭於先塋。加新土。供牲醴。焚紙錢。祭畢。乃燂饌。享

餞餘。少長咸集。謂之清明會。固安陳志有喪之家。三年內。於春首戊寅日以前。祭新墳。不

過天赦日也。通州高志自十七至十九。楊富店娘娘廟。有廟場香會。通州高志二十六日。俗稱

爲本縣城隍生日。相率賽會。奉神像。導以鼓樂旗旛。迎於街。及廟而止。永清周志二十八

日。俗爲東嶽誕辰。州人詣北關東嶽進香。涿州吳志留台光三元宮廟會。房山志自二十七

至二十九。東嶽廟有廟場香會。通州高志穀雨。貼逐蝎圖於壁。以壓之。東安李志四月自初一

至十五。宏仁橋娘娘廟。張灣廣福寺。俱有廟場香會。高州志俗不養蠶。婦人無事。自初

春時。即治秋令衣服。必於此月告竣。固安志初八日。登崆峒山。賽崔府君神。薊州志十八

日。天開娘娘廟會。房山志登五名山。賽聖母會。薊州志草寺娘娘廟。有廟場香會。高州志二

十六日。本縣城隍生日。賽會。順義志二十七。八日。城內外。四處藥王廟。有廟場香會。通州志

高州志男女上廟進香。絡繹於道。東安志北闕九神廟。有廟場香會。高州志五月初一日。本州

城隍。自四月晦日。至初一日。廟場香會。里二泗娘娘之廟。亦於初一日。有廟場香會。

通州志端午日。城邑皆佩艾葉。飲雄黃酒。食角黍。親友交餽。邨中第食角黍而已。固安志

繫采絲於小兒背。謂之長命縷。東安志十三日。為關帝誕。自初一至晦日。王恕園關帝

廟。有廟場香會。通州志夏至。戴葦麻子葉。長命菜。即馬齒莧也。涿州志六月六日。汲水浸

物。經久不壞。三河志曝書及衣服。為冰雹會。固安志曝衣。通州志農家以土穀神掛於地頭。

名曰掛土地頭。香河志十七日。俗稱本州城隍誕。有廟會。通州志二十三日。賽火神廟。薊州志

二十四日。為分龍會。固安志七月七日。婦女乞巧。投針於水。借月影。以驗工拙。良鄉志

至夕。設瓜果酒脯。祭織女。固安志十五日。作盂蘭會。放河燈。固安志或於衢路。曰旱道燈。

東安志攜楮錢。登隴墓祭奠。固安志八月二十八日。城隍誕辰。賽會。薊州志九月九日。鄉農

散工。開六畜欄。牧于田野。陳志冬至日。行釋菜先師禮。懸像。或設主師生以次肅拜。

奠獻畢。敬徹像。主則跪焚之。弟子拜先生。窗友交拜。謂之拜冬。固安志臘月八日。臘八

粥。必於五更以前食之。俗傳食粥早。則五穀之收成亦早。固安志除日。各隨家之貧富。

豫備酒餼果物。以給新歲之需。易門神桃符。貼春聯。以祓不祥。居喪之家。必登門拜

之。謂之拜孝年。至朝。則日高三丈。猶閉戶不出也。

▲山東

●濟南

泰山之陽則魯。其陰則齊。帶礪山海。高壤數千里。宜五穀桑麻。多文采布帛魚鹽。其

俗寬緩闊達。而足智。好議論。地重難動。搖史記俗彌奢。織作冰紈綺純麗之物。號為

冠帶衣履天下。漢書齊部舒緩養名。漢書朱博傳水道遒勁而急。故其民粗而好勇。管子齊郡

風俗。男子多務農。桑。崇尙學業。隋書齊固爲文學之國。然亦以朋比夸詐。見於習俗。曾

齊州詩序濟南人敦厚。闊達多大節。元程口遂問堂記

歷城縣。重農桑。崇學業。樂輸將。敦氣節。其大較也。而四鄉三關。風尙各異。南鄉務

耕牧。椎魯畏法。而近關雜處。人多剽悍。東鄉習耕讀。聰察善訟。俗號殷富。士多出仕。

而近關者。稍樸鄙。西鄉亦務稼穡。知誦讀。近關之士。多雅秀而文。然稍失之華。北鄉

則專治畦圃。敦樸無他營。最爲近古。邑志

章邱縣。關廂士民雜居。商賈輻輳。營機利。多駟駘。西錦平曠。俗勤耕作。東北爲清

平鄉。多業桑。蠶成織紗絹。爲利不貲。南則東錦清河上下。菱芡葦蒲。均資其利。西南

夾山而居。卽依山爲業。士知讀書。好吟咏。女勤織紡。奮節義。邑志

鄒平縣。民業農桑。士知禮義。性儉樸。居處不事商賈。婦女蠶桑之外。兼務紡績。婚

娶視家豐。齋爲禮。喪葬頗崇外飾。邑志

淄川縣。自昔崇尙經術。敦勵名節。今其俗猶循禮讓。急租賦。爵名詞翰。甲於他邑。

歲時伏臘。尚不失先民遺義。而喪葬則專事繁華。邑志

長山縣 民無遊惰。務農桑而輕貿易。士絕奔競。尚文學而重婚姻。邑志

新城縣 文學彬彬。甲於他邑。民朝免襁負。夕秉耒耜。無敢淫佚。婦則布襦蓬首。操

作恐後。士眈呬。嚴尚師友。薄婚娶而厚於喪禮。重交際而儉於居恆。殆古風之猶

存者。邑志

齊河縣 士大夫崇尚禮讓。不事干謁。庶民男耕女織。茹蠶被毳。少有牽牛服賈於

遠方者。嫁娶喪葬之禮秩。由舊士口口口不務紛華。口修之暇。門外口力於南畝。

淳朴之風。亦概可見矣。邑志

齊東縣 貴禮尚義。長者有勤儉之範。子弟多絃誦之風。見劉敏中齊東學記婦女務蠶績。一

切公賦。終歲經費。多取辦於布綿。邑志

濟陽縣 士好經術。矜名節。民務農桑。負意氣。婚喪助。獎善嫉惡。不遺餘力。猶爲

直道而行者。邑志

禹城縣 祝阿縣俗賓婚大會餽饌雖豐至於蒸膾嘗之而已多則謂之不敬共相

誚責此其異也見隋書作息隨朝暮耕鑿供飲食農餘恣譌謠擊壤忘帝力恍如唐虞

民那知齊魯域見任宗美詩

臨邑縣 生齒繁盛習尚淳龐地無遺利人貫貿易隣里親黨洽比一堂疵賤不受

非笑尊富不事矜夸詩書之業比屋彬彬絃誦之音噉於絲竹士多知恥罔事干

謁男耕女織外內克勤急公趨賦無用督責俱見縣志

長清縣 淳厚不佻男多愿慤之行女無豔冶之飾薦紳多高尚士厲廉隅甘退讓

有古禮教之遺民務樵采種菜茹勤紡織皆有事賦畝以自食其力無輕去其鄉者

又其俗急公賦而拙於生殖冠婚喪祭各成禮弗為鄙嗇而財用較他邑獨貧古所

稱士敦工樸商慤女邑志庶幾近之

陵 縣 平原故址其地無高山危巒其野少荆棘叢雜馬頰高津經流直下無委

蛇旁分之勢故其人情亦平坦質實機智不生北近燕而不善悲謔南近齊而不善

誇詐。民醇俗茂。□幅無華。見邑志序

德州 當水陸之衝。五方雜揉。語言嗜好。亦區以別。齊魯風教。猶存。故士重廉

恥。敦禮義。庸人婦女。亦知盡孝仗節。人文颺起。名卿蟬聯。實甲山左。俱見州志

德平縣 人尚忠勇。家業農桑。風俗淳厚。惜其小民。猶有頑梗好訟者。邑志

平原縣 崇孝弟。惜廉恥。畏刑辟。習儉素。鄉之長老。多厚重。謹愿。讀書敦本。實其仕

進。卒砥礪名節。農工商賈。皆務敦篤。不敢犯非分。婦人亦慎內閑。而修女職。無論貧

富。於古蓋庶幾焉。惟婚嫁喪葬。專事華靡。邑志

● 兗州

周以少昊之墟。封伯禽爲魯侯。其民有聖人之教化。瀕洙泗之水。其民涉渡。幼者扶老者。而代其任。俗旣益薄。長老不自安。與幼少相讓。故曰魯道衰。洙泗之間。斷斷如也。孔子乃修六經。以追述唐虞三代之道。弟子受業而通者。七十有七人。是以其民好學。尚禮義。重廉恥。他陞民衆。頗有桑麻之業。無林澤之饒。俗儉嗇。愛財趨商。

買好訾毀。多巧僞。喪祭之口口備實寡。然其好學。猶愈於他俗。俱漢書口人重織作機。

杼口口口唐李白詩人務耕桑。樸而不華。有古風趣。圖經兗州舊界。介於河濟。地非險固。口

雜數國。秦漢以降。政理混同。人情樸厚。俗有儒學。文獻通考

滋陽縣 士風和厚。雍容不事奔競。民亦畏法。為狙詐習。婚喪從儉。衣服布素。有先

王之遺。邑志

曲阜縣 韓宣子謂周禮盡在魯。漢高祖謂守禮義之國。今時代雖遠。而冠婚喪葬。

一稟典禮。古道犁然。宛乎周情孔思焉。邑志

寧陽縣 士敦禮讓。勤詩書。不事虛名。非公事不履縣庭。衣冠咸尚朴質。尤急公輸

稅。以為齊民倡。君多椎魯。家務耕鑿。邑志

鄒縣 鄒人東近沂泗。多質實。南近滕魚。多儉俠。西近濟甯。多浮華。北近滋曲。多

儉齋。邑志

泗水縣 周孔之教。衣被獨多。士廉而樸。不習進趣。民質而惰。不善蓋藏。四民之業。

農居六七。賈居一二。婚姻稱家。烝嘗燕會。奢儉得中。邑志

滕縣 自齊封田文於薛。爲孟嘗君。而好士。招天下任俠姦人入薛中。六萬餘家。

故其俗多桀。鶩子弟。漢興。叔孫通明禮樂。諸弟子共口。於是翕然大變。彬彬乎鄒魯之舊矣。邑志

嶧縣 簡樸務稼穡。士亦循循慕學。有古風。嶧故鄙小。春秋以降。逮於明季。變更不一。其質直懷義類魯。其寬緩闡達類齊。其輕剽任氣類楚。雖洙泗之教。猶在人心。

而遷染於諸國者。亦多有之。邑志

金鄉縣 地大人稠。俗樸風古。見方輿勝覽士專絃誦。民務耕鋤。厚重似西北。而不傷於

僂。文采似東南。而不傷於侈。邑志

魚臺縣 古之方輿。壤接豐沛。在漕河之旁。地多沈斥。其俗謹厚畏法。詞訟甚簡。嫁

娶省約。不論財賄。見郡邑志

濟甯州 士俗古遠。風流清高。賢良間生。掩映天下。君子以才雄自高。小人則鄙野。

難治。青衿向訓。黃髮循禮。耒耜就役。農無游手之夫。機杼和鳴。織罕嘔哦之女。俱唐李白

在城廳壁記

嘉祥縣 絃歌舊地。聖澤猶存。文學蔚興。名賢輩出。俗尙淳厚。民多務本。椎魯文

少。甯野之風。猶有取焉。見邑志序

汶上縣 文俗寬博。易直不爲小。文有大國之風。負山而居者。守桑麻之業。其餘瘠

土。亦勤於稼。而瀕汶一帶。擅水土之饒。氣盈計廣。奢詭互用。近漕比廬。仰食機利。西

鄉則宜木綿。紡車之聲。聞於四境。距城二百里許。土曠民悍。視負郭者。如異地然。邑志

陽穀縣 土多厚溼。半爲沙礫。無山林之沃。邑少科甲。士民勤儉。無所紛華。唯居秋

者。稍侈靡。良民早輸租賦。重犯口。士大夫尤爲近古。口訕上好口。口見志

壽張縣 邑僻而狹。壤多瀉鹵。士風儉樸。與陽穀同。而仕宦之族爲盛。亦多在張秋

云。邑序地雖褊小。實近聖居。其被洙泗杏壇雅化更切。戶口雖少。男耕女織。伎求奸慝

之念不作。學校諸生。義路禮門。夤緣請託之事。不爲。見邑志序

● 東昌

周末有子路夏育。人民慕之。故其俗剛武。尙氣力。漢書漢韓延壽爲東郡太守。表孝弟。

修治學宮。間行縣。召長老。問以謠俗。因與雜定嫁娶喪祭儀品。數令文學校諸生皮

弁。執俎豆。爲吏民倡。是時政教大行。最號易治。舊傳太公康叔之教。亦有周孔遺風。

今其人尙多好儒學。性質直懷義。有古之風烈。隋書人尙勁悍。民事漁獵。元方俗近淳

厚。知禮遜。習俗節儉。人多讀書。士風彬彬。賢良宏博。俱明一統志

聊城縣 近鄒魯之鄉。沾孔孟之化。初尙夸詐。後變淳良。務稼畜治生。不喜爲吏。嫁

娶不論財幣。喪葬不尙僧道。百姓急公趨賦。雖有詛告。而無詐訟者。見郡邑志

堂邑縣 士風嫻秀。善唇齒。婚喪頗循古儀。雖華弗佻。小民勤身服罽。不業非分。邑志

博平縣 丈夫力耕作。婦女勤紡織。經生勤詩書。雅尙口節。重齒讓。畏刑罰。鄰里和

睦。訟訐希有。邑志

茌平縣 地近聖居。重禮教。而口名節。人多淳厚。好文學。而務農桑。邑志

莘縣 士漸鄒魯風。民習莘郊俗。窮達不變。貧富相周。風俗之厚。有自來矣。志邑

清平縣 居民鮮少。土坦茅屋。平沙曼衍。俗近朴約。城以西多士族。多磊落闊達。志邑

冠縣 土薄俗儉。大與莘類。士風倜儻。恥尙齷齪。人知孝義。喪祭以禮。不競淫巧。志邑

不事告訐。志邑

臨清州 俗近奢華。而有禮。士雖務名。而有學。文教聿興。科第接踵。衣冠文物。甲於

東方。舟車畢集。貨財萃止。服賈之民。亦什居其六焉。志邑

館陶縣 風氣淳和。士馴雅好文。密邇臨清。服室侈華。自監兌境上居民。館中州富

戶。而利其奇贏。俗爭棄農矜賈。見郡志邑

邱縣 邑錯廣平而治。士謹愿樸野。百姓務稼穡。有垂白不涉公庭者。但俗猛悍。

大類燕趙氣習。志邑

恩縣 恩爲齊趙之交。人多直率。負氣節。好惡近直道。蓋自有慷慨悲歌之遺。喪

葬如古禮。婚嫁類鶩侈靡。冠時祭間能行之。志邑

高唐州 臺表絃歌之化。地維禮義之邦。聖賢之遺迹可尋。鄒魯之遺風未泯。元開復重

修廟學記 風土醇沃。物產森茂。明梁口儒學記 百姓攻苦力穡。無聲伎狗馬之好。士大夫篤行

誼。恥浮薄。機械之巧不足。而忠信有足肖焉。古爽鳩氏之墟。風俗樸野。降及中世。

風氣漸開。賢才迭出。蔚為中原文獻之邦。俱見州志

夏津縣 民務耕稼。士習詩書。節儉之風自古而存。浮華之俗逮今而革。邑志

武城縣 邑故文獻之藪。士風徵重。矜節。恥與時俯仰。小民以蠶績耕稼為業。奉法

遠。罪俗在剛柔之間。見郡邑志

● 青州

季札聞歌齊曰。美哉。泱泱乎大風也哉。表東海者。其太公乎。國未可量也。左傳以太公

之聖。建國本。桓公之盛。修善政。以為諸侯會盟稱霸。不亦宜乎。史記初太公治齊。修道

術。尊賢智。賞有功。故至今。其士多好經術。矜功名。其失夸奢朋黨言與行謬。虛詐不

情。急之則離散。緩之則放縱。臨淄海岱之間。一都會也。其中具五民云。俱前漢書物饒

三服麗。居樂五民游。唐柳宗元詩商農阜通。儒俠雜居。李承之知民俗富完。而鑿井耕田。

各安其業。宋歐陽修知錦繡絺紵皆興於齊景公。喜奢而忘儉。幸有晏子以儉率之。

然猶不能勝。齊俗之侈。蓋自景公始。困學紀聞人情變詐。好行機術。逮於漢世。儒雅盛興。

今古風俗頗華。亦有文學。性緩尚儒。仗氣任俠。俱文獻通考

益都縣。士有退讓之習。民無告訐之風。闌闌以居。正而不譎。杼軸其空。貧而不怨。

其奉上也嚴。惴惴以禮自持。非公正不入令署。俗至厚也。俱見土厚水深。家給人足。

宋王曾對真宗語

臨淄縣。臨淄甚富而實。其民無不吹竽鼓瑟。彈琴擊筑。鬪雞走狗。陸博蹋鞠者。見

記人勤稼穡。家鮮蓋藏。邑志

博興縣。地樸民淳。男耕女織。無奇技淫巧。以蕩其心。亦無遊人異物。以遷其志。澤

以詩書。則為文物之邦。敦以禮教。則成信義之俗。大非夸詐之比。邑志

高苑縣。土饑民貧。性剛好義。尤重婚喪之禮。業儒者十之三。服耕者十之六。鬻

販者十之一。君子則樸茂少文。小人則冥頑無知。俱見邑志

樂安縣 瀕海瘠鹵。民務耕桑。終歲兢兢不給。蓋北偏窮處然也。士夫矜名節。而多

建白。士樸亮。民嚮直。邑志

壽光縣 平原沃澤。桑麻翳野。人皆力農。逐末富者少。大約皆本業之民。俗事蒐臘。

秋菽滌場以後。臂鷹旋置者。常錯交於道。其猶間盧令之遺風乎。邑志

昌樂縣 生計艱。故無紛華。托業薄。故無遠大。士習愿朴。民務農桑。間亦逐什一之

末。冠婚喪祭。猶見古風。邑志

臨朐縣 胸界巖邑。渾拈未漓。其縉紳恬退。子衿誦讀。不事奔競。農勤耕桑。習織紉。

賦稅樂輸。冠服遵制。婚娶近古。喪祭宴會。稍奢華。邑志

安邱縣 地界濰汶之間。風俗朴魯。其世家好禮文。富人商賈爲利。里井務本。士矜

功名。女敦節烈。喪禮靡侈。用音樂。邑志

諸城縣 敦淳樸。習禮義。崇儉約。婚喪交相爲助。好學尙儒。勤生嗇施。邑志 至今東魯

遺風在。十萬人家盡讀書。宋蘇軾刺密州詩

博山縣。民風樸愿。士有學行。瞻顏文姜之祠。孝思興起。然而本業不足。治末有餘。至於鑿山煮石。蹈水火而弗息。則以其士瘠也。舊顏山志

●登州

英雄豪傑之士。甲於京東。文物彬彬。而豪悍之習自若。輿地記登萊高密。負海之北。楚

商兼湊。民性復戾。而好訟鬪。大抵東人皆朴實純直。甚者失之滯固。然專經之士爲

多。宋史人淳事簡。地瘠民貧。蘇軾登萊州謝表民多樸野。性皆擴直。猶有古風。凡有施爲。質多文

少。元志蘇軾游宦之邦。文章所薰染。禮樂所漸摩。士風之秀。如親登坡老之門。圖經

蓬萊縣。蓬萊介乎山海之間。土疎水闊。人性剛強。蓬故齊之東鄙。民淳而俗簡。

猶爲近古。邑志

黃縣。瀕海之民。淳質易治。見學宮記娶婦之家。不舉樂。宴客衣服不綺靡。男耕女織。

以逋賦爲恥。訟獄不事無情之辭。不世役奴婢。邑志

福山縣 民俗敦厚。無異鄒魯。福山廟 學記 宦無異於士。士無異於民。民之爲農者什九。

爲吏者什一。以急公家完賦稅爲先務。以崇廉恥重敦睦爲本。邑志

棲霞縣 人淳無寇盜。地鹵少桑麻。棲霞尹李惠詩 田多砂石。耕穫完官。不足糊口。山阜草

豐。間事樵採。濱海之利。七屬皆資。惟棲不與。地產木綿。無論紳士及農家男婦。皆紡

織以白衣被。邑志

招遠縣 四民有常業。六禮有常儀。歲時有常節。甯樸無華。甯儉無奢。邑志

萊陽縣 民之氣習醇雅。爲士者敬慎而好禮。且勇於爲義。見邑儒學記

甯海州 甯俗尙節義。化重閨閫。貞女烈婦。不勝旌表。縉紳節儉。崇禮讓。爲士者

衣布食蔬。不事華耀。農務耕田。間治蠶桑。無田者傭作。疏圃勞過於農。什物器用。亦

朴質無奇。邑志

文登縣 士好經術。俗尙禮義。見廟學記 近海早寒。商賈不通。傳習聖人之書。男耕讀。女

紡績。人罕逐末。俗尙幽貞。質掩其文。有葛天氏之風。俱見邑志

海陽縣 民俗醇樸。士習嫻雅。歲時伏臘。斗酒相勞。彬彬乎質有其文。舊大嵩衛學記

榮成縣 近山者。土瘠而鮮蓋。藏近海者。網利而無常業。惟誦讀之聲。猶與機聲相

間。文之餘也。舊山衛志

萊州

東萊人尤樸魯。故特少文義。隋書人性剛強。志氣緩慢。語聲上。形容大。此水土之風也。

寰宇記萊夷作牧。貢筐以時。莫怠莫違。揚雄箴京東東路。西抵大梁。南極淮泗。東北至於

海。有鹽鐵。絲石之饒。其俗重禮義。勤織紉。宋史膠西東並海。南放於九仙。北屬之牢山。

其中多隱君子。宋蘇軾蓋公堂記男通魚鹽之利。女有紡績之業。元志

掖縣 憑負山海。民殖魚鹽。以自利。道里僻阻。商旅不通。其俗質勝乎文。見邑志

平度州 封域尚富強。人民多文采。太公封於齊。修道術。尊賢能。賞有功。勸女紅。

極技巧。俱見邑志

濰縣 民務農商。有富庶之風。士勤詩書。多科貢之選。人文接踵於賢科。節義

光昭乎簡冊。巖廊事業。閭巷絃歌。颯颯乎。太公表海之遺。俱見邑志

昌邑縣 俗尚質樸。敦本抑末。鄰保相周恤。吏民鮮告訐。士類崇行誼。遵禮法。無把

持請託之習。農家男婦皆耕穫紡績。但瀕海財乏。無復業商者。邑志

膠州 人民樸野。躬勤耕織。士重風流儒雅。克敦志節。生理闊疎。民貧俗儉。頗

尚節氣。俱見州志

高密縣 土地頗僻。人多務本。婚喪稱有無以爲禮。民習剛勁。而任質直。士修行

檢而崇科目。歲時鄉會。猶有禮讓遺風。俱見邑志

卽墨縣 樵蘇爲業。魚鹽爲利。澹泊自足。不尚文飾。士好經術。人務耕織。禮義之

風有足稱者。俱見史記

● 武定

太公以齊地負海。鳥鹵少。五穀而人民寡。乃勸以女紅之業。通魚鹽之利。而人物輻

輳。周道四達。禮樂交通。數千餘年。俗尚耕織。士崇經術。俱書漢多才能重許。可任辛

苦。唐杜牧語勁勇而沈靜。椎鈍而少文。宋蘇軾語

惠民縣 人性樸質。而敦禮教。士尚節義。而勵德行。民重廉恥。而畏刑罰。居城市者。

事商賈。服畎畝者。力農桑。舊州志東南之鄉。地苦沮洳。然其民勤力作。而惡游惰。故多

富饒之家。西北之鄉。人多強悍。每習刁健。而好鬪狠。遂為逋逃之藪。元張起巖文集

青城縣 多才力。重許可。見三齊論民醇俗厚。號為易治。見儒學記喪葬有序。不泥形家。邑志

陽信縣 風俗樸儉。男耕女織。饑者弗食。而憂田賦之不完。勞者弗息。而憂丁徭之

無措。急公好義。古道存焉。近亦稍事侈靡。棄本逐末。喪葬婚嫁。為費不貲。閭里亦間

多強暴。邑志

海豐縣 逼處海隅。物產不繁。無豔佚驕縱之資。試經術者。篤忠勤。務力作者。敦本

業。冠婚喪祭。一循禮度。蓋古風尚有存焉。邑志

樂陵縣 多務農桑。崇尚學業。朋比夸詐。見於習俗。其蔽也。或失之舒。而緩侈而麗。

邑志

商河縣 民務耕桑。而好靡費。士多聰敏。而鮮篤學。婚姻喪葬。互相周恤。綽有古風。

邑志

濱州 自泰山屬之瑯琊。北被於海。膏壤二千里。其民闊達。多匿知。其天性然也。

俗好儒。備於禮。故其民齷齪。地少人衆。儉嗇畏罪。遠邪。俱史記閭閻禮會。而百姓親

睦。漢書尙氣。鷲戾。元方與記習尙敦厚。民皆務本。明一統志衣服多樸素。飲食不尙珍異。居室極

草陋。鹵土渥塗。聊蔽風雨。然不浸不爍。尙亦有利交遊。亦減煩儀。見州志

利津縣 僻在海濱。土地鹼薄。生理鮮少。惟土物是愛。故其俗渾渾朴朴。不見異物

而遷。男婦自耕織外。不事操奇盈。以逐什一之利。士大夫不以朱紫相誇詡。喜慶賀

飲。濁醪雅會。薄暮言歸。不作長夜歡。蓋有太古之風焉。邑志

霑化縣 霑與鄒魯同風。故其民敦龐愿朴。尙行誼。力稼穡。尊吏肅法。而習於儉。且

僻處海陬。不通商賈。曾不知坐列轉販。操奇贏。以乘時之急。士安於庠。農狎於野。

相助相望。至老死不識官府。其渾悶之俗乎。俱見邑志

蒲臺縣 戶有鹽利。人習漁農。蓋穆陵無棣之間。一小口口也。見邑志序地苦沙鹽薄人

勤紡織良。王璣詩

●沂州

家家顏閔。人人求由。讀先王之書。文質彬彬乎過人。絃誦洋洋乎盈耳。皆聖人之遺

澤也。圖經俗尚清虛。人無爭鬪。方輿勝覽民淳物阜。桑土繁滋。沂州沿革記在山川之間。地多陜

阨。風氣勁急。青徐兩界。其俗純馭不一。原州志

蘭山縣 地廣而民聚。俗敦禮讓。好名譽。猶有古風。雖功名人物。不逮漢晉時。而風

氣之厚。人情之樸。未改也。舊州志

郟城縣 疆域廣博。水土深厚。民俗質樸。勤於稼穡。有淳古之風。士習於庠。子衿

無佻達之風。農耕於野。田間無游食之衆。工安於肆。不作淫巧。商集於市。不鬻異物。

亦幾於淳樸矣。而輕悍刁訟。尙鬼信巫者。亦強半焉。邑志

費縣 山居谷汲。田多荒棄。向有長吏。加意墾闢。化爲沃土。他邑就食其中。赴之

如市。俗樸而勁。人物秀美。科第頗少。仕籍益寥寥焉。地善畜牧。有氈毳之利。操山

繭。爲壓絲以自食。俱見邑志

莒州 莒之爲地。近於魯。夙被周公孔子之化。而曾子子夏。仕於其地。又樹之以

篤信誠慤之風。迄今士習民風。猶爲近古。見州志 其地襟海帶沐。饒五穀薪蔬。士重禮

節。恥奔競。民朴而愚。不見紛華藻飾之習。素稱易治。載州職題名記

蒙陰縣 土瘠民貧。附庸於魯。有魯遺風。民無商賈。專務本業。家重禮教。戶重位

義。從魯也。士好經術。俗賤僕傭。從齊也。婚姻不論財。祭葬必竭力。士多質樸。不

諳浮夸。民知急公。鮮逋賦稅。俱見邑志

沂水縣 其俗朴而儉。其民勇而直。修之以仁。則相愛。教之以禮。則相讓。驅之以義。

則力足以勝私。惕之以威。誘之以詐。則鬱隱忍而不校。見縣志 近俗最爲質魯。民多椎

少文。衣布食粟。安環堵。茅茨之間。不知世間有淫冶靡麗之事。遊士不入其鄉。豪強

無所容足。邑志

日照縣 瀕海之民。尚樸素。務素讀。工不作奇巧之器。商不蓄浮靡之貨。士子閉戶讀書。以德行文章相推重。奔競事則羞稱之。近亦急於謀生計。爭錐刀。女流饒剛正。矢柏舟。慷慨赴義。不以爲難。蓋亦風俗之善云。俱見邑志

● 泰安

鄒魯遺風。英賢不絕。梁高祖美羊侃語。鄒魯舊邦。臨淄遺俗。俱沐二周之化。咸稱一變之風。唐駱賓王。風俗淳樸。而尚儉素。明張從仁文廟記。士尚詩書。民執常業。明李錦州志。浸淫於貿易之

場。競爭於錐刀之末。邑志

泰安縣 人才口口嶽靈。其地多談經抗疏之士。士大夫循口篤行。行古風者。什

之二三。而庶民之家。莫不驚紛華美。冠履以相矜口。舊州邑志

肥城縣 土俗質直。猶有聖人之教化。地介齊魯之間。其俗互類。邑志

新泰縣 尚質樸。勤稼穡。崇節儉之風。薄浮靡之習。歲時社會。貧富相資。喪葬有序。

不泥風水。邑志

萊蕪縣 齊俗闊達。或失之侈。魯俗忠信。或失之嗇。萊介齊魯之間。其氣質所生。習染所錮。亦若在齊。固齊在魯。固魯者。邑志

東平州 其土沃衍。其民樂阜。其君子好禮。其小人趨本。其俗習於周公孔子之流風餘教。可馴以詩書。故多士族。宮室壯麗。其俗浩大寬舒。不爲促狹。亦不至華侈。而尙氣任俠。不能匿情自飾。短長易見也。州志

東阿縣 地近鄒魯。士知自重。儉不中禮。弛或踰繩。性澶漫少慮。不工生殖。虛浮鮮蓋藏。士樸而民侈。訟獄希簡。不能爲浮詞。土壤瘠薄。山水峻急。鮮有千金之寶。其俗儉樸深沉。崇尙文雅。以風節相高。恥爲奔競。冠服居室。不慕鮮華。而禮文有不足焉。守禮畏法。租稅無逋。邑志

平陰縣 古廬縣地。城郭甚狹。厥壤南境燒塢。北境平衍。膏腴居半焉。民力耕耘。禾蔬肥茂。其土風質樸厚重。好興禮讓。而山谷之民。頗稱狙獷。邑志

● 曹州

昔堯作遊。舜漁雷澤。湯止于亳。武王封弟叔振鐸於曹。故其民猶有先王遺風。重厚多君子。好稼穡。惡衣服。以致蓄藏。前漢書

荷澤縣。陶天下之中。諸侯四通。貨所交易。矜廉隅。恥干謁。馴謹易治。賦稅早完。

男子專務耕織。不事商賈。女子治絲枲。纂組無惰。其醕樸大略。不異古風。民間子

弟。間習騎射。尚義勇。俱見州志

單縣。地廣而關。閭井繁庶。以耕桑爲業。不通商賈。風俗儉樸。車服簡素。賦稅易

完。見郡邑志

城武縣。民俗坦夷。厚重多君子。無機械狙詐之習。婚娶不論財。棺衾務從厚。婦女

不尚膏沐。食尚儉約。無故不殺鷄豚。賓客餽遺。稍近奢侈。故民多虛耗。士重名節。

輕勢利。有敗行者。衆非笑之。俱見邑志

鉅野縣。士頗讀書。重廉恥。不事外飾。交情尚平淡。民務耕織。不好遠游。急公奉法。

頗馴良。女子重節義。喪葬禮儀。侈靡特甚。邑志

鄆城縣 地居魯衛之間。二國之風各半。民務稼穡。多讀書。士風彬彬。聚會則相歡。守望則相助。重儒雅而輕勢利。存廉恥而羞苟得。衣冠之家。相讓無爭。是以人物間出。土沃民淳。魯西名邑。俱見邑志

曹縣 曹風深醇。和厚。男耕女織。風俗可觀。地饒而沃。生息蕃庶。故多世族。聲

名文物。號爲華侈。俱見邑志

定陶縣 邑頗狹小。而居民稠密。上壤平羨。實夷衍蕃息之區。近時稍務炫耀。然婚喪有不能舉者。親友共助之。二曹皆然。此爲淳風耳。邑志

濮州 野王好氣任俠。有濮上風。漢書其敦篤誠慤。文質適中。故前賢有衛多君子之言。圖經膺高陽之淳化。襲衛武之流風。漸被禮義之俗。共稱仁厚之鄉。學術日興。民

風日美。郡古顓頊之墟。風士深厚。其人皆博大魁梧。工藻翰。經學多師傳。里中諸雋。間遇勝日。分曹賦詩。極文墨之樂。俗以門族相誇。田園宮室之奉。甲於山左。俱見邑志

志

范縣 士多闔門自守。非公事未嘗登有司之堂。仕宦家不肯挾貴驕人。細民兢兢畏法。稅課及期。雖貧者悉貸錢以輸。以故縣無逋負。婚喪稱家有無宮室衣服宴會量乎貧富。若夫輕薄奸頑拂衆忤俗之輩。間亦未免焉。邑志

觀城縣 邑不滿千戶。俗慕儒雅。締姻貴顯。以是冒殷富名。今蕭然靡敝。絃誦不輟響。士多雅秀。文風振起。俱見邑志

朝城縣 朝邑風俗尤可觀。士習詩禮。民務農桑。鄰保有相助之風。鄉黨無偷薄之俗。禮際多從厚道。膠庠有體。閭閻急公。間有佻冶。亦不能爲風俗玷。俱見邑志

▲山西

●總志

河內曰冀州。其山鎮曰霍山。其澤藪曰揚紆。其川漳。其浸汾潞。其利松柏。其民五男三女。其畜宜牛羊。其穀宜黍稷。正北曰并州。其山鎮曰恆山。其澤藪曰昭餘祁。其川虜池嘔夷。其浸涑易。其利布帛。其民二男三女。其蓄宜五擾。其穀宜五種。鄭康成注五擾

馬牛羊犬豕五種黍稷菽麥稻也 賈公彥云五擾馬牛羊犬豕者六畜中雞為緩故去之云五種黍稷菽麥稻者若饋用六穀則兼有菘若民之要用則去菘故知是此五者

季札觀樂為之謠唐曰思深哉其有陶唐氏之遺民乎不然何憂之遠也非令德之後誰能若是為之歌魏曰美哉颯颯乎大而婉險而易行以德輔此則明主也註晉本唐

國故有堯之遺風憂深思遠情發於聲 颯颯中庸之聲婉約也險當為儉大而約則儉節易行惜其國小無明君也

魏國風七篇葛履刺編 汾沮洳刺儉 園有桃刺時 陟岵孝子行役 思念父母 十畝之間 刺時 伐檀刺貪 碩鼠刺重斂

唐國風十二篇蟋蟀刺晉僖公 山有樞刺晉昭公 揚之水刺晉昭公 椒聊刺 晉昭公 網繆刺晉亂 扶杜刺時 羔裘刺時 擣羽刺時 無

衣美晉武公 有林之杜刺晉武公 魏國風譜葛履 汾沮洳 魏無世家 其詩當在平桓之間

魏國風譜蟋蟀 碩鼠 魏無世家 其詩當在平桓之間

唐國風譜蟋蟀 碩鼠 魏無世家 其詩當在平桓之間

蓋王世葛履 采芩晉昭侯時 繫周宣王世 無衣 有叔虞於唐至六世孫

僖侯唐之變風始作唐之地堯都詩人本其風俗故云唐自僖至獻公有詩者四惠無詩下

魏地狹隘。其民機巧趨利。其君儉嗇褊急。而無德以將之。

詩小序

唐風土瘠民貧。勤儉質樸。憂深思遠。有堯之遺風焉。魏地狹隘。民俗儉嗇。蓋有聖賢之遺風焉。

詩傳

河東之地平易。有鹽鐵之饒。本唐堯所居。詩風唐魏之國也。周武王子唐叔。在母未生。武王夢帝謂己曰。余名而子曰虞。將與之唐。屬之參。及生。名之曰虞。至成王滅唐。而封叔虞。唐有晉水。及叔虞子燮。爲晉侯。云。故參爲晉星。其民有先王遺教。君子思深。小人儉陋。故唐詩蟋蟀山樞葛生之篇曰。今我不樂。日月其邁。宛其死矣。他人是媮。百歲之後。歸於其居。皆思奢儉之中。念死生之慮。吳札聞唐之歌曰。思深哉。其有陶唐氏之遺民乎。魏國亦姬姓也。在晉之南河曲。故其詩曰。彼汾一曲。寘諸河之側。自唐叔十六世。至獻公滅魏。以封大夫畢萬。滅耿。以封大夫趙夙。及大夫韓武子。食采於韓原。晉於是始大。至於文公。霸諸侯。尊周室。始有河內之士。吳札聞魏之歌曰。美哉。泂泂乎。以德輔此。則明主也。文公後十六世。爲韓趙魏所滅。三家皆自立爲諸

侯。是爲三晉。趙與秦同祖。韓魏皆姬姓也。漢書

趙地昂畢之分野。趙分得趙國。而有太原、定襄、雲中、五原、上黨。上黨本韓之別郡也。

遠韓近趙。後卒降趙分也。自趙分後。九世稱侯。四世敬侯。乃徙都邯鄲焉。太原上黨。

多晉公族子孫。以詐力相傾。矜夸功名。報仇過直。嫁娶送死奢靡。漢書號爲難治。常

擇嚴猛之將。或任殺伐爲威。父兄被誅。子弟怨憤。至告訐刺史二千石。或報殺其親

屬。鍾代石北。師古曰鍾所在未聞。石山險之限在上曲陽。民俗憤忮。好氣爲姦。不事農商。自全晉時已患

其剽悍。而武靈王又益厲之。故冀州之部。盜賊常爲它州劇。定襄、雲中、五原頗有趙

齊衛楚之風。其民鄙朴。少禮文。好射獵。雁門亦同俗。於天文別屬燕。漢書

昔舜耕歷山。陶河濱。禹菲飲食。惡衣服。卑宮室。此儉約之化。於今猶存。鄭康成詩說

北土重同姓。並謂之骨肉。有遠來有投者。莫不竭力營贍。若有一人不至者。以爲不

義。不爲鄉邑所容。宋王仲德傳

晉有唐虞之遺風。其俗節財而儉。齋。北齊劉子

河東絳郡文城臨汾龍泉西河土地沃少瘠多。是以傷於儉嗇。其俗剛強。亦風氣然乎。太原山川重復。實一都之會。雖後齊別都。人物殷阜。然不其機巧。俗與上黨頗同。人性勁悍。習於戎馬。離石雁門馬邑定襄樓煩。皆連接邊郡。習尚與太原同俗。故自古言勇俠者。皆推幽并云。然涿郡太原自前代以來。皆多文雅之士。雖俱曰邊郡。然風教不爲比也。隋志

冀州堯都所在。疆域尤廣。山東之人性緩尚儒。仗氣任俠。太行恆山之東而鄴郡高齊國都。

浮巧成俗。山西土瘠。其人勤儉。而河東魏晉以降。文學盛興。閭井之間。習於成法。并

州近狄。俗尚武藝。左右山河。古稱重鎮。韓信謂陳豨曰。代天下精兵處。後漢末天下

有恆山之險。右有大河之固。寄任者必文武兼資焉。通典

晉之故封。太行倚之。首陽起之。黃河迤之。大陸靡之。以稼則碩。以植則茂。以牧則蓄。

以魚則庶。而人用是富。而邦以之阜。晉問

昔魏君儉嗇。徧急近。秦晉日見侵削。平桓之世。變風始作。詩鈔

唐俗勤儉。故其民間終歲勞苦。不敢少休。及其歲晚務閒之時。乃敢相與燕飲爲樂。

朱子詩註

其風俗之厚。而前聖遺風之遠如此。同上

自堯而至於周。蓋千餘年矣。而其風俗流傳。固結於唐人之心。故其民間質實勤儉

之習。親愛和樂之思。警戒忠告之情。備見於詩。此其俗之所以爲厚也。安城劉氏詩說

克勤克儉。所憂所思。雖無唐虞君臣之德業。而其發於詩者。與伯益告戒之辭。同條

共貫。信乎前聖遺風之遠也。同上

唐俗勤儉。勤者生財之道。儉者用財之節。聖人教人。不越乎勤儉而已。豐城朱氏詩說

河東路。蓋禹貢冀雍二州之域。而冀州爲多。當背參之分。其地東際常山。西控党項。

南盡晉絳。北控雲朔。當太行之險。地有鹽鐵之饒。其俗剛悍而朴直。勤農織之事業。

寡桑柘。而富麻苧。善治生。多藏蓄。其靳嗇尤甚。朔方樓煩。馬之所出。歲增貿易。以充

監牧之用。太宗平太原。慮其特險。徙州治焉。然猶爲重鎮。屯精兵。以控邊部。云。宋地理志

昔者唐室之衰。燕趙之人。八十年之間。竭力致死。不顧敗亡。以抗天下之兵。而以爲

忠臣義士之所當然。

蘇軾燕趙論

戰國之時。秦晉之兵。彎弓而帶劍。馳騁上下。咄嗟叱咤。蜀漢之士。所不能當也。然而天下既安。秦晉之間。豪民殺人。以報仇讎。椎埋發塚。以快其意。而終不敢大變也。

蘇轍

蜀論

其民倜儻。而無所顧。負力而傲其吏。吏有不善。而不能以有容也。叫號紛呶。奔走告訴。以爭毫釐曲直之際。故夫秦晉之俗。有一朝不測之怒。而無終身戚戚不報之仇也。

同上

全晉未分時。在春秋世。最爲強國。其俗用意深遠。有古帝王之遺風。

唐庚憫俗論

昔人論五方之俗。以山西慳吝。而好氣。慷慨毅武。奇節之士。多出其間。

唐順之序

古之帝王。更都三河。讀園桃園。棘故其民。至於今。憂國而忠於主。有樞有楹。故其民。至於今。喜樂而愉。矍矍休休。故其民。至於今。長慮而却顧。陟岵陟屺。故其民。至於今。

孝。閑閑坎坎。故其民至於今力穡。且葛屨見隘陋焉。彼汾見貧儉焉。郭子章晉論

陂塘瀦灌。漑通原隰。墾稼穡同。晉賦

士尙謙恭。民多醕古。恍不識不知之毗。一讓畔讓居之度。去華存儉。則素題越席之遺。憂深思遠。其暑雨祁寒之故。同上

● 方言附

漢楊雄方言。自關而西。秦晉之間。好曰妍。哀曰矜。或曰悼。凡大人少兒。泣而不止。謂之嗟。憂曰怒。或曰溼。凡物壯大。謂之嘏。或曰憂。凡人之大。謂之裝。或謂之壯。凡相敬愛。謂之亟。凡人語而過。謂之過。于果反或曰僉。凡取物而逆。謂之簞。音饌凡大邈。謂之朦。或謂之龐。美色謂之好。或謂之窈。凡細而有容。謂之魏。魏魏小貌或曰徒。度皆反凡物小者。謂之私小。或曰纖。凡病不甚。曰瘳。音嘸。葉半臥半起也物力同者。謂之臺敵。凡全物而體不具。謂之倚。凡愧而見上。謂之絀。痛曰慄。猛曰擗。呼旱反息喙。堅曰錯。凡取物之上。謂之橋。捐。炊薪不盡。曰盞。凡人獸鳥而雙產。謂之縶子。音輦罵奴婢曰侮。言為人所輕弄無緣之

衣謂之統。掘俗名掘。陌頭謂之絡頭。栝謂之盃音雅。嬰之大者謂之甄。其中者謂之甄。

甄相勸曰聳。或曰股心不欲而由旁人之勸語亦曰聳。凡相被飾亦曰股。聳曰睟音宰。

聳甚者曰闕五刮反。所疾曰可惡。言相責讓曰譙讓。暴五穀曰曬。凡以火而乾五穀之

類謂之聚即闕反。鼃謂之鼃。螿謂之螿。蠶謂之蠶。或謂之天螿。蜂螭謂之蝶。螺。簷謂

之。算簷古算字。冢謂之墳。逆婦左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

逆。逆左傳隱公二年紀需儒來。稱父曰老子庚亮曰老子於此與復不淺。呼小兒曰

元配曰結髮師古曰結髮言始勝冠。勉人曰努力翟方進傳努力。人壯大者曰魁梧。

張良贊魁梧奇偉應劭曰魁梧人懦退者曰不長進晉王夫云復進呼親家親作去

壯大之意也蘇林曰燭娶婦曰索妻蜀志云吳孫權遣使為子索得元家女隋房

聲詩人主臣是親家陵王傳獨孤后曰為伊索得元家女

曰先後郊祀志見神於先後宛若孟康小兒曰好兒反長身曰眺反了短身曰遜

七禾反唐書謂人粗蠢曰笨材晉中興書史疇臨事憤憤曰糊塗蟲宋呂端小事

任塗楊用修云本馨濁蟲此古語也周禮有壺添氏掌除水蟲打呼曰鼾睡宋太祖

人鼾睡他責人曰數說左傳乃執子商而數之史惡味傷口曰蜚列子蜚於口多曰

够少曰不够居候反魏都賦繁受人之物曰晴音晴以物予人曰歸人歸女子豚齊霞

日燒市語云早燒行千里電曰閃景服度曰天閃也

碎學官申朝修不酒帘曰望子韻注廣牛羊不生子曰犄昌來馬不鞍而騎曰驕

狂詩少稱馬射黃牛孔曰窟搆怎麼曰左成聲也來讀曰釐古協飛讀如希不韻房

為縛羊為樂驚為戲明為覓養為樂上紡為縛上境為戲去命為覓去德清中

聲而就入聲使德清有知應為擲揄調聲之病有以哉

● 農家月令附

立春喂耕牛。雨水攬糞土。驚蟄河半開。春分種小麥。清明前後種蕭荳。又云
 二月清明草不青。三月清明道旁青。穀雨種豌豆。立夏種穀。小滿前後安
 瓜種豆。芒種忙種黍子急種穀。又云芒種見鋤刃。夏至見豆花。又云夏至不種高山
 黍。還種十日小糜黍。小暑喫大麥。又云小暑當日回。碗豆此日大暑喫小麥。立秋
 一十八日寸草皆齊。處暑不出頭割得喂了牛。梁指高白露喫小穀。秋風見穀羅。
 寒露百草枯。霜降不賠田。甚言野立冬不使牛。小雪凍大河。大雪凍小河。
 冬至不開窖。小寒寒不小。大寒不加冰。

● 太原

好樂無荒。良士瞿瞿。詩唐風

晉陽王武子中都。孫子荆各言其土地人物之美。王云。其地坦而平。其水淡而清。其
 人廉且貞。孫云。其山萢巍以嵯峨。其水泔渌而揚波。其人磊砢而英多。世說新語

士窮理學。兼習辭章。敦厚不華。淳儉好學。工賈務實勤業。太原圖冊

人物輩出。代不乏人。皆有文武全才。經圖

莊京既好俳優。又知音能度曲。至今汾晉之俗。往往能謔其聲。謂之御製者。皆是也。

五代史

宋韓琦知并州。河東俗用火葬。琦爲買田封樹。刻石著令。使得葬於其中。人遂以焚

屍爲恥。本傳

古晉名區。西藩首郡。祝志

山川雄邃。風氣綿厚。城郭堅完。原隍沃衍。葉砥府治記

民敦質朴。士守禮義。告訐絕無。生計甚鮮。祝志陽曲

在鄉多質朴。城中軍民雜處。或尙機詐。服飾尙華。喜作玩具。性氣剛勁。小忿輒投岸

跳河。遇凶荒。則負擔之外境。謂之赴熟。然尊卑有序。內外有序。亦庶乎知禮者。舊志

省會男子不務蓄積。數金之家。盡炫耀於服飾之間。叩其家無有也。婦人白髻而妖

服不蠶不織。而習於些窳。周永春復古序

士風淳篤。民性鷙悍。祝志太原

風土深淳。民物茂雅。呂思誠源

力田畝。務紡織。其性剛。祝志榆次

邑之生齒繁衆。隸籍者五萬二千戶。僑居而末業者。不可勝數。河東之邑。最爲大。噴

言控訴。庭無虛日。敏政而泄之。猶憚弗及。宋文彦博思鳳亭序

上下惟農。負耒紡績。務本日夜。矻矻而巨室大家。又躬先儉質。以爲之的。舊志榆次

男職耕。女職織。素封之家。華不掩實。張國儒藏經樓記

土厚風淳。時熙化美。元呼延伯起太

尙氣好訟。鬪麗誇多。祝志太谷

士急進趨。好經術。尙節義。穆志太谷

農力於野。商賈勤貿易。無問城市鄉村。無不織紡之家。可謂地無遺利。人無遺力矣。

邇來競尚奢靡。已非良士蹶蹶好人提提之舊。而婚娶重財。又有甚焉。太谷縣志

盡力耕稼。留心織紡。祝志

祁縣志

俗尚勤儉。男耕女織。殆無遺力。穆志

祁縣志

務本節用。尚質守勤。祝志

徐溝志

其民淳朴。用度節儉。閭閻勤紡織。士類尚節義。第地多沙礫。差役煩重。貧民皆習逐

末。夙號衝疲。不虛也。徐溝縣志

源鄉志

强悍好鬪。勤儉少文。祝志

清源鄉志

成化去治間。輕生好訟。近年民知務本。士知勤學。清源

農末相資。儉嗇多盜。祝志

交城志

俗尚儉嗇。人性朴實。農末相資。穆志

交城志

土膏氣秀。而豐於財。性悍情乖。而喜於訟。祝志

文水志

勁而輕生。儉而趨利。澆朴相半。勤則其性也。文水縣志

文水縣志

地貫七鄉。民踰萬戶。土膏氣秀。財豐俗淳。西山橫列。而壯其形勢。東汾環流。而爲之

襟帶。風物繁華。英豪間出。石爲栢龍堂。記文水。

口朴無華。務稼穡。尙騎射。祝志。岢嵐。

口山土瘠。人有樸直遺風。服勤茹淡。多質少文。鄉井專務稼穡。不牽車牛以遠游。父

子亦佐耕。耘耒諳紡績。爲何物。岢嵐州志。

魏民舊俗。以正月十五夜。爲打簇戲。能中者。卽時賞帛。爾朱榮傳。嵐縣。

其性悍。其習陋。山多地少。民貧。祝志。嵐縣。

勤儉樸陋。穆志。嵐志。

樸實不浮。稼穡是務。祝志。嵐縣。

士閉戶自守。農夫力穡。崇嶺峻阪。無不耕植。工無奇技淫巧。地僻不通舟車。乏富商

大賈。是以事節儉。務蓋藏。興縣志。

● 平陽

帝堯彊於行。嗇於志。以養天下之形。是以庶政惟和。萬國咸甯。民皆迪吉。莫不振動。

服化。比屋可封。而躋仁壽。史路

昔唐人都河東。徐廣曰堯都晉陽殷人都河內。周人都河南。夫三河在天下之中。若鼎足。王

者所更居也。建國各數百千歲。土地小狹。民人衆多。都國諸侯所聚會。故其俗纖儉。

習事。楊平陳西賈秦狹北賈種代。史記

比屋可封者。堯舜爲之隄也。楊修傳

欲作千箱主。問取黃金母。謂多稼厚蓄。耕土所致也。汾晉間語

魏豐樂侯杜君畿爲河東守。開置學官。親執經教授。郡中化之。自後河東特多儒者。

通典

平陽。堯之所理。有茅茨采椽。土斲之度。故其人至於今。儉嗇有溫恭克讓之德。故其人至於今。善讓有師錫僉曰。疇咨之道。故其人至於今。好謀而深思。有百獸率舞。鳳凰來儀。於變時雍之美。故其人至於今。和而不怒。有昌言儆戒之訓。故其人至於今。

憂思而畏禍。有無爲不言。垂衣裳之化。故其人至於今。恬以愉。吳子曰。儉則財用足。而不淫。讓則遵分而進善。其道不鬪。謀則通於遠。而周於事。和則人之質。戒則義之實。恬以愉。則安。而久於其道也。至乎哉。晉問

汾水之曲。巨河之濱。故魏之國都。舊晉之疆土。其俗富庶。接秦雍之郊。其民忠厚。被

虞夏之教。宋真宗汾陰記

太行山之高處。平陽晉州蒲坂山之盡頭。其地磽瘠。人民朴陋。儉嗇。惟堯舜能都之。

朱子論

河東地瘠民貧。風俗勤儉。乃其風土氣習。有以使之。至今猶然在三代時可知。朱子詩辨
平陽往聖所都。氣溫土沃。河東殷實。漢唐同稱。更能茹冰蘖。可鳴琴治也。

崇禮讓。多勇敢。圖書編

君子憂深思遠。小人儉嗇甘辛苦。薄於滋味。勤於耕織。服勞商賈。平陽府志

人好力田。喜雨苦旱。同上

其民甘粗糲。力稼穡。儉朴不奢。祝志 臨汾

居不近市。女不向衢。士民有分。男女無雜。勇於納賦。恥於游食。舊志 臨汾

尚朴魯。力田畝。勤紡績。崇享祀。祝志 襄陵

力稼服田。勤於紡績。享祀報本。雖費不奢。穆志 襄陵

民尚儉而務耕織。士勤學而恥驕奢。祝志 洪洞

惟尚質實。不事商賈。祝志 浮山

俗尚節儉。不事商賈。男耕女織。各執其功。尤重婚喪。有無相須。穆志 浮山

勤於耕織。簡於自安。祝志 趙城

民性儉嗇。士知讀書。穆志 趙城

男子猷畝。女務織紡。信鬼神。喜祭賽。婚論財禮。喪用浮屠。祝志 太平

君子尚禮義。小人勤稼穡。里閭之間。雍雍如也。太平縣志

質而少文。儉而不侈。祝志 岳陽

人民性質而朴素。財用節儉而不侈。文武鮮尙。商賈不通。穆志

岳陽

魯成公六年。晉人謀去故絳。韓獻子曰。不如新田。土厚水深。居之不疾。有汾澮以流

其惡。且民從教。左傳

曲沃

晉詩。素衣朱襮。孔穎達引釋器以釋之曰。黼領謂之襮。孫炎曰。繡刺黼文。以樞領是。

皇祐四年

禮院奏

重遷徙服商賈。頗好神而喜訟。祝志

曲沃

士洵洵禮法。矜譚氣節。卽人不盡。然亦善鈞從衆。民朴直。急公貢賦。不敢後。而競利好鬪。或亦地氣使然也。土狹人滿。每挾貲走四方。所至多流寓其間。雖山陬海澨。皆

有邑人。趙彥復沃

史風俗序

士民有分。男女不雜。近頗奢靡。祝志

翼城

水深土厚。故其俗朴質。地多剛壤。故其民武悍。有先王克儉之風。故其習纖嗇。翼城

縣志

民淳訟簡。有禮讓風。祝志

汾西

重禮義。不事浮末。近頗惑於鬼神。祝志

靈石

靈石僻在萬山中。貨財不通。其人勤苦。多致蓋藏。弟子員皆守章句。不敢背師說。石

縣志

岳陽堯都所在。其民勤且儉。猶有遺風焉。

明一統志
霍州

好儒少訟。薄於衣食。而好置產業。祝志
霍州

● 潞安

民俗淳古。潞安志

上黨多晉公族子孫。以詐方相傾。漢書

潞州山川高險。人俗勁悍。舊五代史

代史

宋時潞州民死多不葬。通判宋昭玘斥官地。畫兆窆。具官衾。作文風曉之。俗為一變。

潞志

上黨之間。士或帶經而鋤。有不待風厲而樂為之者。元好問學記

地險而民悍。物饒而俗強。張仲賢府治

其人純質節儉。勤稼穡。其民宜黍稷。氣候遲。五州志

民多儉質而務農。士尚氣節而務學。圖書編

人習機杼。俗亦儉樸。

民多勤儉力農。士尚氣節務學。祝志長治

永宣成宏之時。士敦行務實。農商亦簡素朴野。罔敢凌肆自恣。迨其後漸致華靡。俗

尚巫覡。凡聯姻締交營葬。不無少變於前。長治縣志

淳朴節儉。循循守禮。長子志

淳朴而力田。節儉而尚禮。娶妻必親迎。親喪少佛事。長子志

節儉務農織。不事商賈。士風頗振。祝志屯留

土瘠民勞。習尚儉素。有堯之遺風。元皇甫本屯留記

其地在萬山之中。險狹而磽薄。民力田勤苦。歲穫不及他郡之半。故土俗自古稱純

儉其勢然也。劉健屯留記

崇儉務本。力學好儒。襄垣志

其俗悲歌慷慨。而尚氣節。儉以自奉。而急於正供。襄垣志

力田而知克勤。守己而恥犯法。祝志

地瘠民貧。土寒風肅。勤儉力田。潞城志

田畝能勤。財用知儉。祝志

其民淳儉。好文力田。黎城志

安貧守儉。力田務本。祝志

壺俗淳古。惟儉惟勤。歲時伏臘。罔敢有卽於戲者。壺關志

朴直而少文。儉嗇而不華。勤於農桑。短於商賈。祝志

石厚土薄。地瘠人窮。婚姻喪葬。交相爲助。平順志

● 汾州

夫西河魏土。文侯所興。有段干木田子方之遺風。凜然皆有節概。知去就之分。楊惲

地高氣爽。土厚水清。其民淳且重。桑麻之沃。秔稻之富。流行四境。宋謝惛清

汾州古臺駘地。阻金嶺。倚陽泉。灤汾如帶。俗尚儉重文義。近其人勤儉。文獻通考

汾州風俗。重厚尚義。地輿綜要

其民重厚知義。尚信好文。明一統志

其地商賈走集。民物浩穰。俗用侈靡。訟獄滋煩。馮琦府治記

古西河地。人民繁庶。祝志

性質淳厚。俗尚儉約。勤於稼穡。守禮好義。通志

人民繁庶。強毅質朴。農務耕牧。士習絃誦。有忠厚之風。穆志汾陽

其民重厚知義。尚信好文。近流於奢侈。祝志汾陽

務稼穡。事織紡。但風氣剛勁。頗難治。祝志平遙

多商賈。喜華靡。世祿者衆。知禮者鮮。

祝志 汾陽

地瘠薄。氣剛勁。多耕織。少商賈。健訟尙侈。

府志 平遙

士之童。入黨塾。壯游膠泮者。猶荆璞未剖。藍石待鑿。悃質純幹。得全於天。

紀雲鶴平遙學記

周舉。汝陽人。爲并州刺史。太原舊俗。以介子推焚骸。有龍忌之禁。至其亡月。競言神

靈。不樂舉火。士民每冬。輒一月寒食。莫敢煙爨。老少多病死者。舉乃作文弔推。言盛

冬去火。殘捐民命。非賢者意。宣示愚民。使溫食。衆惑稍解。風俗頓革。

雜記

潞公祖銘云。文氏嘉是山水。樂其風土。乃自河東之同果里。徙居於此。

潞公家乘

人多業醫。尙儉。素勤稼穡。好勇義。隆於祀先。雖費而不惜。

祝志 介休

萬歷間。邑令史記事云。每嘉士大夫敦朴有古風。獨慮於奢。幾不可訓。且崇佛重禱。

市利輕生。而少知教。

介休縣志

儉嗇健訟。且好鬼神。

祝志 孝義

民性敦厚。婚喪周濟。不吝。

郡志 孝義

勤於商賈。勇於輸納。民頗畏法。士知自守。

祝志 臨縣

土阜平叢。川流迅厲。其民悍而不奸。感而易從。

臨縣志

敦厚儉嗇。不事商賈。惟勤農畝。

祝志 石樓

其性醇。其俗儉樸。略少文。男不經商。女不絀織。惟農是務。棟宇不飾。民多穴處。

石樓縣志

土瘠民貧。愚魯儉朴。

祝志 永甯

土瘠民貧。野曠人稀。士多慷慨。民亦質直。勤於業農。拙於服賈。衣冠文物。頗有古風。

郡志 永甯

朴魯少僞。禮節不愆。

祝志 永甯

地瘠俗儉。無奇飾。無逐末。

郡志 永甯

●大同

質直朴野。

漢志

後魏樂府有北歌。亦曰真人歌。都代時命宮人朝夕歌之。周隋始與西涼樂雜奏。至

唐存者五十三章。而名可解者六章而已。一曰慕容可汗。二曰吐谷渾。三曰部落稽。四曰鉅鹿公主。五曰白淨王。六曰太子企喻也。其餘辭多可汗之稱。蓋燕魏之際。鮮卑歌也。隋鼓吹有其曲。而不同。貞觀中。將軍侯貴冒并州人。世傳北歌。詔隸太樂。然譯者不能通。歲久不可辨矣。唐樂府序

自代北至雲朔等州。北臨廣野。封略之內。南北錯居。寰宇記

質直淳厚。地輿綜要

俗尙武藝。風聲氣習。自昔而然。明一統志

大同雖涉邊。繳商旅輻輳。以浮靡相炫耀。祝志大同

雲北邊大藩鎮。其土沙瘠。其俗驕悍。軍氓雜處。號稱難治。布政李承式記

土人勁直。卒矜名節。飭廉隅。猶存忠厚之風。郡志

地土沙磧。薄風高氣寒。豐歲畝不滿斗。故中人日僅再食。俗多儉嗇。恆存蟋蟀之

風。郡志

士習謹愿。絕無武斷告訐之行。簪弁子弟。服習弓馬。給事麾幕。以列車騎材官之盛。

且地近虎山。土著從戎者。十室五六。少小邊庭之習氣爾。大同縣志

無負氣健訟之風。有務農勤本之實。祝仁懷志

地土沙鹼。人性朴直。雖窮鄉僻里。亦知崇尚詩書。人文視前頗盛。懷仁縣志

儉約朴素。惟務農桑。祝志

民務農。士敦本。服食崇儉。婚喪如禮。山陰縣志

吾里唐虞故壤。猶存儉嗇之風。燕趙多豪。羞作輕窳之態。頗知禮而畏義。不隨俗而

習非。乃頃衿弁之中。間有紈袴之子。衆方指議而竊笑。彼且覲面而根淫。蕩而無成。

悔之何及。尙其衣錦。而存尙絅之心。被褐而珍懷玉之守。貌思作肅。服戒不哀。山陰文

公端集

人民淳厚。墾田爲生。應州圖經

其民淳。其事簡。祝志

俗尚武藝。少事商賈。其地乾燥。少樹。宜雨不宜旱。尤苦霜早。應州志

四民氣稟淳厚。各守所業。而不變遷。以儉勤相能。潭源州圖經

以淳厚相尚。以勤儉為本。祝志潭源

據雲中輿區。山川秀異。哲人輩出。萬安潭源州學記

民知勤農。士頗向學。祝志靈邱

先秋隕霜。深春猶雪。終歲勤勞。習尚儉陋。靈邱縣志

地肥饒。人喜爭好鬪。頗為北方風氣之困。祝志廣靈

廣靈西北之區。地磽而民朴。勤於稼穡。如太史公貨殖傳所云。代北之民。任俠為姦。

不事農者。蓋亦少矣。雖有武健之習。民尚雀角之爭。而賦質淳慤。不失古風。穆志廣靈

地隸蔚州。民性質無詔。去華從儉。以耕織為生。元志昌

耕樵為業。亦事商賈。地近邊陲。賦性勇悍。祝志廣昌

其風朴略。其俗勁遂。勤耕耘。務牧養。陽高縣志

地臨邊塞。人情朴魯。男務耕牧。女不紡績。天寒地瘠。民貧俗儉。天鎮縣志

●朔平

風俗惟淳。民物尚樸。宋李文煥平治旬城碑記

風氣剛勁。人尚勇敢。蔣廷梁顯明寺碑記

人習戰鬥。忠勇素具。郡志右玉

其民敬老慈幼。節用恭儉。勤於耕耘。務於牧養。元志朔州

其民敬老慈幼。節用勤農。士恥奔競。務淳實。祝州志

民貧土瘠。崇儉黜華。祝志馬邑

民性渾朴。惟事耕耘。飲食衣服。多尚簡易。至於慷慨輕生。剛毅任俠。信鬼好祈。猶不

免西晉之故俗云。馬邑縣志

好勝負氣。慷慨磊落。御史蒙詔鄂國公廟記

土知閉戶。農思力由。各安其業。郡志左雲

習尙勇敢。郡志平魯

人多逐末。不思敦本。同上

● 甯武

代北之人武。柳芳姓系錄

性愚魯。尙射獵。祝志甯武

地多沙陡。人尙強梁。從軍者衆。競事奢靡。祝志偏關

居萬山之中。地多沙蹟。而務農者鮮。人尙戎馬。而從軍者衆。穆志偏關

習兵好射。尙朴少文。祝志

俗悍而喜鬪。民輕生敢死。有燕趙之遺。高文薦碑記

鄰於邊鄙。務儉崇朴。衣惟韋布。食鮮膏粱。神池縣志

山高風烈。土瘠民貧。同上

爾朱羽健魏登國初。爲領人酋長。居秀容川。詔割方三百里封之。長爲世業。道武初。

以南秀容川原沃衍。欲令居之。羽健曰。家世奉國。給侍左右。北秀容既在割內。差近京師。豈以沃墾。更遷遠地。上許之。自是給復百年。至曾孫新興。太和中。繼爲酋長。牛羊駝馬。色別爲羣。谷量之。每春秋二時。恆與妻子閱畜牧於川澤。射獵自娛。魏書羽健家近祁連池。卽蘆茅山巔池也。地瘠牧蕃。此五寨之俗。同上

● 澤州

人性質而好學。其氣豪勁。元志

其民儉朴而敦本。有唐晉之遺風。同上

力勤耕種。淳而好義。儉而用禮。古志

人習機杼。俗尙儉朴。

勤於力田。多嗜文學。穆志

民被唐風。故多儉朴。地接舜畔。故多務農。穆志

澤跨河朔。隸冀南。爲鉅郡。其民儉質。而力耕。有堯舜遺風。餘思士亦劬於文學。無外

慕焉。鶴翥鴻漸。後先接武。張鵬學記

其民勤直忠儉。御史熊迥志序

近太行之麓。水土深厚。性質朴氣。豪勁多文雅。士衣冠禮讓。爲諸郡先。祝志風臺

風尚少浮。不失原本。澤州志

淳本好義。儉而循禮。祝志高平

昔稱勤儉。今漸侈靡。競奇鬪巧。恪於奉公。高平縣志

士重名節。民尚儉朴。祝志陽城

境鄰中州。故語言辨正。教崇鄒魯。故士多文學。舊志陽城

士多廉恥之風。務名節。惜行檢。民尚節儉。近雖稍奢。猶不失古意。穆志陽城

質朴樂於趨善。喪祭不用浮奢。祝志陵川

君子守禮勤儉。小人盡力耕織。婦女不街行。入城不馳驟。陵川縣志

廉儉尚義。悃愾無華。祝志沁水

士夫居鄉朴直。民恥淫盜。少爭訟。房地屢世不相棄。敬神信巫。少有不平。必質之神。故鄉多廟祀。醮賽紛舉。沁水縣志

●蒲州

儀度冠冕。容止閒雅。良由仕宦之家。陶染成俗。隋文帝幸蒲州詔

蒲地。虞舜所都。其地礪瘠。人民朴儉。朱子論

仰德而執敬。聞風而興義。首陽記

風土剛勁。豪傑輩起。方輿勝覽

民淳而事簡。有虞氏之遺風存焉。趙孟頫送田衍知河中府序

唐虞治迹之所經行。夷齊清風之所漸染。宜乎有薰而善者。陶而化者。河中志

蒲坂爲有虞故都地。界秦豫。其形勢之麗崎。中條鼎峙。黃河亘流。秀淑之氣。扶輿磅礴。

鬱然三晉冠。故生其地者。粹然淳古。人交輩出。忠孝相乃。有虞氏之遺風在焉。杜篤

杜篤序

容儀閑雅。服飾鮮麗。仕宦之鄉。人文稱盛。祝志 永濟

民性質朴。好尚節儉。力田紡績。多事商賈。祝志 永濟

男女盡職。士多節義。近好訟。婚姻論財。祝志 臨晉

士剛而燥。其人往往負氣好鬪。至男業耕耘。士子不廢。女勤紡績。巨室亦然。斯則蟋

蟀葛屨之遺焉。臨晉 縣志

地稱膏壤。民亦勤謹畏法。穆志 虞鄉

民務桑農。士嗜文學。祝志 猗氏

秀者為士。朴者為農。士雖嗜不廢耕耘。而農瞿瞿蹶蹶。終歲靡甯。即欲不儉。孰與為

奢。猗氏 縣志

語不飾偽。服不厭惡。多以氣節自高。祝志 萬泉

地僻邑小。無故家巨室。以變其俗。無豪商大賈。以廣其業。無明師通儒。以發其趣。故

儒林欲伸士氣。而失之過甚。毗隸亦重使氣。而不善變通云。穆志 萬泉

務農少商。好神健訟。祝志

勤勞稼穡。弗敢奢侈。惟務節儉。穆志

● 遼州

其民信實純厚。元志

剛悍朴直。地輿
綜要

山川險絕。其民信實純厚。其俗剛悍朴直。力耕作而無織紡。祝志

遼陽地少平沃。商賈不通。民多穴居。以糠薤爲蓋藏。縉紳之家亦用之。輿圖

遼居太行絕頂。四月冰解。八月飛霜。風氣大寒。耕者鮮獲。穆志

昔尙朴實。近頗強悍。祝志

俗尙朴實。近頗強悍。士宦不乘車馬。婚喪不事靡麗。賦稅樂輸。近亦知好文藝。和順

介萬山之中。其地瘠。其民貧。士生其間。勤朴簡素。且耕且讀之外。無多事焉。白如縣志

記

喜謙恭而鄙驕詔。好良善而賤豪強。祝志 榆社

行事多愚癡。不為綺語。榆社 縣志

平坡沙薄。田有四等。大率磽确不可耕者。十居六七。民之終歲勤劬。辦租納課。惟此。

同上

● 沁州

其俗勤儉朴實。專力耕農。少事商賈。古志 沁州

居萬山之中。其地磽瘠。氣候煖遲而寒早。祝志 沁州

耕織為生。婚喪相助。祝志 沁源

風氣剛勁。民性犷悍。好勝喜鬪。平居尚齒德。患難多氣悍。穆志 沁源

民多質朴。俗尚勤儉。沁源 縣志

稼穡是重。廉恥為先。祝志 武鄉

地瘠民貧。性剛氣悍。不事商賈。地宜穀黍。武鄉 縣志

● 平定

郡小民淳。俗重端午。其風清簡。好尚文章。元志

其土瘠。其民勤。其俗朴質。其風悍尚。有陶唐氏之遺風。呂思誠風士記

榆關地僻而要。故州人雖處山林澗谷之中。而達於四方。故其爲士者。亦純明而朴茂。疏通而謹恪。吏茲土者。雖憚於送迎之煩。然亦幸其民易使。事易集。而政易成也。

文鴻儒學記

士勤於學。農務於耕。祝志平定

士占習尚書。師授家傳。比屋皆是。多以經魁省闈。市井便作生理。男子不遠游。婦女

不交易。壯夫不衣文繡。不乘輿馬。穆志平定

勤於稼穡。寡於貿易。祝志壽陽

勤儉朴實。無異唐風。勁風少文。猶存晉舊。居民耕農之外。別無生理。近代兼資紡織。

但戶多佞佛。人易輕生。壽陽縣志

其俗勤勞。少壯而材者。多挾弓矢。跨鞍馬。習騎射之事。京李毅新學記 陽壽

民儉俗淳。元虞集文廟記 孟縣

山多地少。民尙勤朴。祝志 孟縣

秉性躁勁。賦氣果決。祝志 樂平

淳厚而勤儉。力田而少文。樂平縣志

● 忻州

華表俯窺於雙鶴。連岡雄鎮於九龍。絃歌絕井邑之譁。章甫易弓刀之舊。是以太原

文風之興。自忻州始。元好問修學疏

民性質朴。士尙文雅。忻州古志

粗心猛氣。健訟輕生。忻州祝志

務詩書。重稼穡。淡泊自安。祝志 定襄

疾病信巫。喪祭用釋。定襄縣志

士守廉恥。民好爭訟。祝志

剛勁質直。與人交。傾倒肝膈。羞稱套數。靜樂縣志

●代州

民淳訟簡。務實勤業。無游惰之習。絕澆薄之元。元志

質直朴野。鄙嗇勇悍。地無平原。人多武藝。祝志代州

男不務耕。家無蠶桑。女不務織。雁門志

俗尚戎馬。少事文學。宏正以來。二史並芳。三卿鼎立。文武稱彬彬矣。而仕宦騎馬。不

入閭里。婚嫁恥於論財。風尤近古云。代州志

山高風烈。地儉約。務耕讀。而少貿易。祝志五臺

山川秀異。士生其間。積學者代不乏人。但民依山阜。艱於爲業。鮮事商賈。惟力耕鑿。

五臺縣志

士瘠民貧。士多守禮。祝志繁峙

其俗勤儉。朴直少文。穆志

少經營。尚儉蓄。地瘠民貧。祝志

男務耕耨。女諳織紡。地寒不花鮮。所習見。士尚詩書。亦喜弓馬。崞縣志

● 保德

善治生。多藏蓄。保德軍志

士瘠民貧。莫不尚義。明一統志

質朴而尊卑相序。剛直而內外有別。祝志

民性剛強。少不相得。輒詬詈攘臂。獨不好訟。越訴尤鮮。穆志

民貧鮮生理。耕種而外。或佃庸陝西。貿易鄰境。同上

地近沙漠。寒多暖少。春多風霾。秋霜早降。且郡臨大河。當河冰開闔時。居民多感寒

疾。如南方之瘴云。保德州志

不好詞訟。惟務耕耨。祝志

● 解州

境接古虞芮之國。其民質朴力耕。而習俗崇禮讓之風。解梁志

魏晉以聖人所都之故。而淫奔之俗不聞。聖人之化。入水深如此也。黃氏詩話

勤儉禹德所型。憂思唐風之遺。士大夫質直無譎險。百姓朴淳畏公。盡力南畝。婦女

織紵亦勤。輿地志

向善而服勤。守儉而知禮。房希文學記

務耕織。尚節儉。游惰好訟。婚娶論財。祝志解州

其民質朴。力耕耘。勤紡織。第邑近鹽池。頗趨鹽利。祝志安邑

向義服勤。守儉知義。祝志夏縣

俗忠朴。力稼穡。好積蓄。知讀書。夏縣志

皇農事勤。紡織淳朴儉約。祝志平陸

魏地狹隘。其俗儉嗇而褊急。朱子詩註

寬裕者其流長。急迫者其意短。魏地狹而褊急如此。慶源輔氏詩說

魏地無淫詩。猶有聖人之遺風。華谷嚴氏詩說

夫子謂與其奢也甯儉。則儉雖失中本非德。然而儉之過。則至於吝嗇迫隘。計較分

毫之間。而謀利之心始急矣。廣漢張氏詩說

民鄙而俗陋。宋邵伯溫芮城待濟亭記

朴實直戇。更多務耕織。市井少居商賈。祝志芮城

飲客衣冠。爭奢鬪靡。芮城縣志

● 絳州

晉霸之餘。人性剛悍。多勇敢。然勤稼穡。好積蓄。古志絳州

魏晉後。工機織。意態百出。俗益俚弊。人益脆弱。不復沈鷺剛中。杜牧論

剛儉。尚義氣。有三晉餘習。元王暉夫子廟記

重廉恥。尚道義。勤耕織。好蓄聚。近入於奢。祝志絳州

城市之民無寸田多貿易盈難而虛速鄉民務耕織懸崖崎陁苟可種無閒曠抱布

貿易殆無虛時土狹而瘠使然也穆州志

尚節義重名檢男耕女織朴實近古祝州志

俗多節義士大夫不以官勢驕人聞喜縣志

農畝並無貿易喪葬不用浮屠祝州志

男不納贅女不招壻婦不閒游宅肆不相通男女不貿易河津縣志

后稷播種之地崇尚節儉祝州志

尚節儉喜祭賽勤耕織知向學稷山縣志

其性頗淳其俗尚儉間有剛愎好訟者祝州志

民勤生業尚義好儉府志

勤稼穡好蓄積不喜事佛垣曲志

厚葬祭敬神明不諳商賈不事華麗垣曲縣志

● 吉州

士知謙讓。民無告訐。婚姻死喪。鄰保相助。

祝志吉州

州境僻處萬山。土瘠民貧。俗尙勤儉。男耕女織。不事商賈。

穆志吉州

鄭康成曰。祖乙居耿以後。奢侈踰禮。土地迫地。山川常圯焉。至陽甲立盤庚爲之臣。

乃謀徙居湯舊都。民居耿久。奢淫成俗。故不樂徙。

書疏

王肅曰。自祖乙五世至盤庚之兄陽甲。宮室奢侈。下民邑居墊隘。水泉瀉鹵。不可以

行政化。故徙都於殷。

同上

皇甫謐曰。耿在河北。迫近山川。自祖辛以來。民皆奢侈。故盤庚遷於殷。

同上

王柏曰。土氣有厚薄。風俗有盛衰。冀之爲都。天下之形勢也。山河險固。沃壤迫隘。民

淳俗隘。足以自固。後世人民文物。漸至繁阜。風氣日耗。遂自北而南。勢使之然也。

同上

王柏濱河之地。近古帝都。地壤土豐。民稠物饒。人所共趨。常人之心。知利而不知患。

雖數有水禍。時圯時壞。而不悔者。政以厚利。奔其避患之心也。

同上

無紡績貨物之利。有勤儉禮義之風。祝志
山中垂白之老。不履縣境。日不識官胥。鄉甯志

●隰州

民風儉而不陋。朴而不野。其間人物。舉止有體。出言有章。鬱然有吾儒之氣象。金宋元吉

興儒里碑記

吉隰之地多山。其人質朴信實。明一統志

任質而不狂。能守而鮮亂。祝志

民性質直勁勇。不事商賈。勤於耕牧。婦事蠶而不能紡織。穆志

界於峻山。不事商賈。祝志

四境率多穴處。士民卒多力耕。蒲縣志

土壤雄碩。風俗勤儉。元續執中修大甯學記

僻在萬山間。其人多朴魯。祝志

士以禮義爲貴。民以耕鑿爲業。但信鬼而尙巫。亦陋習也。祝志永和

民皆穿土爲窰。曲折而入。如層樓複室。每過一村。自遠視之。短垣疏牖。高下數層。縫裳捆履。歷歷可指。山路崎嶇。老翁驅犢。少婦汲水。登降甚捷。不以爲苦。有太古之象。

穆志永和

中華全國風俗志 上篇卷一

▲河南

記稱廣谷大川。異制民生。其間異俗。風俗之不同。由來久矣。班固謂剛柔緩急。音聲不同。繫水土之風氣。故謂之風。好惡取舍。動靜無常。隨君上之情欲。故謂之俗。然則風俗者。固山川地氣使然。亦主治者之好尚。實有以轉移之歟。豫省居土之中。受氣之正。其天性樸茂。殆所謂難動以非。易感以義者乎。然古太師陳詩。以觀民風。而十五國風。豫居其半。漢書地理志。周魏韓趙宋衛楚之地。豫皆有焉。其間習俗風尚。固亦有不同者。亦採風問俗者。所當習知之也。

●開封

梁魏之墟。人多俊髦。好儒雅。雜以遊豫。有魏公子之風。難動以非。易感以義。漢地居土中。物受正氣。其人性。和而才。慧。其地產厚而類繁。杜氏通典魏俗剛強。玉海地爲四戰。其俗右武。人具五都。其氣習豪。唐劉禹錫汴州刺史廳壁記重禮義。勤耕紉。宋地理志俗尊年齒。學尚

經術寰宇記。物產富饒。習俗侈靡。方輿勝覽。好祭祀。用史巫。漢地理志。舊俗剛毅。里多壯士。任

俠尚氣。聞義則畏。甲第星羅。並宋揚侃皇畿賦。比屋農桑。唐詩。士以節義自重。而羞干謁。民

以敦睦為良。而恥告訐。平原修野。故其人坦易。巨濤大河。故其人結博。並祥符縣志

● 歸德

睢陽古郡。猶有先王遺風。重厚多君子。好稼穡。惡衣服。以致畜藏。漢地理志。重禮文。其風

丕變於古。隋地理志。人皆有忠義之風。其本於張巡許遠之表倡。異聞集。人情朴厚。俗有儒

學。杜氏通典。習俗淳厚。喜勤尚質。元地理志。重本而輕末。賤釋而貴儒。郡志。其俗激昂而奮厲。山

索觀其英豪之域。冠蓋相望。元勳雋老。五姓實昌。杜正獻趙康靖王文忠蔡敏肅張文正寓睢陽者凡五族。其原

野則田疇彌望。不可計數。浸以墾漁之源。被以沃壤之土。舉趾即雲。荷鋤迺雨。美

哉邈乎。土地之沃。人物之夥也。並宋王仲勇南都賦

● 彰德

魏郡鄴都。浮巧成俗。雕刻之工。特云精妙。士女被服。咸以奢麗相高。其性所尚。習得

京洛之風。隋地理志物背窳而就工。不鬻邪而豫賈。晉左思魏都賦魏地狹隘。其俗儉嗇而褊急。

詩注俗陶淳古之風。尚英雄之習。地險人豪。民淳事簡。並圖經朴厚肅和。人皆君子。有

古遜畔寢刑之風。方輿勝覽土狹人稀。習尚淳厚。雅重儒術。而耕鑿其勤。民知立本。而

羞爭訟。士多務學。而厭浮靡。郡志其俗勁悍勇毅。崔銑論人民淳朴。俗尚禮義。而務耕桑。

有廉藺遺風。武安縣志

● 衛輝

季札聞衛歌曰。美哉淵乎。憂而不困者也。吾聞衛康叔武公之德如是。是其衛風乎。

左傳衛多君子。史記周末有子路夏育。民人慕之。故其俗剛武。上氣力。剛強多豪傑。俱

地理志重誼。疎財。有先王遺風。輿地志民情頗事商賈。地饒俗淳。勤於播種。孝弟之行。有

聞於時。元地理志性緩尚儒。仗氣任俠。文獻通考其俗纖儉。習事。漢貨殖傳地濱大河。故其人氣浮

故其人質柔。故其人心惰。詩衛風註人知向學。彬彬有文。續郡志土地饒美。物產阜盛。宋詹

碑記山水明秀。人民殷富。睿聖武公之遺澤存焉。人人知勸為善。而恥為不善。並元程大

本元聖廟門記 士民敦尚節行。元王公孺殷太師忠烈公廟碑 男尚節介。女多勁烈。有共姜之風。輝縣志

● 懷慶

其地險要富實。其俗朴野易治。服寇恂平易之化。熙熙向風。不靡不暴。漢地理志 風土得

四方之正。是以習俗好尚。奢儉得中。薰染許魯齋道學之化。皆好性理。崇禮義。並元地理

志 民多敦本好學。河內縣志 力耕桑而鄙販鬻。尚清談而多壽考。郡志 其地負山面河。士曠

民淳。劉健文廟記 男耕女織。村落連延。頗尚節儉之風。自得恬熙之樂。修武縣志

● 河南

氣稟中和。周禮記 季扎聞歌周南召南曰。美哉始基之矣。猶未也。然勤而不怨矣。左河傳

南亦豫州之域。豫之言舒也。言稟平和之氣。性理安舒也。洛陽得土之中。故周公作

洛。此焉攸本。其俗尚商賈。機巧成俗。故漢志云。周人之失。巧僞趨利。賤義貴財。此

亦自古然矣。隋地理志 忠義疊見。宋邵氏聞見錄 郁郁刑河。豫州節注 士嚮詩書。民習禮義。務本立業。

有周召遺風。宋志表 性行淳朴。不事華侈。一統志 洛陽古多士。風俗猶爾雅。宋蘇軾詩 其俗和

柔而寬緩。山堂考索周人善賈趨利而纖嗇。杜氏通典女修織紉男務耕耘器用陶匏服尚素元。恥纖靡而不服。賤奇麗而弗珍。漢班固東都賦

●南都

夏人忠朴。有先王遺風。史記尚氣力好商賈。去末歸本。羣以殷富。並漢地理志南陽古帝

鄉。縉紳所出。隋地理志南陽被召父黃韓之化。易商賈為本業。轉爭訟為篤厚。玉海淳朴尚

農。士皆為道德性命之學。並元地理志俗有武斷之風。人勤農桑之務。方輿勝覽土沃俗淳。

民知向學。元王睿鄧州學記過質少文。舊郡志土地之廣衍。人物之繁盛。產育之豐腴。風土之

淳質。楊應奎南陽府碑記人尚淳朴。少奈詐。郡志務稼重禮。人多壽考。裕州志古稱淳厚。敦尚詩書。

專務耕桑。有東漢遺習。方輿勝覽

●汝寧

汝穎多奇士。史記其俗剽輕。易發怒。地寡薄於積聚。史記汝南之俗。皆急疾有氣勢。漢地理志

人性躁勁。風氣果決。尚淳質。好儉約。喪祭婚姻。率漸於禮。並隋志人性清和。鄉閭孝

友。男務墜闢。女修織紝。士風習尚。文質彬彬。宋地志多事農桑。不尚華麗。信陽志習尚儉

素。士風淳篤。猶有申伯遺俗。元和志汝寧在汝墳之間。文王化行之地。人重信義。士尚

質文。性情質直。禮義疎簡。並郡志慷慨而尚氣節。文雅而多學問。好品藻。喜譏評。有

許邵之遺風焉。並汝陽縣志

● 汝州

士尚端慤。民甘勤勞。有巢由清節之風。方輿勝覽伊川遊宦之邦。道學漸濡者衆。舊總志士

為道德性命之學。民有絲絹細絕之富。風土志墾田頗廣。民多財富。亦由儉嗇而然。宋地志

民性淳厚。而少夸詐。俗頗儉約。而尚耕織。郡志農務稼穡。士風淡薄。伊洛遺風。尚有

存焉。伊陽志山川清遠。土壤膏腴。得天地中和之氣為多。故古今人物。知名於時者。前

後間出。宋令狐相如讀書菴記民物阜康。禮讓興行。汝民庶幾古俗矣。謝遷撰沈侯去思碑

● 陳州

重禮義。勤耕耘。宋地理志崇祭祀。多尚史巫。通志高節義。尚廉恥。重喪葬。謹婚姻。俗為近古。

●許州

士風端愿。民俗勤勞。推誠相接。恥狙詐。風土記好尚稼穡。重於禮義。其俗近古。隋書民淳

訟簡。土厚水甘。務本業。不習末作。卽遇凶荒。甯死不棄鄉井。襄城志穎川人尚忠。其弊

朴野。長葛志篤厚善學。重賢敬賓。士女勤朴。不務華飾。疾病多尚鬼信巫。臨潁志

●禹州

俗尚樸魯。稱謹愿。有唐魏遺風。州志陘隗環拱。漆洧襟帶。風藏氣聚。世多君子。地理志崇

儉抑侈。教誨藝殖。東里氏遺澤未替。新鄭志居萬山之中。俗淳樸。重義急公。密縣志

●鄭州

季札聞鄭之樂。曰美哉。其細已甚。民弗堪也。左傳好稼穡。習禮文。士風都雅。隋書習淳尚

賢。漢地理志氣質冲和。有忠厚禮讓之風。無狙詐橫爭之習。汜水志

●陝州

刑訟簡省。民安生業。陝州甘堂記好訟而負氣。不忍睚眦小忿。閩鄉志民尚豪俠。士敦禮讓。

介秦晉之間。染其餘波。靈寶志

● 光州

俗美風淳。異材秀民。業儒術以自見於世。州學志士尚名教。禮崇儉約。古意未漓。光山志

少長安於朴。俗安食給於田蠶。男女婚嫁。養生送死。質而有節。元馬祖常光山志俗好禮祥。

息學記斗星之分。其性輕揚。江淮之交。其風躁動。固始志

豫居四方之中。其風土之剛柔。習俗之淳漓。服食器用之奢儉。較之鄰省。差得其中。近其地者。率染其俗。勢使然也。然亦有習尚不異者。如元日祀先。卑幼以次拜尊長。親隣交賀。上元張燈。清明日拜墓。插柳於門。端陽日戴艾虎。食角黍。飲雄黃蒲酒。以綵線繫小兒腕。六月六日曝衣。七夕乞巧。十月一日拜墓。焚寒衣。農民報賽。除日易桃符。放爆竹。男女守歲。在在然矣。至於祭必四代。祀以仲月。婚不論財產。葬不飯僧。不舉樂。士大夫家行之。餘不盡然也。

▲江蘇

江南本勾吳舊俗。左思所謂率土論都。獨端委所彰。高節所興者也。漢書地理志。以爲東海淮泗之間屬魯。沛楚山陽屬宋。其民有聖人之教化。近先王之遺風。又以爲吳粵與楚接比。數相并兼。其俗略同。蓋其文辭之失巧。與嵒窳不求。積聚者自古已然。然風俗者。教化之所移易。非獨其水土之性殊。氣習之所尚不同也。吳中君子尙禮。庸庶敦龐。風俗澄清。而道教隆洽。史冊所傳聞者。庶幾徵信於今茲矣。

●江甯

君子勤禮恭謹。小人盡力耕殖。祥符圖經其人士習王謝之遺風。以文章取功名者甚衆。沈立金陵記南方水土柔和。其音清舉。顏介永嘉以後。衣冠萃止。文藝儒術。於斯爲盛。通俗莫且毅。士清以邁。地大而才傑。宋楊里風流文物。冠曠古今。汪藻建業自六代爲都邑。民物浩繁。人材輩出。實士林之淵藪。楊演山川渾深。土壤平厚。華而不佻。淳而不俚。戚氏

志 生人之性。亢朗冲融。重義而薄利。風俗之美。喜藝而厭凡鄙。鄉鄰婚喪。貧乏者互相飲助之。金陵文獻之邦。以故寰宇推為奧區。士林重其清議。彈射藏否。剖析毫釐。擘肌分理者。至今猶然。俱舊志

● 蘇州

因士類顯名於歷代。而人尚文。而僧徒倡法於羣山。因人尚佛。漢第五倫傳泰伯遜天下。

季札辭通國。德之所化者遠矣。更歷漢晉以來。風俗清美。俗多祠宇。舊圖志山澤多藏。

育。風土清且嘉。泰伯導仁風。仲雍揚其波。晉陸機詩郊無曠土。多勤少儉。吳郡志君子尚禮。

庸庶淳龐。隋書當趙宋時。俗益丕變。有胡安定范文正之遺風焉。及後禮義漸摩。而前

輩名德。以身率先。又皆以文章振動。今後生文詞。動師古昔。而不梏於專經之陋。矜

名節。重清議。下至布衣韋帶之士。皆能摛章染墨。其格甚美。惟夫奢侈之習。未能盡

革。舊志

● 松江

文物衣冠蔚爲東南之望。經學詞章。以至書翰。咸有師法。志府吳中族姓之盛。日東漢以來。有聞於世。逮魏晉而後。彬彬輩出。左太冲所謂高門鼎貴。魁岸豪傑。虞魏之昆。顧隆之裔。居於華亭者爲最著。故士奢於學。民興於仁。宋魏了翁記。儒官翼翼。不異鄒魯。元趙孟頫。四方名流。彙萃於此。薰陶漸染之功爲多。何良俊。負海沈江。水環山拱。自成一都會。民生其間。多秀而敏。其習尚亦各有所宗。以至田野小民。皆知以教子孫讀書爲事。土膏沃饒。風俗淳秀。俱舊志

●常州

人性信直。黎庶淳遜。敏於習文。疎於用武。寰宇記。建自泰伯。宣於延陵。高節所興。由克

遜以立風俗。左思賦。穎異之材。挺生此邦。風俗記。地偏俗儉。宋蘇軾。縣人學子。知所向慕。

朱子宜興學志。能振頽風。以激衰俗。非好賢樂善。未易能爾。府志。人秀而文。葛邲貢院記。不事浮華。

少爲商賈。耕稼自給。士尚儒術。縉紳代不乏人。男子不遠遊。女子不交易。士夫不衣

文繡。不乘輿馬。俗多尙吟咏。舊志。士大夫皆知繩趨尺步。納身軌物。以爲士民標準。宜興

志

● 鎮江

本秦伯之化。有謙讓之風。舊圖其禮遜謙謹。婚嫁喪葬。雜用周漢之禮。寰宇記士大夫

崇靜退。貴氣節。民庶循禮樂業。而不好競。嘉定記人性柔慧。尚浮屠。而少積聚。宋志土風

質而厚。士風淳而直。咸淳志士習詩書。敦簡素。民閑故土。力耕稼。而不急工商之利。嗇

於自奉。婦人恥出門戶。金壇志京口為舟車絡繹之衝。四方商賈。羣萃而錯處。轉移百

物。以通有無。舊志

● 淮安

人多輕剽。士任氣節。隋書志重禮教。崇信義。闌市或雜澆僞。至於農疇。顛固極矣。地理志

士勤學問。民務農商。有淳厚之風。禮讓之俗。中都志書軌新邦。英雄舊里。宋蘇軾淮陰廟碑漸

漬聖化。綽有餘風。冊圖喜學問。從教化。雖兵革之餘。猶是心。元志淮安之俗。淳實尚義。勇

悍習戰。舊志地大物衆。細民棄本務末。豪右亦頗崇華黜素。南畿志土沃生蕃。河患豐歉

不常。安東志

●揚州

土俗輕揚。孔子六帖疏寓無定憩。梁柳世隆揚州之俗。號為繁侈。元和志地分淮海。風氣清淑。俗

務儒雅。士興文藝。明王儷學記俗尚侈靡。其士多明秀俊偉。彭時學記俗從約而易化。士循理

而多文。記海陵之民。惟事耕漁。性多樸野。俱郡志土高而廣於水。俗廓而勤於稼。高郵題名

●徐州

徐方鄒魯舊國。漢興猶有餘風。杜氏通典人頗鷙悍。其士子挾任節。好尚賓游。蓋楚風焉。

隋書霸者之餘。以武為俗。宋陳師道學記蕭風俗渾厚。多智慮。務農生財。晁端中沛地鄰鄒魯。

務稼穡。尚禮義。沛縣志沛以勇宕為俗。李蔚美政記碭邑之學。弦歌方盛。元大政豐熟可抵

三州。民事農桑。樂輸賦役。而其俗亦淳。豐縣志俗多楚音。樸直舒徐。地理志風俗高邁。迥

出等倫。舊圖士愿民樸。重廉恥。崇信義。邳州志

● 太倉

正統以後。太倉始立學校。仕進者輩出。文物漸盛於前。明陸容太倉氣習風類。耿拔自

樹。財賦攸出。政重農官。周鳳歧弘治以後。竟名大邦。峻城深池。文學顯於天下。張溥俗尙

氣節。好清議。少不檢。卽私相非笑。且安土不好遠游。無故未嘗適百里。縱商游不至

經歲。舊志嘉定風氣沉厚。其君子務讀書行義。以古人爲師。王衡崇明越在海表。其土風

古。其性勅。其人馴擾。舊志

● 海州

海州。古郟子國也。孔子嘗遊焉。其地密邇鄒魯。昔爲東海郡。號稱多材。海州志贛僻在

海隅。人性顛樸。無機利之習。明王典閩閩殷富。人物焜煌。山川草木。潤媚而韶秀。淮平

以北。稱美土焉。董杏沐漢之厚邱。治居淮朔。壤接東省。有洙泗之遺風。家詩書而戶禮

樂。弦歌之聲。不絕於閭卷草野。忠義節義。時見於愚夫愚婦。沐陽志

● 通州

文采風流。衣被到今。稱爲淮南書院。舊志魚鹽之利商賈。弦歌之聲章甫亦衆。宋學記通阻江濱海。盜稀訟簡。通州志如皋水土清淑。自胡安定以經學倡率東南。閭巷秀民。皆知向學。弦誦之風於今爲盛。如皋志

▲安徽

蓋聞係於水土者。謂之風。化於君上者。謂之俗。風俗與化移易。其積漸然也。古者太史陳詩。以觀民風。命市納賈。以觀民之所好惡。安徽爲東南都會。水深土厚。習尚敦麗。生其間者。詠仁蹈德。日遷善而不自知。和親康樂。安平爲一書。於以徵邳治同風之盛焉。

●安慶

江南之氣。躁勁厥性。輕揚。晉書

人心躁勁。風氣果決。其舊風然也。自平陳後。俗尚淳質。好險約。喪祀婚姻。率漸以禮。

隋書地志

土壤膏沃。人性輕揚。善商賈。廛里饒富。宋史地理志

風俗清美。天性忠義。元余闕記

民勤而壤沃。俗儉而事簡。元歐陽元望江學碑

風土清美。有粳稻之饒。經圖

安慶人物忠敢。不愧於古。懷甯易。桐城達。望江慤。潛山毅。太湖諍。宿松直。大抵江北

風氣近厚。故其習高。多類中州。明胡宗績記

六皖山川美瞻。絃誦力本。其禮教信義。聞之熟矣。府志

荆楚饒勁士。吳越多秀民。皖介兩服之介。沉潛高明。蓋兼具矣。府志

● 徽州

地雜甌駱。性剛強。君子務為奇節高行。而羞不義。異才閒出。宋朱子新安道院記

休甯山峭厲而水清激。故稟其氣者。性情習尚。不能不過剛而喜鬪。然其俗難以力

服而易以理勝。朱子新安道院記

自昔多以材力保障鄉土。其後寢有文士。山限壤隔。民不染他俗。勤於山伐。能寒暑。

惡衣服。

淳熙志

地隘人稠。力耕所出。不足以供。往往仰給於四方。

江南通志

大江之東。以郡名者十。而士之慕學新安爲最。新安之地。以縣名者六。而邑小士多。以績溪爲最。

舊志

父老嘗謂新安有數種風俗。勝於他邑。千年之塚。不動一杯。千丁之家。未嘗散處。千載之譜。絲毫不紊。主僕之嚴。雖數十世不改。而宵小不敢肆焉。

舊志

山多田少。以貨殖爲恆產。善識低昂。時取與賈之所入。視傍郡倍厚。其家居也。樸齋而務積蓄。女人尤稱勤儉。多貞潔。

府志

家多故舊。自唐宋來。數百年世系比比皆是。重宗義。講世好。上下六親之施。村落家構祠宇。歲時俎豆其間。

府志

冠冕之倫。多尙氣節。矜取予。有唐風瞿瞿之意。

畢懋康里居四則

績溪隸於徽。而田疇不逮婺源。買遷不逮休歙。乾隆志小引

● 甯國

民食魚稻。以漁獵山伐為業。飲食還給。不憂凍餓。亦無千金之家。漢書地理志

川澤沃衍。有海陸之饒。其人君子尚禮。庸庶敦龐。故風俗澄清。而道教隆洽。其風氣

所尚也。隋書地理志

舟車繁會之鄉。風俗和柔之境。唐尉遲樞新安禪院記

清涼高爽。唐韓愈與崔羣書

陵陽輿壤。土廣人庶。其地有險。所寄非輕。唐白居易制

地產氣序之平夷。江漢岡巒之襟帶。唐陳勢大甯塔記

宣州故秦鄣郡。其俗佻而侈。其人勁而悍。有裴耀卿者。為刺史。端本重學。宣人始服

化矣。唐陳簡甫開元良吏記

阻山帶江。顏謝流風。玉海

東南自古非用武之地。大率民俗阜安。不樂攻剽。號爲淳而易治。宋周紫芝移建宣城縣治記

淳雅尙義。宋謝諤南陵永豐陂記

深山窮谷之間。風聲氣習。爭尙簡樸。宋徐銳旌德縣學記

淳古易治。民相安於無事。宋邵康旌德縣學記

地狹山多。縣庭簡訟。宋李瞻旌德縣應壁記

田土礪确。民無蓋藏。宋趙必法平糶記

地廣而僻。人質而文。元梅震記

古稱氣勁。躁性輕揚。自永嘉之後。衣冠避難。多萃江左。藝文儒術。斯之爲盛。蓋因顏

謝徐庾之風焉。明劉榮成化記

山水清勝。民俗敦樸。自昔多秀民。明楊溥南陵進士題名記

寧之民士。淳樸有適道之資。明鄒守益縣學記

邑介黃山麻川之間。其鐘於人。小人則好剛使氣。喜以訟勝。君子則勁直自遂。不爲

不義屈。崔涯衆樂亭記

所產多材故秀。民悅詩書。好禮義。閭巷田塘之氓。悉有以自資。而無慕於外。舊志

● 池州

民淳氣和。衆貨畢給。雖人物稠夥。而有訟不鬪。雖租賦浩穰。而聞令必集。宋盛約中和堂記

質而勤業。鮮有爲非。明劉天錫忠勤堂記

田土磽瘠。民少積蓄。樂遊鄉井。不事遠遊。廣輿記

其人類野而近淳。其俗務本而崇儉。明陳良器東流學記

其地狹而瘠。其民寡而貧。其風俗多嗇而褊。故其好尙。務疾耕力食。而以絃誦爲緩。

明宋邦輔東流志序

壤地褊小。無物產之饒。其民自農畝外。無商易於四方者。故歲給常不舒。卽名鉅家。

亦無厚蓄。明趙錦銅陵新城記

人性便利喜動。經生學士。文雅彬彬。秋浦志

以漁獵爲業。秋浦志

剛柔既殊。雅俗亦分。人志懷刑。衣冠濟濟。舊志

大概士夫崇恬退。尙氣節。婦女親蠶織。工紡績。土著之民。憚遠行。不事貿遷。甘心貧窶。以故六邑之利。權半歸寄客。百家之末藝。盡出游民矣。舊志

人性機敏。往哲熙熙。舊志

● 太平

水耕火耨。民食魚稻。羸蛤。故些窳而無積聚。漢書地理志

姑孰饒曠。荆河斯擬。良田美拓。畦畎相望。連宇高臺。阡陌如繡。陳書宣帝紀詔

其民安其物阜。郡國志

當塗城跨姑溪。井邑雖疎而開豁。物產豐懿。宋張舜民南征錄

田利之入。倍他壤有餘。魚蝦竹葦。柿栗之貨。足以自資。宋曾鞏繁昌興造記

姑孰本江東道院。民淳不澆。宋洪邁貢院記

其民渾然太樸。惟土物是愛。故能臧厥心。惟本業是崇。是以無末作。盡力田畝。收功

錢。鑄其勤苦易足。衣食給。故多知廉恥。習俗厚。故罕事爭角。宋吳淵江東道院賦

士質而靜。民儉且淳。宋牟子才七先生祠記

蕪湖首附長河。尾距高麓。舟車之多。貨殖之富。衣冠文物之盛。殆與州郡埒。元黃禮記

當塗附郭。逼處大江。四郊無他產。惟稼穡園廩。垂竿舉網。是務。元黃禮記

當塗土沃民淳。號稱易治。王鑑之記

溪山清遠。土風淳厚。生殖繁多。人物穎秀。韓膺胄記

質而不華。儉而不侈。務耕讀之業。絕淫博之風。祝鑾記

當塗揚州之地。漢時不過一大縣耳。地既分則風俗異。詎可以輕揚目之。劉子澄太平圖經

● 廬州

人性躁勁。風氣果決。隋書地理志

封略闊。而土田瘠。賤商務。農唐羅珣巢縣德政碑記

人物語音。風土明茂。皆勝淮左諸郡。太平寰宇記

俗醇訟簡。民勇而好義。務農力學。嫁娶以時。喪葬循禮。元揭後斯記

風俗淳樸。事耕桑。崇儉。重名務學。賢才彙興。舊圖

其民質直而無二心。其俗勤生而無外慕之好。其材強悍而無孱弱可乘之氣。元余闕修

城記

山川高深。風氣完密。有中州質愿之美。元虞集記

人物清修苦節。廉介忠義。黃宗載府治記

其民質樸。不好爭訟。而風俗淳美。王志英序

衣冠文物之懿。視昔有加。生民俎豆婚嫁桑梓閒。弦誦之聲。接於四境。朱鏞序

其俗樸茂。剛健而少文。其池衍沃廣袤。有水泉之利。其民勤力稼穡。而多殷富。明王章記

土厚水深。士生其間。剛勁篤實。足以任重。楊溥記

風氣果決。賦性質樸。鮮事工商。專務稼穡。江志

人性淳厚。好學務本。畏犯法而少鬪訟。無吳楚勁悍之風。無為州圖策

● 鳳陽

尚淳質。好儉約。喪紀婚姻。率漸於禮。隋書地理志

土壤膏沃。有絲帛之利。人善商賈。鄜里饒富。多富貴之家。宋史地理志

鳳陽性率真直。其食秬稻。其衣絕布。太平寰宇記

濠水之上。江淮之間。惠莊隱士。晉所游處。淮南賓客。集而著書。流風所被。文教並興。

宋錢文子修學記

在城務商。在野勤蓄。無告訐之風。濠梁志

俗慕學問。才產文武。方輿勝覽

務儉勤農。知慕孝行。壽州圖經

土俗儉樸。民生淳厚。力農務本。逐末者少。鄉里無爭鬪之習。彬彬然有古之遺風。臨淮

記

宿地關民聚。風俗淳美。

鐘離風俗號稱近古。鳳陽志

● 潁州

汝南之別。皆急切有氣勢。漢書地理志

舊傳其俗傲蕩。今則好尚稼穡。重於禮文。其風皆變於古。隋書地理志

豫州之分。其人得中和之氣。其性安舒。其俗阜。其人和。今俗多寬慢。太康地記

民性安舒。多衣冠舊族。土地褊薄。迫於營養。洛俗然也。汝陰在二京之交。頗同於洛

邑。宋史地理志

民淳訟簡。而物產美。土厚水甘。而風氣和。宋歐陽修思潁詩序

汝陰人率性真直。賤商務農。太平寰宇記

里巷敦扶持之教。男女別飲食之筵。元史地理志

尚氣安愚。風土記

汝穎固多奇士。

賁論

人性質樸。惟務農桑。今則工商交作。詞訟簡少。俗尚禮義。視昔爲盛。異聞錄

風俗清麗。人備文武。舊志

平原曠野。土壤饒沃。水陸四通五達。而無崇山峻谷之險阻。舊志

仁厚之俗。勤農事。惡衣服。人皆忠義。本於張巡許遠之表率。亳州志

● 滁州

地僻訟簡。其俗安閒。宋章衡重修醉翁亭記

滁介於江淮之間。舟車商賈四方賓客之所不至。民生不見外事。而安於猷畝衣食。

宋歐陽修豐樂亭記

雖風俗淳厚。而尚氣節。易以德化。難以力服。呂元中紫微泉記

習尚勤儉。專力農桑。郡志

● 和州

楚越之地。飯稻羹魚。不待賈而足。地勢饒食。無饑饉之患。以故些窳媮生。無積聚而多貧。史記

歷陽人性躁勁。風氣果決。自平陳之後。俗頗尚淳。質好儉約。隋書地志

女工尚堅全。男工尚墜關。市無蚩眩。工無彫彫。無遊人異物。以遷其志。唐劉禹錫廳壁記

四民各安其業。而儒雅之風尤甚。州志

● 廣德

力於南畝。不務商賈。漢書地理志

民淳事簡。號江東道院。桐汭志

境大壤沃。食貨富穰。宋曾鞏鼓角樓記

人性直好義。君子業儒術。而尚質樸。小人崇節儉。而務農桑。婦女不出戶閤。富貴不

服羅綺。曾鞏鼓角樓記

● 六安

准右名州。沃野千里。明朱子奢

舒六之貢。利盡荆楚。晉伏滔征淮論

率性真直。輕商重農。經圖

民淳俗樸。安於稼穡。士謹愿右文。舊志

民力田疾。作輸納以時。庶幾家給人足。舊志

六地界南北。剛柔適中。文業功武。彪炳史冊。州志

民勤稼穡。士崇氣節。皆以禮讓相先。無復鬻訟。州志

● 泗州

士習詩書。民尚孝弟。力田者多。爭訟者少。隋書地理志

田稻豐饒。俗慕儒學。方輿勝覽

其人好學。尚禮義。重廉恥。太平寰宇記

民性率直。賤商務農。其食粳稻。其衣絁布。太平寰宇記

民性淳直。詞訟簡少。中都志

文教誕敷。人才輩出。敦行務本。閭里相讓。中都志

力農者多。逐末者少。學校有英俊之才。鄉里無爭鬪之習。臨淮記

古稱壯縣。民強而易馴。以義。元揭傒斯記

淮泗之間。惠莊隱士。昔所游處。漢書云。自淮南王安招集賓客。而文詞並興。宋錢子文記

天長民樸而愿。士質而文。縣志

地接齊魯。民尚淳樸。以信義爲先。與洙泗通源。雍容揖讓。有古君子風。舊志

泗人性舒緩樸直。城市之民。不爲商。鄉落之民。鮮識字。士習文雅。清恬愿慤。學校畏

清議。仕宦顧名節。泗州志



中華全國風俗志 上篇卷三

▲浙江

●總志

(周禮職方氏)東南曰揚州。其民二男五女。其畜宜鳥獸。其穀宜稻。

(吳越春秋)水行山處。以船爲車。以楫爲馬。

(漢書地理志)吳越之君。皆尙勇。故其民好用劍。

(左思吳都賦)士有陷堅之銳。俗有節概之風。

(隋書地理志)江南之俗。火耕水耨。食魚與稻。以漁獵爲業。信鬼神。好淫祀。君子尙禮。庸庶敦龐。

(宋史地理志)人性柔慧。尙浮屠之教。厚於滋味。善進取。急圖利。而奇技之巧出焉。
(葛禮錢塘賦)歌唐誦虞。詠仁蹈德。長者皆不厭不倦。幼者亦克岐克疑。升降以齒。人遵長幼之序。漸摩有素。俗安禮義之守。學古者不知力農之勞。通鬻者不知奇巧。

之法。熙熙陶陶。含哺鼓腹。沐浴皇靈。優游化圖。

(咸淳臨安志)有車船橈楫之蹟。故其人至今。忠以勤。有苗山封爵功德之會。故其人至今。勸於爲善。有犀貝橘柚之貢。故其人至今。知尊君而愛親。

(志雅堂雜鈔)兩浙上直天市垣。故市易浩瀚。

(周起莘雷琴記)兩浙人文區藪。浙以西之文。華而靡。浙以東之文。清以淑。

(舊浙江通志)浙東多山。故剛勁而隣於亢。浙西近澤。故文秀而失之靡。

● 杭州

錢塘縣 (後漢書張霸傳)郡中爭厲志節。習經者以千數。道路但聞絃誦之聲。

(隋書地理志)山澤沃衍。有海陸之饒。珍異所聚。故商賈並湊。

(歐陽修有美堂記)其民富足安樂。其習俗工巧。邑屋華麗。

(蘇軾上執政書)三吳風俗。自古浮薄。而錢塘爲甚。雖室宇華好。被服粲然。而家無宿春之儲。

(蘇軾表忠觀碑)其民老死不識兵革。四時嬉遊。歌鼓之聲相聞。

(晁補之七述)杭俗尙工巧。家夸人鬪。窮麗殫好。八方之民。車湊舟會。角富而衍寶。

(秦觀雪齋記)其俗工巧。羞質樸而尙浮華。且事佛爲最勤。

(葛澧錢塘賦)俗享再稔之利。婦蠶八育之綿。

(夢梁錄)杭州湖光山色之秀。鍾爲人物。所以清奇特傑。爲天下冠。

(方輿勝覽)市列珠璣。戶盈羅綺。湖山信美於他邦。獄訟亦煩於諸郡。

(武林舊事)制度禮文。彷彿東京之盛。

(戴表元學古堂記)三吳之州。莫大於杭。其地水穠山妍。其人機慧疎秀而清明。其俗通商美宦。安娛樂而多馳驅。

(萬歷杭州府志)省城士夫。多愛惜名檢。不敢以貴勢凌人。鄉人以事爭競來質者。多閉門謝之。無敢武斷。凡置買田宅。皆平價貿易。若度越疆界。公行占據者。輒爲清議所擯。山澤舟航之利。世業在人。不忍攘之。以自封殖。蓋雖無公儀拔葵風度。而自

放於禮法之外者鮮矣。至於大夫守令。有愷悌宜民者。同聲頌之。無異詞。其執持公道。崇讓清議。爲列郡稱首。庶民雖日覲上官威儀。至以獄訟造庭者。蒲伏不敢出氣。其馴良畏法如此。

(萬歷杭州府志)鄉先達有於肅愨之戮力王室。不顧私家。故其民尙奇節。而恥言勢利。有胡端敏之慷慨致身。見形察影。故其民長慮却顧。而務挾幽微。有王僉憲琦之清介絕俗。故其民知廉潔。而好義。有項郎中麟之力卻餽遺。故民多檢飭。而惡貪。近世如江大參之世篤忠貞。惠憲副隆之杜門掃軌。張少參銓之不昵貴幸。翁太守相之靜退自甘。許右史應元之內外修潔。高文端儀之正色立朝。江學憲圻之純孝清修。此數君子者。大則成功於再造。次則義烈於鄉邦。次則行修於一己。斯皆足以激厲士心。敦厚風俗。爲杭之表式。彬彬盛矣。

(徐之夔告鄉賢文)茲邦以德行文學。事功風節。顯者代不乏人。

(錢塘縣志)婦女雖喜華服飾。而閭閻之習尙勤率。作。每日絡絲精紙及箴紉履襪。

之類。日可入錢。鋤口。

(仁和縣志)地無曠土。田無不耕。

海寧縣 (胡程儒學記)鹽官地並海。民逐魚鹽爲生。列肆負販。自張九成師弟。以儒學顯一時。三年之間。磊落相望。

(陳昱鹽官縣廳壁記)耕桑之地。足以衣食。魚鹽之利。足以資給。

(劉基送張知縣序)大民儒儒。小民愉愉。朝出暮歸。謳歌滿塗。

(張安茂儒學記)鹽官地濱東海。蓋僻壤云然。人文之盛。甲於四方。邑之隸武林者。九弗能尙也。

(海寧縣志)風俗簡儉。農耕婦織。家給人足。俗尙敦慤。鮮有游民。其民操牢盆者。輸鹽租。治桑麻者。任土貢。

富陽縣 (楊維楨曹侯惠政碑)富陽無沃土美壤。以當大府之需。故民勞而貧。俗訐而澆。

(宣德富陽縣志)富陽雖濱江。居民不以魚鹽爲業。男力耕耨。女勤蠶織。田野樸厚。士習禮讓。慕高逸。亦專科舉之習。有弦誦之風焉。

(口州府志)業詩書者。崇氣節。居猷畝者。敦樸素。

(富陽縣志)邑人率造紙爲業。老小勤作。晝夜不休。村落多種柏樹。參差成行。採子爲膏。以應造燭之用。

餘杭縣 (劉希賢潛公并記)尊愛長吏。有兩都餘風。

(徐一夔縣學記)餘杭山水之邑。其民多秀而知學。

(嘉靖餘杭縣志)早作宴休。開闢種藝。務盡地利之所有。男務耕作。女勤織紝。尤善御蠶。閭閻童穉。皆知服業。百工技藝。舊皆外郡之人。今多出本邑。

(嘉靖餘杭縣志)俗近還淳。富室子弟。循循雅飭。崇樸素。而去浮華。遠詐僞。而近禮義。差役樂於趨事。士大夫皆崇尚名節。婚嫁喪葬。一從簡約。

(餘杭縣志)山水清佳。風氣樸茂。孝弟力田。有太古之遺。

臨安縣 (孫觀縣學記) 居大山谷中。桑麻絲菜之富自足。而無貧民。

(徐一夔縣學記) 風俗淳固。其人素知詩書。

(黃汝亨縣志序) 其俗簡樸而勤。

(嘉靖臨安縣志) 民尚樸素。爭訟寡少。士知學問。禮義漸興。男務耕桑。女勤蠶織。疾病多信巫鬼。喪葬多尚佛老。

(臨安縣志) 俗重遷徙。數十世不忍析居。故著姓較他邑獨蕃。山多田少。鮮巨富。祇竭力農桑。以給公輸。乏勞產。無奇技淫巧。婦女縲絲。北工於南。商賈買茶。南多於北。於潛縣 (邵文炳袞繡堂記) 俗儉而質。民勁而武。難服而易化。受敬而不忘。

(於潛縣志) 男務耕桑。女務紡織。治生之勤。踰天下。山多田狹。賦稅不及省會。大縣十一。樸魯尚質。務本寡訟。篤信巫鬼。喪葬多用佛老。

新城縣 (方廉縣志序) 新城爲縣。僻處山間。地瘠而產薄。俗嗇而用儉。敦厚樸茂之風。未始或泯。山居野處。不競紛華。男耕女織。不習浮曠。君子以儉。小人以嗇。

(萬歷杭州府志)訟簡民安。閭閻之樂。可想見也。

(新城縣志)草萊盡闢。機杼聲聞。有淳厚之風。士民冠服布素。禮汰繁文。仕則廉謹。持法不苟榮祿。

昌化縣 (陳居仁縣學記)僻在巖谷。務本力田。教明俗化。俊秀輩出。衣冠相望。(錢鉞譙樓記)民樸以茂。恆事耕作。樵採以自食其力。口爭鬪訟。訐

(萬歷杭州府志)刀耕火種。力殫於山。蓄畬刈穫。山盡於地。楮漆薪炭。貨殖於商。勤生齋用。視棄一錢如拱璧。家延經師。爭自磨淬。章縫之盛。倍於往昔。民有疾。輒巫禱。故知醫者少。

(昌化縣志)環山而處。敦土爲安。俗尙淳龐。多至性。

(杭州府志)冠禮。男子年十六。筮吉日。選賓僕。告諸家廟。三加訓戒。女子于歸日。母爲之加笄。重昏媾也。昏禮。士大夫家。以門第相尙。謀諸媒氏。通東問名。佐以簪珥。綵幣。謂以傳紅。彼此持帖往還。又謂之拜望。次行納采。咸尙豐美。又次納徵。復以羊酒。

果餌相餽。謂之加筭。婚期尙行親迎古禮。間用綵轎。華燈鼓吹前導。迎至中堂。婿婦
行交拜禮。合巹後。盛服出拜翁姑。次及尊長。至閭巷細民。多從簡約。喪禮始卒。男免
女髮。分計受唁。親友多致奠賻。猶存古意。七日一祭。好作佛事。葬前靈輿。前陳列方
相銘旌。導以鼓吹。仙梵墓所。親友執紼畢集。合窆始歸。閱三日。展祭新阡。謂之覆墓。
祭重生辰諱日。牲牲酒醴。備極豐潔。清明各攜穀核香燭。親詣封塋。展拜。酌酒焚楮。
十月掃墓亦如之。立夏祭先。薦陳時物。較他府爲獨重。至歲時伏臘。或祭於家。或祭
宗廟。豐儉不一。皆藉是以展追遠之敬也。

絕。
(夢梁錄)元旦。大大夫交相賀。細民男女。亦鮮衣往來拜節。遊玩琳宮梵宇。竟日不

(西湖遊覽志)正月朔。爲椒柏酒。以待親戚隣里。以春餅爲上供。熱栗炭於堂中。謂
之旺相。貼青龍於左壁。謂之行春。插芝麻梗於簷頭。謂之節節高。簽柏枝於柿餅。以
大橘承之。謂之百事大吉。自此少年游冶。翩翩徵逐。至十八日收燈。然後學子攻書。

工人返肆。農商各執其業。

(杭州府志)元宵前後。五夜張燈。通衢委巷。懸額綴綵。皆以錦緞采繡爲之。如入萬花谷中。終夕鼓吹不絕。鄉村婦女。於十五夜。召口姑。以下一歲吉凶。并蠶田豐歉。(夢梁錄)二月朔。中元節。民間以青囊盛百穀。爪菓子種。互相遺送。爲獻生子。花朝。都人往錢塘門前。至玉壺古柳林。雲洞嘉會門外。包家山。張太尉園。玩賞奇花異木。包山桃開如錦。障極可愛。

(杭州府志)二月花朝。以往。士女爭先出郊。謂之探春。畫舫輕舟。櫛比鱗集。先南屏。次放生池。湖心亭。岳王墳。盧舍菴。後入西陵橋。放鶴亭。北來臯亭山。劉墳村。每當春日。桃花盛放。一望如錦。游人多問津焉。

(武林舊事)清明。人家上冢。南北兩山間。車馬紛然。而野祭者尤多。如大昭慶九曲等處。婦人澹粧素衣。提攜兒女。酒壺殼核。村店山家。分餞遊息。至暮。則花柳土宜。隨車而歸。

(錢塘縣志)上巳出遊西湖。士女皆帶薺花。

(海甯縣志)四月立夏日。以諸果品雜。署茗椀。親隣彼此餽送。名曰七家茶。

(西湖遊覽志)四月八日。俗傳爲釋迦佛生辰。僧尼各建龍華會。以小盆坐銅佛。浸以糖水。覆以花亭。鑊鼓迎往。富家以小杓澆佛。提唱偈誦。布施財物。

(昌化縣志)四月八日。寺僧以棟葉染米。作烏飯。供佛。或分送檀越。

(夢梁錄)端午日。家買桃柳。葵榴。蒲艾。并市菱糲。五色水團。時果。五色瘟紙。當門供養。佩赤靈符。采百草製藥。以辟邪。

(杭州府志)端午祀神享先畢。各至河干湖上。以觀競渡。龍舟多至數十艘。岸上人如蟻。近日半山龍舟爭盛。俱於朔日奔赴。游人雜沓。不減湖中。

(西湖遊覽志)七夕。市中以土木雕塑孩兒。衣以綵服。號爲摩喉羅。

(夢梁錄)七夕。女郎望月。瞻斗列拜。次乞巧於牛女。或取小蜘蛛。以金銀盒盛之。次早觀其網絲圓上。名曰得巧。中秋登樓。臨軒酌酒高歌。爲竟夕歡。

(元和郡縣志)江濤常以月十日二十五日最小三日十八日極大每年八月十八日數百里士女共觀舟人漁子泝濤觸浪謂之弄潮。

(西湖遊覽志)九日以蘇子微漬梅滷雜和蔗霜梨橙玉榴小顆名曰春秋菊。

(夢梁錄)九日以五色粉塑成獅蠻以小綵旗簇之以熟栗爲細末入麝香糖蜜和之貫酒玩菊以應節序。

(武林舊事)十月杭人競售錦裝新歷門神桃符鍾馗狻猊虎頭及金縷綵花春帖旛勝之類爲市甚盛。

(夢梁錄)十月朔士庶出郊掃墓冬至歲節士庶所重餽遺儀文及舉杯相慶祭告宗禋加於常節除夜換桃符門神鍾馗祭祀宗祖夜則迎神備香花供物圍爐團坐謂之守歲。

● 嘉興

嘉興縣 (葛邲貢院記)得江山之助其人秀而文。

(方輿勝覽)土膏沃饒。風俗淳秀。文賢人物之盛。前後相望。百工技藝。與蘇杭等。
(至元嘉禾志)罕習軍旅。尤慕文儒。不憂凍餒。頗勤農務。

(楊維禎聚桂軒記)秀在宋爲文物之邦。至今士多興於學。處塵者亦類皆鴻生碩
彥。

(宏治嘉興府志)嘉禾之俗。終歲勤動。餉給於國。而尺寸之土必耕。衣被他郡。而機杼之聲不絕。士人好文而崇學。衣冠文物。煥然可觀。

(萬曆嘉興府志)春秋時。攜李當吳越之交。自越王甲粢乙黍。丙菽丁粟。非夫人之織不衣。而農桑重。吳王鑄山煮海。而鹽鐵重。務本節用。寢以富強。

(萬曆嘉興府志)聲名文物。冠裳濟濟。逡巡揖讓。無少惰容。秉禮之家。不踰矩矱。
(蕭子鵬思樂堂記)章甫縫掖之士。閭閻秩秩。

(李貞開烟雨樓賦)城郭森羅。市廛錯列。高門納駟。甲第連雲。紅粟流衍。禮樂孔殷。
(蔣靜黃田港閘記)富商大賈。長棧巨舶。夷蠟海錯。魚鹽米布之屬。輻輳城市。居民

富饒市邑繁盛。

（李日華秀水百詠序）賦稅日增。生齒日盛。才傑輩出。爲時名鄉。第宅宮廬。不讓兩京。陸無險巖。樹藝得食其膏。水無衡激。餘艘得以走集。

（黃洪憲縣志序）邑人士多饒秀。嫻文章。接轍傳圭。弁冕吳越。

（秀水縣志）秀邑人士。斤斤自好。以孝弟力田爲本務。

嘉善縣（錢福水利成功碑記）嘉善膏腴之壤。平鋪如席。無高山大澤。賦稅戶田。最爲繁盛。

（宏治嘉興府志）士慕文儒。沃土腴壤。民不勸而耕。樂從乎上。視他邑固易易也。然而信巫鬼。崇異教。豈舊習未革歟。

（胡潔表賢錄序）邑之俊造。皆師古好學。其民淳樸易治。

（章士雅縣志序）人文鬱勃。風氣淳龐。土沃而民饒。

（莫大勳儒學序）魏塘忠孝節義。甲於嘉禾。理學科名。聲高東國。麟麟炳炳。自昔攸

聞。謂非教育涵養者深歟。

(姚宏漢築城碑記)樂田畝。重興作。

海鹽縣 (李正民鹽學記)海鹽地形高仰。潮汊之至。非有山谷隄防。而人居以安。其土黃壤。其井泉甘。魚鹽之利既溥。又溝洫之水。不可滯蓄。故民皆服田力穡。利於早熟。市廛編戶。家給人足。喜教子弟以詩書。士大夫之裔。亦各世守其業。地既斗絕。一隅舟楫人跡罕至。無奇貨異產。動其耳目。故能安習而不遠。

(李棐小學記)里巷間絃誦之聲相接。

(許氏貽謀)男勝耕。悉課農圃。女勝機。悉課蠶織。

(弘治嘉興府志)海鹽素習魚鹽之利。俗樸而好文。儉而知義。安土而不樂商賈。士大夫喪葬率用古禮。閭閻多化之。

(海鹽縣志)鹽邑斥鹵。民率煮海爲鹽。田圃之間。所產者。禾麥麻稗而已。其他多資之旁邑。易之商旅。

石門縣 (□□儒學記) 稻蟹之利。轉徙數州。

(朱德潤鄉賢祠記) 士美民秀。夙稱多賢。

(貝瓊西郭生傳) 俗質而尙文。

(陳履縣志序) 崇故良邑。以易治稱。

(陳允堅學田記) 禦兒故稱饒庶。

(石門縣志) 石邑接壤杭湖。士大夫尙文學。習禮義。然射利近華。信鬼重巫。習未盡革也。至重桑麻。勤稼穡。民多淳樸。

平湖縣 (宏治嘉興府志) 平湖多秀民。天性巧慧。重文學。尙氣節。其居田野者。夫耕婦織。最爲勤苦。然信巫鬼。重淫祀。習奢侈。挾智鬪訟者。往往有之。年來文教漸盛。而風俗亦漸移易矣。

(朱維熊義學碑記) 湖邑大海廻環。生其地者。多鍾九峯三泖之秀。以故名臣輩出。科名甲七邑。

(平湖縣志)邑既僻處東偏。工作無他技巧。泉多於桑。布浮於帛。士大夫家勤女工。猶什之七。

(平湖縣志)其境僻無叢奸。其習樸無竄貨。其去鄉重。其射利慳。故男不逋畝。女不下機。

桐鄉縣 (至元嘉禾志)兼并勝。挾口善鬪。楚越之口口。

(莫光朝青鎮徒役記)青鎮介湖秀之間。水陸輻輳。生齒日繁。富家大姓。甲於浙右。(宏治嘉興府志)俗務農而習樸。高原樹桑麻。下隰種禾麥。尺寸無曠者。

(桐鄉縣志)桐處古吳越之疆。秦伯遜讓之遺風。夏禹勤儉之遺習。漸漬既久。兼而有之。

(至元嘉禾志)冠禮。男子十六始冠。亦有昏而冠者。女子于歸乃笄。聚族張筵。凡冠笄。皆炊大饊。餽遺親里。始諱其名而字之。昏禮納采納徵。委禽親迎。多遵古道。喪禮始卒。以六輪經辨。生肖所忌。曰批書。男免女髻。斂用綿及帛。斂畢。設銘旌。賓始弔。每

七作佛事。七七謝孝。衰服拜其門。葬日。姻友至墓所。餞祭。具方相器銘旌梵音。文雜流響。葬後三日。子孫至墓所。曰覆墓。

(萬歷嘉興府志)元日。整衣冠。焚香拜天地。祀宗祖。男女聚拜。飲椒柏酒。親朋互相投刺。曰賀節。人日。女子上綵勝於祖父母。元夕前。鄉人束芻於木末。燎以祈年。曰燒田蠶。城中揭燈於竿。鼓吹遊行。曰迎燈。清明。挂紙錢於墓。立夏。以百草茅揉粉爲餅。相餽。遺端午。艾旗蒲劍。懸於門。飲葛獸酒。七夕。瓜果雜陳。曰乞巧。八月望。以百果爲大餅。名月餅。以百果和糖。名倖糖。賞月達曙。九日。造栗糕。插菊花。十月朔。祀祖先掃墓。冬至。合祀宗祠。臘月。鄉人以朱墨塗面。跳舞於市。行古儺禮。除夕。易門神桃符。寫春帖。并磴俱封。爆竹燔柴。設酒殺聚飲。鑼鼓徹夜。謂之守歲。

(海鹽縣圖經)元宵。先結錦綺爲竹棚。夜放火樹。縱遊人觀燈。遠近百里畢集。

(桐鄉縣志)三月三日。農家婦女。出避於外。曰避青。晚食螺螄。曰挑青。

(嘉興縣志)八月朔。食鰻魚。八月二十四日。葭生日。除夕。燔柴於門外。曰燒火爐。

(嘉善縣志)孟冬朔日食米團。

(海鹽縣圖經)除夕家置炒荳米。元旦且食且祈曰。湊投湊投。

● 湖州

烏程縣 (杜氏通典)永嘉之後。衣冠萃止。文藝儒術。斯之爲盛。雖閭閻賤品。處力役之際。吟咏不輟。蓋因顏謝徐鮑之風扇焉。

(蘇軾墨妙亭記)吳興民足魚稻菱蒲之利。寡求而不爭。

(張方平府學記)吳興山水發秀。人文自江左而後。清流美士。餘風遺韻相續。

(王十朋湖州謁廟文)湖學之盛。東南鮮倫。風似鄒魯。民同蜀閩。

(李直方白蘋亭記)其人壽。其風信實。

(張世昌崇順菴記)由吳興而東。皆平沙沃野。其俗敦龐勤儉。故治業易滋。養生送終。得以盡心而無憾。有古之遺風焉。

(程邠新復青塘隄岸記)民淳俗厚。政化易施。

(李心傳南林報國寺記)烏程之南林。耕桑之富。甲於浙右。土潤而物豐。民信而俗阜。行商坐賈之所萃。

(趙孟頫吳興賦)家有詩書之聲。戶習廉恥之道。

(商輅湖州府學記)土田膏腴。居室庶饒。學校人才之盛。稱於歷代。

(楊慎跋峴山圖)地則杭稻交疇。里實桑榆蔭道。

(趙時春送張湖州序)地腴而民質。傭租易給。

(王穉登喜留亭記)其產多蠶桑竹木魚稻果麻之利。俗號殷富。

(茅瑞徵吳興掌故序)吳興風俗最近古樸。其土人雅稱率素。崗達而峭直。其里閭力本務穡。惟斤斤以勤儉。長子孫無敢傲康。以墮先業。

(西吳枝乘)湖民力本射利。計無不悉。尺寸之限。必樹之桑。環堵之隙。必課以蔬。富者田連阡陌。桑麻萬頃。而別墅山莊。求竹木之勝。無有也。

(吳興掌故)會集止以契關。慶弔不爲戲游。飲謔。陸博棋奕。鮮所藏設。

(范應期縣學記)炳靈發祥。代鍾名哲。詩書弦誦。等於齊魯。魏科臚仕。甲於旁邑。
(烏程縣志)俗樸風恬。恂恂儒雅。婚媾論財。雖士大夫不免。衣服飲食。向多野樸。布
衣之外。間以綢絹。不尚綺飾。上十區之民多貧。下十三區之民稍富。田之厚薄分而
所入亦殊焉。

(歸安縣志)儀雅而周。以巽。語剽而輕。以浮。

(歸安縣志)東鄉業織。南鄉業桑。菱蓄魚。西鄉業薪竹。北鄉業蔬。菹。

長興縣 (史巖之進士題名碑)吳興士風之盛。甲於浙西。而長興視旁邑爲尤盛。
士由科第奮興。肩背相望。

(劉燾進士題名碑記)水透迤而清深。山連屬而秀拔。人才之生。是以似之。

(楊維植韓侯去思碑)地臨輿區。農多艱食。其土俗浮些。好盤遊。喜氣勢。競訐訟。

(熊明遇箬溪書院記)天目茗水之間。鄒魯之風在焉。

(長興縣志)山水雄壯。故人多尙氣。士習較郡中。差爲淳樸。

德清縣 (蔡汝楠贈郝令序) 德清本山水之邑。山鄉山樵。蘇泉壑之利處。水鄉者引水灌溉。輒成腴田。其民饒樂久遠。

(金明時熊侯去思碑記) 邑介山澤之間。俗瘠而役煩。

(許孚遠縣學記) 德清山川清麗。民俗淳簡。為之士者。有敦樸謹愿之風焉。

(德清縣志) 冠婚喪祭。悉敦禮讓。議姻則嚴氏族。舉葬則急塋兆。故立葬社。以周貧行。多婚於凶歲。皆事之近古者。

武康縣 (桂華鄉賢祠記) 武康邑小地偏。不適商賈貨利。故其民性愿而近道。習醇而敏於為善。

(武康縣志) 務農桑。而無曠土。樂敦樸。而無頑民。所事山蠶。講有邠俗之遺。

安吉州 (劉希仁縣令題名記) 鄞南賦繁事劇。尤為難洽。

(蔡汝楠州志序) 吳下文盛。淳風久瀆。州之山中。尚不失敦龐古始之意。

(吳瓏明倫堂記) 吳興文明。上郡獨安吉為州。而人士舉業。且蔚乎紛郁矣。

(安吉州志)其土瘠薄。故鮮富室。罕積聚。其小民不出境事商賈。不習工藝。故多貧。婦尚貞節。郊外絕無遊女。婚娶不親迎。居喪不按家禮。病不醫藥。多事禳禳。

孝豐縣 (昔朝選縣治記)林篁僻遠。易服難馴。

(孫在豐楊侯建學詩序)人士大都視聽閒靜。未嘗馳騫聲華。代有雋望。

(孝豐縣志)東地沃而侈。近浮西地瘠而鄙。且險好鬼而務訐。尙詐而蔑禮。近則壽考相望。儒業頓起。宮室率務堅樸。無雕刻聖黜之飾。男婦服常不制。夏則衣苧。冬則木棉。儉素之風居多。富家燕飲。多事豐腆。山村儉樸。有汗樽杯飲之風。

(吳興掌故)湖族婚時。遇暮夜。親知家各助以燈燭。有親喪者。贈奠之禮。舉不敢受。云不敢以親累及人喪葬。送者雲集。其費一出於親知。所辦隨其力之大小。以邀送客。終制之日。出外服素青服。而家居素服。若心喪者。過三年。方通用吉服。

(吳興掌故)元日。家具糕勝香燭。供三正堂。三日。或至半月。祀門戶神。甚謹。不敢以家鬼先之。

(孝豐縣志)社日。各村率一二十人。爲一社。屠牲釀酒。焚香張樂。以祀土穀之神。謂之春福。

(烏程縣志)二月二日。士女皆摘蓬葉。插於頭。諺云。蓬開先日。早戴了春不老。四月立夏。家多祀竈。以火德王也。時蠶已三眠。稍葉者。三日後。任從採摘。梅雨。農家賴以種田。俗名燒鵝汁。其時有雷。則多魚。無雷。謂之啞黃梅。立冬日。以野菊花。金銀花。茄根。薑幹之類。煎湯沐浴。謂之掃疥。

(西吳里語)清明。居民各掉彩舟於溪上。爲競渡。謂宜田蠶。始於寒食。至清明日而止。謂之水嬉。

(西吳枝乘)吳興。以四月爲蠶月。凡官府勾攝徵收。及里閭往來慶弔。皆罷不行。謂之蠶祭。

(歸安縣志)四月八日。以棟葉染米。啖青精飯。

(吳興掌故)七月望日。盛爲蘭盆會。好事者。浮水燈。爲水陸會。常以膏泛粥。事神祀。

禮重。十月朔。墓祭。與清明略同。霜露感情。不能自己。正今古同。

●甯波

鄞縣 (陸士龍答車茂安書) 火耕水種。不煩人力。舉牖成雲。下牖成雨。官無逋滯之征。民無飢乏之慮。衣食常充。食庫恆實。榮辱既明。禮節甚備。爲治甚簡。爲民亦易。(三國志注) 會稽典錄。山有金木鳥獸之殷。水有魚鹽珠蚌之錯。海嶽精液。善生俊異。

(隋書地理志) 川澤沃衍。風俗澄清。海陸珍異所聚。人雜五方。俗類京口。

(王應麟七觀) 世族蟬聯。重圭累組。庠聲序音。洋洋鄒魯。習鄉上齒。少長有序。俎豆秩秩。章逢楚楚。

(錢彥遠衛司都目序) 田瘠且隘。蠶蠹錯出。

(王應麟鄞縣學記) 詩書之鄉。禮節恭謹。縣之子弟。夙以衣冠鼎盛。

(延祐四明志) 浙東七州。明爲阨塞。戶版物產。清風舊德。與昔之高閎巨闕。屬於宅

里者猶可考也。

（陸深棟塘翁傳）鄞甬之東。山水清嘉。人喜種植。務農功。

（嘉靖甯波府志）樸茂醇實。農勤於耕。女勤於織。商賈鬻魚鹽。工供日用。絕無四方奇袤之習。男女皆衣布素。卽高貲厚藏。不曳綺紈。冠婚一從簡樸。僅取成禮。賓至則擲蔬炊糲以爲餉。隣里不相侵竊。外戶闢而不扃。龍不夜吠。捕吏不入於鄉。雖王化所薰。大都其習然也。青衿之士。亦皆甘於菲陋。不羞韋葛。昏旦閉戶讀書。絕鮮他營。五邑大抵皆同。

（嘉靖甯波府志）鄞之風散緩。其俗迂闊而善妬。慈之風矯厲。其俗尙文而善黨。奉之風鷙健。其俗負氣而矜高。定之風脆弱。其俗習勞而寡營。象之風樸直。其俗好競而服義。

（李璜府學記）人才英拔。比他郡爲甲。後進縫掖。往往冰玉秀整。廉利好學。

（陸世科義倉記）鄞縣介處海濱。風俗近古。四民各食其力。

(鄞縣志)神禹東狩。及於會稽。而鄞屬在封內。被聖人過化之澤。既而無餘建服。胄衍神明。歷商周之際。漸被聲教。句踐崛起。事鈎盾。驅長鬣。力爭於上國。而民遂感憤赴敵。不恥鬪力。風尙少變焉。

慈谿縣 (王安石縣學記)慈谿小邑。無珍產淫貨。以來四方游販之民。田桑之美。有以自足。無水旱之憂也。無游販之民。故其俗一而不雜。有以自足。故人慎刑而易治。而吾所見其邑之士。亦多茂美之才。易成也。

(楊守勤潘侯去思碑)慈濱海而遙。負山崑崙。四民僅守常業。無他營。士大夫彬彬相率以禮義。以故無桀黠梗化之患。

(顏鯨杜白二湖碑記)慈彈邑丸也。厥土塗泥。宜秔稻。口陸之饒。三農九穀。水泉是資。其東西南表裏江河。去海未遠。借潮汐便利。往往股引自給。

(甯波府志)唐房瑄建縣。取漢董黯孝養之跡爲名。蓋立教以孝云。嗣後張無擇孫之翰繼之。稱三孝鄉。宋治平中。得杜醇爲學者師。士皆興起道義。建炎南渡。衣冠氏

族多卜居焉。慶元以來，慈湖楊簡得象山之學，又有文潔黃震、宋朱子之傳，以訓迪後人，人益敦倫尚行，知廉恥而畏清議，名師先達，惻惻相將，忘其貴勢，與里黨相齒讓，絕無侵漁暴橫之風。儒生率儉約自守，小民以耕織爲事，雖風氣固然，亦物力有所制也。

（慈谿縣志）其士子往往以德業淬厲，底於成材，衣冠文物，雍容典雅，尊德樂義，有士君子之風。百姓止納稅糧，橫差暴斂，一無所干，鄉村之人，至老不識城市。奉化縣（樓鑰縣學記）六邑奉化爲望，秀士尤多。

（陳造縣丞廳壁記）奉化民夥事叢，號不易治。

（陳著縣學記）尙氣而畏法，好義而知分，詩書禮義之澤，一變可以近古。

（王應麟縣治記）其俗純如，其士份如。

（戴表元于伯顏去思碑記）奉之爲州，山疎而水迅，疎故土居者，清勤力業，而少餘貲，迅故仕遊者，愴悅外顧，而無留心。

(張時徹城垣碑記)性雖易抵冒。好鬪訟。然皆狎於耕桑。守在四境。

(嘉靖甯波府志)奉化地不夷衍。兼藝山坡海滷以食。而民常勞。水不瀦滯。外方境內之物。不得轉輸。而民常嗇。

(奉化縣志)土狹民稠。日以墾闢爲事。仰事俯育。僅僅無人窟于財。亦憚於爲。非富家大族。皆訓子弟以詩書。故其俗以儒素相先。不務驕奢。瀕海小民。業網罟舟楫之利。出沒波濤。變化如神。習使然也。

鎮海縣 (吳敦復縣治碑記)漁鹽之聚。土瘠民貧。

(王應麟儒學大成殿記)挹秀涵清。俊人魁士。含章挺出。

(王存之鎮海縣碑記)居山者。以耕鑿爲生。瀕海者。以漁鹽爲業。

(王震岱山書院記)士生其間。往往多鍾山海碩大之氣。

(陶恭縣治形勝賦)其氣善柔。其文郁郁彬彬。迄今龍翔鳳舉。後先相望。

(嘉靖甯波府志)濱海斥鹵。其土瘠。其俗甘勤苦。務織作。溫柔敬愛。有古遺風。

(何愈貢舉題名碑記)環海而邑。扶與清淑之氣。孕靈毓秀。賢哲之士。生於其間者。蘊蓄爲道德。彪炳爲文章。樹立爲勳業。千百年來。蓋屬有聞也。

象山縣 (嘉靖甯波府志)民多剛勁。而質直。利魚鹽。務稼穡。樂於家居。憚於遠出。

(吳學周縣志序)碩儒名德。彬彬輩出。衣冠文物之鄉。

(舊浙江通志)大抵五邑之民。樵山漁海。衣食自足。惟緣海之地。兵民雜處。禮讓文學。不無少衰矣。

(象山縣志)俗儉而民易治。事簡而賦易供。黔首守畝。跬步不出里巷。婦人恥入市。卽窮檐陋室。未嘗望見顏色。士尙切偲。鮮欺傲鄉。薦紳班荆問舊。未嘗以驕貴聞里中。服食恬素。不御綺縠。吉凶從有無。婚嫁嚴良賤。其貧與富。弗計也。

定海縣 (吳萊甬東山水古蹟記)昌國人家。頗居篁竹蘆葦間。或散在沙澳。非舟不能往來。田種少。類入海中捕魚蠔蚌。蛇母禪塗。傑步腥涎。褻味逆人鼻口。歲或仰穀他郡。

(胡宗憲舟山議)五穀之饒。魚鹽之利。可以食數萬家。

(定海縣志)其民自讀書服賈外。大半以力田樵採爲業。凡居服飲食婚喪宴會。以及享祀伏臘。悉尙省節。蓋力勤而用儉。比戶皆然。

(甯波府志)冠禮。男子年十六。擇吉日告廟始冠。亦有及婚而冠者。三加請戒之禮。習俗久略。女子則當嫁時。加笄焉。婚禮。士大夫家。締姻多重門第。先憑媒妁通柬。將幣如古問名禮。至納采納徵。俱崇儉約。不以金幣相炫。女家具奩。亦不以紈綺珠玉相耀。親迎後翌日。出拜姑嫜。獻以女紅榛栗。其風猶古。喪則始卒及含殮。多遵文公家禮。或五日。或七日。服成受弔。宗黨姻友。各以香楮申奠。俗好浮屠。每七必作佛事。葬用石槨。貧者用磚。三日展祭新塋。標插紙錢。祭祀特重。宗祠春秋二分。冬夏二至。在祠合享。清明及十月朔。則祭於墓。祭畢共飲餞餘。其歲時令節。各祭於家。行三獻禮。豐儉則稱其有無云。

(嘉靖甯波府志)元日。設香楮。陳果禮。祀神祇宗祖。序拜尊長畢。出拜戚隣里。謂之

賀歲。里社祈年。元宵。各坊鄉之民。集衆祀里祠。設醮。誦經祈福。境內名雨水會。清明。各家爲青糍黑飯。牲醴祭墓。封土插竹。挂紙錢於顛。立夏。炊五色米。爲立夏飯。端午。爲角黍。駱蹄糕。祀其先。親戚各相餽遺。三伏。寺廟皆設醮。婦女走禮神佛。八月。各鄉祠廟。爲會祀神。以龍舟競渡。謂之報賽。與各處端午競渡不同。九月。在城各坊。口輿祠廟神像。游行街市。導以兵仗。綵亭金鼓雜劇。各相競賽。觀者塞路。謂之社口。
(象山縣志)元宵。四街各設竹棚綵幃。懸燈其上。或以火藥爲錦樹之戲。至十六日乃止。

(定海縣志)人家多以八月十六日爲中秋。中庭陳設酒饌。賞玩達曙。

(象山縣志)重陽。士人登高燕賞。以茱萸泛酒。各家製牡丹糕。方粽。親戚轉相餽遺。
(象山縣志)歲除。換桃符。寫春帖。易門神。謂之從新。製辛盤。燃爆竹。爇蒼朮。辟瘟。謂之辟邪。

山陰縣（越絕書）性脆而愚。見清知濁。見曲知直。

（越絕書）春祭三江。秋祭五湖。大越海濱之民。獨以烏田。

（史記貨殖傳）楚越之地。地廣人稀。飯稻羹魚。或火耕而水耨。果隋蠃蛤。不待賈而足。地勢饒。食無饑饉之患。以故訾窳偷生。無積聚而多貧。

（後漢書第五倫傳）會稽俗多淫祀。好筮卜。

（三國吳志）忠臣繫踵。孝子連閭。

（晉書地理志）其地循循。

（宋史地理志）商賈工作。皆著本業。

（嘉泰會稽志）建業初嘗駐蹕於越。山川之所形兒。風化之所漸被。其儒風土業。流聞彰布。益以昌大。非餘郡可比。

（嘉泰會稽志）登秦望探禹穴。其委蛇盤礴之觀。溫厚粹美之氣。鐘靈孕秀。雲行川流。胚胎醞釀。發爲英傑。好學篤志。尊師擇友。絃誦比屋相聞。不事奢靡。士大夫家。占

產甚薄。縮衣節食以足伏臘。重離別。篤交親。迎則聚。間闕。送則惜。睽異。豆觴迭進。往往竟日。

(寶慶會稽續志)越州物產之饒。魚鹽之富。實爲浙右奧區。

(余闕均役記)越地無甚貧甚富之家。山谷之間。有一夫而居十畝之田者。祖宗相保。至累世不失。又其土瘠民貧。小人勤身而飭力。其君子尙樸儉。而敦詩書。

(韓性儒學碑記)會稽儒風之盛。冠於東州。

(徐渭贈潘公序)嫁女者。以富厚相高。歸之日。擔負舟載。絡繹水陸之途。繡襖冒箱。筍如鱗。往往傾竭其家。

(於越新編)膏壤沃土。民物廣饒。

(紹興府志)謹祭祀。力本重農。下至蓬戶。恥不以詩書訓其子。自商賈鮮不通章句。輿隸亦多識字。家矜譜系。推門第。品次甲乙。婦女無交游。雖世姻。竟不識面。不鬻男女於境外。大家女。恥再醮。大抵於俗爲美也。

(山陰縣志)其男女屏浮靡不事。嚴內外以禮。貞烈之行。史不絕書。

(會稽縣志)民有四。耕耨而誦其業。絲布其服。魚鹽與稻。果窳而贏蛤。其食也。

蕭山縣 (王禕棣萼軒詩序)蕭山爲縣。地偏而俗尙質。

(田惟祜縣志序)江海襟帶。湖山奇勝。風物之阜厚。才士之德望。甲於諸邑。

(陳敬宗科甲題名記)蕭山山水之秀。會聚英華。鍾靈賢才。其碩德雅望。英聲偉烈。表表在人耳目者。前後相望。人物之盛。習爲風俗。男女有別。而耕織惟勤。絃誦相聞。而文風益振。宦遊如楊龜山。以道化倡於前。游定夫。以德教闡於後。羅豫章。講道既去。而李延平復來。延平之去未久。而朱子提舉浙東。又至。人才之造就。良亦有所矣。(李遇春縣志序)山川之秀。鍾爲人物。如鍾離意。操行絕高。張孝伯。參謀大政。朱憲使。獨持風裁。魏文靖。德望尊重。如此者。實多。高名美譽。膾炙人口。

(紹興府志)西鄉稍尙縉禮。東鄉乃近樸。顧善議論。或信浮說。

(蕭山縣志)民以耕讀爲事。士以氣節相高。

諸暨縣 (商輅廟學記)山川清淑。士生其間。偉然秀出。

(蕭鳴鳳廳事記)諸暨地阻而俗美。田於湖山之間。灌洩甚艱。故歲無常稔。

(紹興府志)有陂池灌溉之利。絲布魚鹽之饒。其商賈工作。皆習簡樸。不事華麗。

(諸暨縣志)民性質直而近古。好鬪而易解。力稼不事浮費。科舉第間出一二人。輒能侃侃自持。

餘姚縣 (貝瓊北山書屋記)姚江邑居野墅。井然棋布。重華文命之德。猶在於人。

(貝瓊復古堂記)餘姚山石林木皆古。民務本而不爭多。至百歲往來。阡陌間熙熙然。如無懷葛天之徒。風俗古矣。

(嘉靖餘姚縣志)其民知恥。好修善讓。儉而不陋。華而不費。勤而不匱。質而不俚。其思深。其慮遠。非有虞氏之遺風。其能若此。

(嘉靖餘姚縣志)其人敏柔而慧。尊吏畏威。其教易成。占產至薄。縮衣節食。以卒伏臘。輸賦以時。其政易敷。地多山林湖陂。小工大海。魚鹽材木之利頗饒。其民易足。無

環奇之產。以來四方之游販。其民一而不雜。

（餘姚縣志）餘姚愈貧寒者。愈兀傲自矜。士大夫類有節概。然亦往往恃氣不相能。故服食視諸邑爲奢。

（餘姚縣志）民知禮讓。士風大振。君子以讀書爲本業。小人以技藝爲耕作。

上虞縣（葛桷縣志序）上虞山水形勝。不後於他邦。所產人物。忠義盈朝。節孝連郭。非偶然也。

（郭楠縣志序）俗尙淳古。素親耕讀。猶有舜禹遺風。

（紹興府志）居會稽餘姚之間。地狹而好矜名。類能飭廉隅。篤孝讓。然喜生事。意氣多發揚。少含蓄。

（上虞縣志）尙節義。而恥習漓澆。君子好文學。邱民理穡事。

嵊縣（王洪鄉賢祠記）山川鍾靈。名賢輩出。

（紹興府志）嵊與新昌本一邑。在萬山中。其士子知好學砥行。嵊尤近質不浮。不作

無益。

(嶧縣志)俗尚勤儉好古。嚴尊卑之分。然而市民輕薄。鄉俗鄙陋。

新昌縣 (王畿甲科題名記)溪山環麗。似樸而文。

(呂光洵縣志序)新昌邑台剡之間。地瘠民儉。其財賦不足以當上邑之十二。獨其俗淳厚。先民之流風。善政猶有存焉。

(新昌縣志)以讀書尚禮爲美事。不遠行商。不尚華麗。無淫亂之風。然好歌舞。明法律以繩人。

(紹興府志)男子年十六以上。告廟行冠禮。多於至冬或元旦。婚必擇門第。多士大夫爲媒。六禮遵古制。親迎雜用踏藁牽紅。傳席合卺諸儀。卽日拜翁姑。以次及家衆。三朝廟見。張倚席。合飲宗戚。喪大率用家禮。惟不用小斂。不用布絞。其墳塋多砌磚爲槨。家饒者乃以石。旣卒。哭舍苴經。更用細麻。布服出謝弔客。祭以四時。或用四件分。至日或元旦。端陽中元冬至忌日。必素服祭。終身不廢。清明及十月有墓祭。

（嘉泰會稽志）元日。男女夙興。家主設酒果以奠。男女序拜。竣乃盛服。詣親屬賀。設酒食相款。曰歲假。凡五日。乃畢。立春先一日。郡邑官寮畢出迎春。東郊通衢游觀。相飲樂。至期。用巫祝禱祠。謂之作春。亦曰燒春。元宵前。前後三夕。比戶接竹棚。縣燈。朱門華屋。出奇炫華。豪奢相矜。社日。鄉有社祭。三月二十八日。俗傳東嶽誕辰。蕭之蒙山。餘之黃山。皆有廟焉。男女競往。燒香羅拜。大姓皆樓船載簫鼓。鳴榔遊飲。姚人謂之游江。端午日。以角黍相餽遺。設蒲觴。磨雄黃酒飲之。女子以繭作虎。小兒則綵繩繫臂。綴繡符。簪艾葉。採藥鍊丹者。率以是日。夏至祀先。以麵。蕭山各供茶。曰夏至茶。六月六日。觀荷。亦乘畫舫。多集於梅山本覺寺。同時又游容山。項里六峯。觀楊梅。八月十八日。蕭山有觀潮之念。重陽登高。蒸米作五色糕。佩萸泛菊。府城剪綵旗。供小兒嬉戲。諸暨飲茱萸酒。必配以豆莢。是日俗忌不相過。必有喪者。乃往哭。且致祭焉。不知所始。越中當三夏旱甚時。有迎龍之賽。不齋虔祈禱。惟飾優伶。及小戶少年。爲諸神佛怪異。或扮故事。

(紹興府志)諸暨元宵。士女出觀燈。名過橋。謂可免一歲疾厄。新昌街市。張燈謂之歡門。二月二日。始開西園。縱郡人遊觀。謂之開龍口。指臥龍山也。新昌立夏。則炙昌魚薤菜。除夕聚雜柴。爇於庭。古謂之久山。今日笙盆。光焰燭天。爆竹口口之聲。相聞不絕。

(會稽縣志)正月十四日。用巫人。以牲醴祀白虎之神。祭畢。以紅綠線釘畫虎於門。謂之遺白虎。

● 台州

臨海縣 (晉書地理志)火耕水耨。漁獵山樵。飲食頗給。民無千金之家。

(陳公輔台州風俗記)台介東南之陬。里無貴游。百姓樂業。但食魚稻。習樵獵。而不識官府之嚴。

(洪适通判廳記)壤僻民愿。牒訴簡少。輸調有常。

(赤城志)台士皆激昂奮厲。以禮樂廉恥爲先。以行檢名節爲貴。民皆質直愿毅。以

耕鑿芻蕘爲生。以安土重遷爲業。非貧困無聊。不肯自墮於商販胥徒之役。

(赤城志)州負山瀕海。沃土少而瘠地多。民生其間。轉側以謀衣食。寸壤以上。未有萊而不耕者也。鄉戶不足於財。而有餘於行。其真樸敦厚。里黨多化焉。

(胡榮文廟記)地應上台。士秀而文質均。

(王士琦平賦碑記)浙以東。瀕海諸郡。利饒魚鹽。商舶輳集。民逐什一。而擁厚貲。獨台途錯孔道。無末業而鮮蓋藏。

(金賁亭台學源流序)台古荒域。歷漢及吳二三君子。始以幽操正行。有聞當世。晉唐之際。節概文章之士。亦班班見典籍。

(吳時來志學書院記)成宏間。人才最盛。其存立皆足表表於世。其登科者。歲至七八人。與浙以東相雄長。

(王昌平圖記)土瘠人窳。然其先多賢。俗尙忠孝。嘉廉讓。無豪暴欺詐。故浙中稱樂郊。

(臨海縣志)臨海山川峭厲。人皆秉性堅貞。百姓務本力農。無興販境外。素封家惟積粟。藝柏麻。以資饒足。仕者侃侃立朝。以言利爲恥。

黃巖縣 (晉書地理志)氣躁性輕。好佛信鬼。

(王士琦明倫堂記)扶輿磅礴。氣日益久。士日益奮。家詩書而戶弦誦。

(黃巖縣志)其民秀而敏。人人殊異。皆以文藝相應。有鄒魯風。

天台縣 (車若水平價倉記)天台邑治。去江百里。木舶無至。而爲閩甌入京孔道。

往來屣履。增饗其間。市井貴糴。扇及村落。數日辛勤之傭。不營一飽。

(孟夢恂縣學記)天台爲邑。山蘊水融。民淳物茂。前修之典型具存。文華之穎發踵進。

(赤城新志)天台以山水擅名。域內隋梁間。多棲仙釋。故有洞天福地之說。及晉唐來。俗尚詩書。人敦孝弟。而人文漸蒸起矣。

(天台縣志)土瘠民貧。室廬儉素。人不習工巧。匠作器皿。多取給他處。魚鹽山海之

利皆異郡專之。惟坐肆售貨。覓什一之利。朝貴還城。不乘車馬。深山窮谷。穉子皆知讀書。牧豎樵夫亦識字。守分者多。抗法者少。

仙居縣（赤城新志）仙居枕山趾海。雖若蠶叢。其風俗與首邑不少異。

（仙居縣志）山川秀美。土風樸茂。賢士大夫多。光明俊偉。能世其業。卽編戶之民。類不能具什一。以來尺寸之贏於四方。

寧海縣（吳子良縣學記）井聚僻寂。迫山海。民力耕釣。安賦輸。產慳食簡。

（陸瑜縣學記）名儒輩出。甲於他邑。

（薛三才林公祠碑記）寧邑僻居海隅。其民執固勇敢。志多穎質。

（胡獻來胡侯德政碑記）縵城故忠節禮義之鄉。素稱易治。

（金學賢葛氏族譜序）其大家多優裕和雅。喜學而好文。其小民力業寡求。罕爭而鮮訟。其俗最爲得文質之中。

（寧海縣志）男耕女織。有勤儉風。力本右文。無浮靡習。故家尙清議。士矜名節。婚嫁

擇先門第。慶弔罔敢失禮。營室必作家廟。燕享以時。婦女不出街市。此其俗之美者。

太平縣 (鮑復泰三台采風詩序) 風俗敦龐。習尚簡質。

古。 (台州府志) 連山濱海。舟楫不通。其地止農漁。不習上國之奢華。故其民尤樸茂近古。

(太平縣志) 明初地曠人稀。土田不過畝一金。是時法尚嚴密。縉紳士庶。罔敢侈肆。衣不過細布土縑。仕非達官。不得輒用紵絲。女子非受封。不得長衫束帶。居室無廳事。高廣惟式。至宣德正統。法網漸疎。奢侈競起。成化宏治間。役輕省費。生理滋殖。田或畝十金。屋有廳事。正德以來。貧耗而無高貲。鮮所借貸。民由是困。

(台州府志) 男子年十六以上。始冠。亦有及婚而冠者。此禮惟土族間一行之。女臨嫁前數日。行笄禮。口口訓戒。議婚必憑媒氏。納采請期。奠雁諸禮。悉口古制。惟親迎未行。嫁娶日。各擇其族之賢者。與迎送。以成媾禮。初喪含殮畢。卽成服開喪。姻戚赴弔。貧富稱家有無。不用鼓樂。頗爲近禮。葬用石槨。親友執紼哀送。不事梵音仙響。祭

祀。大家各有宗廟。細民從寢室設龕。四時之祭。元旦。清時。端午。中元。重九。冬至。除夕。各以時物爲薦。子姓享餼餘。墓祭。或用羊豕。或用牲醴。各隨其祭田之厚薄。而頒胙。亦以是爲差。

(台州府志)元旦。長幼夙興。拜天地宗祖。因相慶賀。元宵。張燈五日。俗以十四日爲重。室內皆燃燈。婦女行百步。以去病。清明。採菁草雜米麵爲餌。謂之寒食。家無貧富。必攜酒祭墓。且插柳於門。或簪之。謂之驅香九孃。蓋指螯蟲云。四月八日。浮屠於是日浴佛。人家取烏桐葉染飯。作青色。以相饋。謂之送烏飯。立夏。拭麵爲薄餅。裹肉菹。啖之。謂之醉夏。六月六日。各曬衣與書籍。老者食雞粥。謂時極陰。以補陽云。中秋玩月酌酒。俗以十六日爲重。猶元宵之重十四也。臘月二十四日。掃屋塵。謂之除殘星。夜祀竈。謂送神上天。除夕。先期備牲醴。祭賽天地。是夕祭祖。飲餼餘。分歲。或燃燈達旦。又謂守歲云。

● 金華

金華縣 (王栢跋八行家傳) 習尙忠厚。公論坦明。

(宋濂昌東萊祠堂記) 俗勤耕織。士知所學。

(王一寧送張宗原赴金華序) 其民淳。其訟簡。其豐裕雖不及於浙右。而易理過之。
(章懋縣志序) 男勤生業。女事婦工。不出閨門。鮮鑽穴踰墻之行。務營田宅。無聲色狗馬之好。慶生弔死。禮尙往來。嫁女婚男。擇先門第。

(金華府志) 民樸而勤。勇決而尙氣。族居巖谷。不輕去其土。以耕種爲生。不習工商。其富人雅好善。喜延儒。碩士愛誦讀。歷產名賢。巍科執政。踵相接也。登仕者多尙風節。

蘭谿縣 (陳子巒縣學記) 蘭谿山川。朗爽秀拔。故其人。往往有穆叔所謂三不朽者。

(蘭谿縣志) 蘭谿風俗。古今凡幾變。宋南遷。中原文物之漸漬。諸賢禮樂之講明。蔚然爲文獻之邦。氣習醇厚。此其俗之可取者也。但居市者。多誇詐。處田里者。或粗鄙。

或輕諾而致訟。或論財而鬻女。此其俗之未盡善者也。

東陽縣（成化東陽縣志）士愛讀書。大家子弟無不從師受學。有志者習舉業。遲鈍者亦求通章句。知禮義之方。農知服業。父子力作。以耕植爲事。故衣食恆足。婦人女子深處閨門。雖親戚隣里亦不少接。專以紡織爲事。日用飲食服飾器具一以簡素爲尙。不事文飾。其聲色遊燕玩賞花石之樂。舉不崇尙。有商人尙質之風。

（隆慶東陽縣志）俗居巖谷。不輕去其鄉。以耕種爲生。不習工商。富人雅好義舉。大姓重門第。崇祀譜。士人能談性命。登仕者多尙風節。

義烏縣（隋書地理志）風俗澄清。道教隆洽。

（黃中輔忠孝堂記）人物風流。孝行卓異。

（劉濬登科題名記）俗尙儒雅。甲於他邑。

（萬歷義烏縣志）男子服耕稼。婦女勤織紡。商賈鬻魚。口工習器械。以利民用。無淫巧奇袤之物。

永康縣 (洪垣縣治廳壁記) 永康舊俗重儉嗇好強戾。

(張元楨元康縣譙樓記) 俗故謹厚士民樂業。

(永康縣志) 宋淳熙間先儒晦菴朱子與東萊龍川二先生設講席於五峯洞天永之人。士其得沾先賢風教者有由然矣。明初承舊俗爲士者多樂田野及成化宏治間文采蔚然倍於往昔。正靖隆萬之際不惟掄科擢第比肩林立而議論政事亦往往可觀。

(永康縣志) 永之溪漂悍而衝激。易涸而不沉蓄。其土重實而剛燥。寒淡而礪瘠。民生其間。遂有勇悍夸詐之習。民鮮淫巧。工多粗劣。持斧鑿者不及雕鏤。操機杼者不及錦綺。秉針線者不及組繡。攻澤飾者不及文章。而縣治四境之俗亦復不同。東邊東陽南邊括蒼西邊武義北邊義烏東陽之俗文其弊也飾括蒼之俗武其弊也悍武義之俗質其弊也野義烏之俗口其弊也黠。

武義縣 (呂祖謙徐公墓記) 負山之民氣俗敦慤樂畝田而畏官府。遨嬉侈麗之

習獨不入其鄉。

(許謙送遂公平赴武義教序)地狹而土肥。其民富庶。而風俗勁急。舊爲東萊講業之地。流風餘韻。猶有存者。士大夫能道詩書。通今古。

(楊本儒學記)其民剛悍。不相下。故其俗獷猛。號難治。

(武義縣志)男勤生業。女工紡織。家尙儉樸。而安質素。無狗馬蹋踰之戲。鮮綺繡。戴勝之觀。無論村落僻塢。卽城市之民。無不笠糾。饜黍稼穡是事。

浦江縣 (陳亮縣志序)浦江山邑。非賓客商賈之所奔輳。民生其間者。往往樸茂質實。以不欠租賦相尙。以不歷公庭爲常。長吏至。則相與安樂其俗而已。

(柳貫明倫堂記)介然下邑。無名山大澤。以發舒其奇。無珍貨絕產。以阜通其利。民業稼外。以儉嗇自全其生。

(戴良浦陽人物記後序)人物之生。不一而足。以忠孝貞節著者有之。以政事文學顯者有之。

(宋濂深溪王氏義門碑)浦陽婺山邑。樸美淳質。□□□本。恥於華言僞行。而以士自命。古者禮義□□□□是過。

湯溪縣 (胡森縣學記)其俗樸而固。其民勞以思。襤褸秉耒。□□外慕。

(胡森陳侯弭盜却金記)湯樸俗也。勤而膏。樹本而滋。□處而不曠。其室家保聚。椎結之風蔑如也。

(洪啓睿縣志序)其土确。其俗龐。

(湯溪縣志)湯溪割四縣邊隅之地爲邑。故習俗各隨其方。如遂昌多强悍。蘭谿多澆詐。金華多儉嗇。龍游多鬪訟。湯溪則兼而有之。然土好禮讓。農務力田。不喜牽車服賈。以走四方。且里不朝歌。巷不夜游。依然有古之遺。

(湯溪縣志)家絃戶誦。人知自奮。登賢書者。代不乏人。

(金華府志)冠禮。民間鮮行。惟士大夫家間行之。昏禮。士大夫家。鮮親迎。始至。設香燭。令師巫咒而撤沙。童子羅揖誦詩。及夜。以紅綵繫而牽之。行合巹禮。三日廟見後。

盛服出拜姑嫜。次及家衆。喪禮沐浴食羹。及殮。彷彿文公家禮。朝夕哭奠。每當七日一舉。祭則至日。則宗族親戚相率。持香燭哭。謂之炷香。又率用僧。作佛事。謂之追薦。葬埋富者多用石槨。其次用灰。祭禮士大夫家用四時。民間多用俗節。近又多口具族人立大小宗祠。因以歲首聚拜祠內。謂之合族會。

(金華府志)元日。舉家夙興。盛服焚香拜天。及懸祖先遺像。或祠堂神主。率長幼拜之。然後尊長輩。以次交拜。詣族黨親友之門。投刺相賀。名曰賀歲。立春前一日。官率僚屬。迎春於東郊。春日。官祀太歲。行鞭春禮。碎土牛。家設酒餼。以祭土神。謂之作春福。正月十五日夜。各家懸燈於門首。街衢接竹爲棚。繫燈其上。笙歌鼓樂。喧闐達旦。社日。四鄉各有社祭。以祀土穀之神。清明日。人家門戶插柳枝。少長行賞郊外。名曰踏青。前後十餘日。祭掃先墳。四月初八。釋迦佛生日。爲浴佛節。俗染烏飯。競相饋遺。端陽日。龍舟競渡。男女鬪。祝親族相款。民費不貲。是日取箬葉裹粘米爲角黍。相餽。置菖蒲雄黃於酒飲之。婦女佩符艾。或以繭作虎。小兒絲繩繫臂。綴繡符於衣帶。謂

可消災。採藥合藥者。俱以是日爲最効。七夕。女子夜間陳瓜果。祭賽乞巧。中元。素食祀先。僧舍作盂蘭盆會。或放水燈。爛若列星。八月十五日。家各置酒燕集。祭祠廟。九日。佩萸泛菊。蒸米作五色糕。士人或具酒榼遊山。爲登高會。冬至。各設酒殽。以祀其先。十二月二十四日夜。祀竈。品用糖糕。人家各拂塵。換桃符門神。年終。親戚互爲歲餽。交錯於除日。灑掃堂室。懸祖先像。燔柴於庭。燃紙炮。以代爆竹。相應答響。至元宵不絕。終夜圍爐。集少長歡飲。羣坐不寢。名曰守歲。

(永康縣志) 元夕。張燈街市。城中各以會爲大燭。導以鼓樂。昇置神廟。最大者。或用蠟四五百觔。此一郡所無也。清明。男女上塚。祭掃掛紙錢於上。謂之標青。十二月二十五日。謂之年頭禁。是日不出財。以赤豆和米煮粥。曰蠶花粥。食之利養蠶也。

(東陽縣志) 社日。農家用青麵作果橘葉夾之。名曰社果。以獻其先。乃食。夏至。凡治田者。不論多少。必具酒肉祭土穀之神。束草立標。插諸田間。就而祭之。謂祭田婆。六月六日。農家復祀穀神。謂之六六福。重陽提壺挈榼。登高攬勝。雨則以十二補之。謂

之賽重陽。

(義烏縣志)三月上巳。先十餘日。沿溪民泛龍舟。至是日止。俗呼競渡。

(蘭谿縣志)七月二十四日。邑有東嶽廟。先期祝散紙號。至期童男女往廟銷號。謂之孩口。

● 衢州府

西安縣 (漢書地理志)地邊楚。習於戰鬪。

(李華刺史廳壁記)俗尚文學。有古遺風。

(毛升超覽堂記)其君子多允言而厲行。易知而難狎。

(宏治衢州府志)風土樸野。民俗醇厚。士力學操觚。安貧砥行。無越禮犯分。告訐狡獪之事。尤多師範。經師人師。後先輩出。故後進人品學問。皆有原本極重試事。以低昂爲榮辱。各樹壇坫。爭自濯磨。顧惜朋儔。矜尚意氣。農能茹苦食貧。不輕改業。

(西安縣志)士修禮義。俗尚敦樸。自漢以來。浹洽政化。宋南渡後。士風益競。至今敦

行古道。雅尚禮文。君子重廉恥。惜名節。小民畏刑憲。寡詞訟。居市者文而浮。處野者質而鄙。

(西安縣志)穀賤民貧。恆產所入。不足以供賦稅。而賈人皆重利致富。於是人多馳騫奔走。競習爲商。商日益衆。吉凶婚嫁。一切隨其豐儉。故宕佚簡易。無頭會拮据之煩。

龍游縣 (程俱保安院記)其風悍以果。其君子耿耿好氣。而敏於事。

(衢州圖經)其俗齋。其民尚氣而誇功。

(徐伯彪文廟記)儒風甲於一郡。

(商輅縣學記)居室富庶。人物奇偉。

(余杰縣城記)民庶饒喜商賈。士則緝學綴文。取仕進。

(萬廷謙龍游縣志序)民靜而安。俗樸而儉。闔閭不識胥吏。幾於標枝野鹿之風。

(萬歷龍游縣志)苦塊之艱。不御羞饌。數世之忌。弗忍舉葷。宗黨十世。亦周恩意。姻

戚百年。尙相贈遺。其叔世之古道哉。

(龍游縣志)農勤於力田。治無隙地。工不務淫巧。皆能自食其力。風俗敦厚。婦人少出戶庭。澱水以南務耕。北尙行商。士力學操觚。發一第不爲炫耀。及謝政還。與往時同舍生及布衣交。出游如常。

(龍游縣志)賈挾貲以出守爲恆業。卽秦晉滇蜀萬里。視若比舍。故俗有遍地龍游之語。

常山縣 (楊韓科貢題名記)常山。衢之名邑。自昔號爲文獻。鍾山川清淑之氣。賢才後先相望。

(常山縣志)地狹民稠。人尙勤儉。事醫賈。趨利尙氣。信鬼神。好淫祀。宋朱晦菴呂東萊張南軒講學於此。故學者知向方。民無終訟。婦女不踰閭闔。昏嫁尙簡樸。

(常山縣志)其產多聰明後傑。負氣尙志。知廉恥。謹修飾。

江山縣 (張斗縣令題名記)民樸魯而鯁直。

（正德江山縣志）山峻水駛。故士多志尙。講究理學。地僻土腴。故居民饒裕。俗尙奢靡。

（徐文溥縣志序）士知向方。有古遺風。

（江山縣志）江邑沃壤。民殷富人。肩摩廬舍鱗次。商賈輻輳。

（江山縣志）士尙氣節。厲德行。民務稼穡。而健於訟。向時人務本業。野無曠土。邇來清湖爲閩越孔道。至有釋耒而逐負擔者。

開化縣（程遂縣學記）民生山谷。無繁華盛麗之見。無聲色臭味之娛。男子耕稼。婦人蠶織。早作暮息。勤生安業。故其習多務本。其秀民知讀書。識道理。愛親戚。敬賓客。睦鄉里。非法之事。懼不敢爲。

（胡儼歷科題名記）士嗜讀書。重名檢。登科歷顯。他邑莫儼。

（邵驥三達尊記）山川環秀。風俗醇雅。人皆樂善好儒。

（汪慶弼傅公祠碑記）土礪瘠。民鮮蓋藏。

(開化縣志)土鍾靈秀。工葩藻以凌雲。民鮮出疆。甘田舍而肆志。其在土著。鄉民有不識縣縣民有不識郡者。

(衢州府志)冠禮。男子年十六以上始冠。父兄擇日告廟。以冠之。婚禮。凡品官婚娶。或爲子聘婦。先遣媒氏通書。次遣使及媒。行六禮。婦至壻家。主人饗燕送者。明日謁見祖禰。次見舅姑。行盥饋之禮。舅姑饗婦。如家人儀。喪禮。厥明小殮。明日大殮。遂成服。三月而葬。遇柔日再虞。剛日三虞。三虞後卒哭。遷主入家廟。祭。凡品官立祠堂。奉高曾祖禰四世之主。以四仲三月祭之。又有臘日忌辰及掃墓之祭。與夫歲時俗節。薦享。庶人得祀其祖父母。而時享於寢。其祭與品官略同。

(西安縣志)元日。珠爽。具衣冠。禮拜天地神祇及祖先。賀尊長。然後謁拜宗族。及過里黨。親舊交相謁賀。擇日上墓。具酒果。挂楮錢。元宵。街市張燈鼓樂。市井家植竹木爲棚。懸燈當道。更以紙剪走馬諸燈。及爲龍燈。周行巷陌。士民競觀。是月也。農家以秫米搗爲糴。釀酒市肉。祭田祖先。齋。祝有秋。清明日。往墓培土。具牲醴。挂紙錢。會族

人飲餒餘。插柳於門。四月八日。家造青精飯相遺。謂之烏飯。端午。懸蒲艾於門。泛雄黃菖蒲酒。食餛飩。以角黍相遺。以綵絲爲索。繫兒童項臂。曰百歲索。以辟邪延壽。七夕。小兒以五日所繫之綵索剪之。泛以水。送置屋上。以爲鵲橋之渡。中元。俗稱鬼節。設齋素。以祀其先。里民集浮屠。爲盂蘭盆會。亦有夜放河燈者。中秋。戶邀賓朋。置酒賞月。秋社。報成。與春社同。重陽。各置酒登高。以秫米餒發之。雜以肉菜。蒸爲糕。以會賓朋。習禮之家。前後省墓。祭以時食。冬至。祀祖先於宗祠。長幼咸集。以次羅拜。拜畢。受胙。其外姓不行拜賀之禮。惟官師士紳行之。十二月二十四日。夜祀竈神。謂神以是日上天啓事。具糖米果茶以祀之。除夕。陳設祖先像。易門神桃符。燒火爐。放爆竹。骨肉團圞坐飲。謂之守歲。

● 嚴州

建德縣 (余植進士題名記) 瑰奇特杰之觀。瀟灑清絕之氣。獨萃斯邑。士氣夙醇。文風寔盛。方來者尙源源也。

(新定續志)郡人物表表相望。大抵尙氣節。而輕功名。有子陵之風。

(太平御覽)睦州取俗阜人和。內外輯睦爲義。

(嚴陵志)山高水深。人性貞介。君子好禮。小人勤生。男女有正性。而無淫行。

(明一統志)民貧而嗇。多文學之士。

(宋賢條議嚴絹疏)民淳事簡。訟少糧完。文献則三元及第。風俗則九世同居。從來易治之善地也。

(建德縣志)建邑山多田少。磽确者半。耕讀之外。別無餘蓄。歲或不登。借糴他邦。食云難矣。戶習詩書。家敦仁讓。嫁娶概從其儉。喪葬稱其有無。

淳安縣 (范鎔勤清堂記)地大而民衆。訟繁而賦廣。

(嚴安陵志)邑名淳安。其風非無存者。人物彬彬。代有其人。

(淳安縣志)土磽產薄。民貧俗愿。鎮之以無事。則易治也。

桐廬縣 (方輿勝覽)山嶮土磽。蠶桑是務。蒸茶割漆。以要商賈貿易之利。

(嚴陵志)多居山谷。地狹且瘠。穀食不足。仰給他縣。

(桐廬縣志)君子多輕世而傲獨。小人多勤生而務本。

遂安縣 (嚴陵志)僻居巖谷。附山依水。俗尚勤樸。少奇裘。

(遂安縣志)嫁尚粧資。高者至破產不計。卑者或勒索聘財。喪遵家禮。服制如儀。而崇尚醮事。張燈設食。飯闌黎羽士。費用不貲。服飾尚儉樸。近亦稍華焉。

壽昌縣 (嚴陵志)俗號輯陸。可以無事治。不可以多事理。

(壽昌縣志)邑介四山之中。地狹而瘠。民嗇而野。舟車不通。商賈不行。俗儉而易足。頗惑於鬼神。富豪多以華麗相尚。

分水縣 (嚴陵志)山多田少。水淺戶饒。地狹民稠。木炭紙茶之利。終歲所入。不足以給饗殮。三分之一。大率貿易販糶。仰賴他郡以爲生。

(分水縣志)人士雋良。多好文雅。喜誦讀。重功名。文武登雋。蟬聯不絕。

(分水縣志)崇象教。信鬼神。

(嚴州府志)男子既長。擇日而冠。拜天地祖宗父母。三加請戒之禮。不行久矣。女子于歸。始爲加笄。婚必擇門第相當者。以媒通之。女家卽以女之年庚書帖付之。爲允嗣。方納聘於女家。臨娶先數日。仍送羹飯禮。以便女家告祖娶之日。不親迎。盛張鼓樂。雜用傳席交杯諸儀。有卽日出拜公姑。亦有三朝拜者。喪大率用文公家禮。惟不用殮。不用布絞。墓多砌磚爲槨。不甚用浮屠。皆於旬日之內舉殯。先是受親友賻弔。葬畢。孝子服麻經。踵門謝之。祭以忌日。終身不廢。元旦必拜墓。清明日則掃墓。中元則祭於家。多用蔬食。下元亦有墓祭。皆習簡樸。不尙華麗。

(嚴州府志)元旦。味爽而興。設香燭。拜天地祖宗。男女成禮畢。親友互相賀歲。立春前一日。縣令迎青帝土牛於東郊。散春花。撒春豆。舂米。煎春餅。糕露臺。元宵。各張燈結棚。放花爆。和麵圓。薦先。更相賀食。新婦之家。設醴祭床。社日。各鄉爲牲醴。祭社神。以祈報。畢則飲福。清明。插柳於門。寢窳。陞人簪柳葉。展墓祀祖。立夏日。立夏粥。亦有饋送者。四月八日。作烏飯。端午。包角黍。餽節。懸艾虎。小兒佩壽源道符。門貼符篆。飲

菖蒲雄黃酒。六月六日曬衣曝書。七夕婦女設祭於庭。穿針乞巧。中元祭享祖先。亦有倩僧作談口法事者。社日各鄉設牲醴迎社神。閱笛中秋設尊罍以觀月華。燕飲至夜分乃止。重陽炊滋餅薦先飲茱萸酒。下元展墓冬至祭祖於家廟。相見稱賀。如元旦禮臘月二十四夜設果送寵。儺戲於街。除夕懸祖父遺像奉祀饋節。懸桃符祀竈。骨肉團圓而飲。坐以守歲。

(建德縣志)立春前一月。用家擊長秧鼓。

(桐廬縣志)二月十二日。俗傳以此日之晴雨。卜衆卉之豔否。不日花朝。備牲醴合祭先祖。謂之春祭。九月九日。有作角黍以相遺者。謂之重陽粽。

● 溫州

永嘉縣 (隋書地理志)少爭訟。尚歌舞。婦人勤於紡織。有夜浣紗而旦成布者。俗謂之鷄鳴布。

(元和郡縣志)永嘉蠶一年八熟。

(王十朋送葉秀序) 誼理之學。甲於東南。筆橫渠而口伊洛者。紛如也。取科第。登仕籍。多自此途出。

(王禕送顧仲明序) 永嘉東南名郡。山川峻清。偉人間出。號稱六藝文章之府。
(嘉靖浙江通志) 始東甌。王信鬼。故甌俗多敬鬼樂祠。

(甌江逸志) 東甌向稱沃壤。名小杭州。

(甌江逸志) 溫州自夏徂秋。常觀雲以候風。一日之間。風稍息。則雨大傾。雨稍霽。則風復作。謂之風癡。居民海賈。咸以爲憂。

(萬歷溫州府志) 永嘉尙禮文。重喪制。婦女無故不出戶庭。恥向官府。不行鬻於市。
(林汝詔遊雁蕩記) 東甌去浙遠。其間地僻民醇。城市清楚。人好修飾。

(舊浙江通志) 君子尙文。小人習於機巧。

(溫州府志) 土薄難藝。民以力勝。故地不宜桑。而織紉工。不產漆。而器用備。

(永嘉縣志) 晉立郡城。生齒日繁。土石軍導。以文教。謝康樂繼之。乃知向方。自是家

務爲學。至宋遂稱小鄒魯。

(永嘉縣志)其俗剽悍。其貨繼靡。其士風任氣而矜節。

樂清縣 (王十朋待士記)樂十服。誥書。勤職業。聖賢之是師。臭味之與游。謹門戶。

時祖稅。忍以省訟。慎以免禍。

(萬歷溫州府志)樂清多剛直。尙氣槩。

(樂清縣志)東甌限山阻海。而樂尤。土瘠竭力。稼穡僅支一歲。地多桑柘。女勤紡績。

瀕海之家。多藉魚鹽。

(樂清縣志)山水奇迥。仕多忠亮。剡靖之臣。校多宏介。孤正之士。民多磊落。俊特之者。

平陽縣 (萬歷溫州府志)平陽尙簡樸。不事爭鬪。

(平陽縣志)平陽瀕海。禮樂文物。至宋而盛。時陳經正兄弟。陳殖林湜諸君子。皆從游程朱之門。家洙泗而戶濂洛。學有淵源。名士相繼而顯。至今敦尙詩書。勤於教子。

義塾之設，殆遍閭里。

(平陽縣志)俗醇厚。尙樸素。男子務耕種。不事商賈。女子不尙刺繡。夏績苧。冬紡棉。晝夜無間。雖高門巨室。始齠之女。垂白之嫗。皆然。

瑞安縣 (陳傅良義學序)家務爲學。人務省事。其俗甚厚。

(萬歷溫州志)瑞安俗近永嘉。然尙儉約。

(瑞安縣志)恭叔篤行。水心正學。忠定如陳學士。正定如卓侍郎。道德文章。代有稱述。

秦順縣 (萬歷溫州府志)秦順俗視平陽更質。

(秦順縣志)秦居甌極西。山勢高下。大小有序。無刻峭頑怪狀。水清澈可鑒。而鮮奔潰。故風土溫。和。民質不戾。

(秦順縣志)土瘠民質。男耕女織。其俗有唐風蟋蟀之遺。民而秀者。齒讓相先。雖至貴不相假。弦誦之聲。居然小鄒魯也。

（溫州府志）民間久不行禘禮。惟士大夫家。間一行之。議婚。以男女生辰。互易卜算。名曰開合。卜筮既吉。媒妁通好。其納采。曰起帖。且禮儀外。多致紅箋茶果。以通知女氏。宗戚納幣。曰言定。備釵釧羊酒之屬。以白金代色。繪期請曰送日。納幣時。有未備者。此時補之。昏日。婦至門。未下車。婿揖婦者四。掃乃入門。交拜。拜舅姑畢。歸房合卺。三朝廟見。以女紅獻尊長。以次分送姻婭。有差喪大殮時。親鄰皆至。名曰送殮。喪家多備筵席。士大夫家。多用鼓樂。崇尚浮屠。多作佛事。葬。口親串來視。不具賻。臨衢多設路祭。主人受。卽以口餘餉客。閱三日。復祭於墓。標插紙球而歸。祠祭家。口禮俗節。及祖考忌辰。誕日。獻時食於寢室。或口口家堂。清明孟冬。則展祭於墓。終身不忍廢也。

（溫州府志）元旦。禮先。序拜尊長。畢。出謁親族鄰里。或留飲。月朔至五日。謂之節假。立春。口燒糧葉。口爆竹。啖饅頭。羹茗。以宣達揚氣。名曰煨春。端午。各鄉俱操龍舟。競渡。新年賽願。七夕。以綵縷穿針。陸瓜果。以乞巧。臘月二十四日前。掃塵淨宇。迨此夕。

則祀竈。鳴爆竹。謂之交年。

(平陽縣志)上元。通衢上結竹棚。掛綵。夜間懸各色花燈。放花砲。裝鰲山。廟宇尤盛。近多滾龍獅子。沿門口賀。七夕作巧食以啖。以巧食擲屋脊上。謂雀舍此口。橋以使牛女相會。是夕羣兒取瓦片敲擊。以慶其會。

● 處州

麗水縣 (王禕少微倡和集序)州在浙東。最左僻。其土俗簡以質。其田賦薄以寡。自昔易爲。

(陳希點勸儲倉記)括蒼負山爲郡。土田瘠薄。泝溪而西。幾二百里。爲邑曰龍泉。其地與閩接。平時小民。重本力穡。僅僅自足。然非舟車走集之便。稍遇旱澇。則移粟告糴於地邦者。倍費事力。

(崇禎處州府志)躬儉嗇。尙樸素。

(崇禎處州府志)其地多山少田。勤於樹藝。而衣食自足。安土重遷。雖貧不至鬻子。

女。但信鬼尙巫。雖士大夫家亦不免。

(麗水縣志)俗尙儉嗇。人重本業。守禮奉公。頗稱易治。

青田縣 (劉基湖山義塾記)士多俊彥。室常殷阜。

(宋濂縣學記)素稱文華之邦。聲猷相尙。

(青田縣志)俗尙簡朴。衣用大布。飲食不貴異物。貧士帶經而鋤。里巷市廛。所至輒聞讀書聲。

縉雲縣 (崇禎處州志)自郡守李蕃興學之後。家習儒業。

(楊億與章廷評書)獄訟甚稀。賦輸素辦。

(宋濂樹萱堂記)躬服儉素。弗憚勤勞。

(括蒼彙記)道當甌婺之衝。疲於陸運。拮据樹藝。豐年僅資俯仰。

(縉雲縣志)士厲廉隅。俗尙儉節。庶幾太古之遺。力田敦行。敬業樂羣。士風閭操。爲十邑最。

松陽縣 (程愉松陽縣經界記) 邑號樂土。閭井周聯。風俗淳厚。以賦入後期爲恥。
(松陽縣志) 人崇信義。家置祭田。地無他業。一意力本。磽确之區。蓄洩及時。始有秋
男女盡力於耕織。安土重遷。儒雅以儉嗇自持。

遂昌縣 (古栝遺芳) 遂昌雖山邑。詩書之輩。後先相望。其間或以名節著。或以經
學聞。在山澤有韜晦。而閭閻有孝義。

(遂昌縣志) 民甘儉約。而勤耕讀。士崇禮義。而尙儒雅。古稱好訟而喜鬪。今殆庶幾。
(遂昌縣志) 崇禮甘儉。不尙浮屠。各建家祠。有古立宗法。崇祭祀之意。人文彬起。禮
讓成俗。而好氣。夙習稍衰。

龍泉縣 (崇禎處州府志) 民力耕種。尙儉嗇。商旅憚於遠出。貿遷不越鄰封。積書
教子。宦業相望。

(龍泉縣志) 平居里巷。絃誦相聞。重本力穡。僅僅自足。其土操觚較藝。好學而尙文。
其農則火田粒食力。勤而尙儉。

慶元縣 (崇禎處州府志) 地僻民樸。舟楫不通。市無商賈。耕讀之外。無餘事。士守名節。婦不外見。敦詩書。飭廉隅。安土重遷。寧變產輸。將不忍受辱。事非切己。不至公庭。

(慶元縣志) 敦讓厚別。號爲易治。近矜尙服物。轉薄文藝。無一登鄉薦者。

雲和縣 (崇禎處州府志) 山多田少。土瘠民貧。俗儉嗇。尙樸素。李鄴侯興學以後。儒業文風漸盛。

(崇禎處州府志) 質實浮靡。彼此相半。

(雲和縣志) 俗敦廉恥。尙節概。力耕勤織。衣食聊足自給。惟工藝貿易。悉資外販。故流移僑居者十六。

宣平縣 (王深源通遷渡記) 宣慈土壤衍沃。民物富庶。商旅肩踵相摩屬。

(崇禎處州府志) 俗本古樸。始以坑冶致患。民習不淳。繼乃崇儉務本。漸異於舊。

(宣平縣志) 民多惑於浮屠。而訟訐求勝。夙習猶有存者。

景寧縣（崇禎處州府志）山谷遐阻商賈罕集人惟力田務穡爭訟鮮少士務禮讓。自昔記之。

（景寧縣志）頗習靡麗禮讓未興。山居樸魯猶爲近古。

（處州府志）重迎親禮。姻婭皆肅衣冠。陪婿至門。奠雁禮甚整。聘遣宴賀。從儉喪禮。不事觀飾。不舉音樂。親朋賻贈。厚意猶存。歲春秋聚族合祭其祖於家廟。生辰忌日。各祭於家。新歲寒食祭於墓。雖極貧不敢弛。

（處州府志）元日。姻里交賀。家折柏枝。肖鳳形。繫橘柿於中。俗呼百事吉。懸中堂上。元節。市巷皆懸燈神廟。競列古銅器名畫。以比賽於通衢。迎春日。士女皆出觀。各坊以童子粧像。古人故事。皆乘牛。以應土牛之令。五日爲角黍。懸蒲艾。鄉都各造龍舟。競渡。士女泛舟觀游。八月望日。大潮至清溪門。女子着淡素衣。於門外浣手。徘徊江月。以當祓除之意。至日。家爲小火。乘調以薑糖。祀其先。家人共相勸食。爲延年之祀。臘盡餽脯栗。相酬酢。除夕。用粉蒸糕。設饌爲分歲飲。親朋更相邀致。以敦款好。

中華全國風俗志 ● 上篇卷三 ● 浙江



中華全國風俗志 上篇卷四

▲福建一

●總志

風俗之殊。厥與政通。陰陽寒暑之所布。濩。山川燥濕之所融。結。五土異宜。此繫於天者也。上導之則爲風。下被之則爲俗。此從乎人者也。閩地煥多寒少。氣候中和。上而建劍之溪。湍下而泉莆之潮漲。蒸爲風氣。大率民性柔緩。尙文雅而習華靡。土瘠民勞。善心易生。其大較也。千百年來。常袞蔡襄之所鼓舞。楊龜山朱考亭之所轉移。文教漸摩。海濱鄒魯。論者謂治世豐年。氣象休暇。習尙高於齊晉。是本培化原者之整齊而畫一之而已。我國家同風一道。惠此方民。重臣觀風整俗。輜軒所臨。捷如偃草。比年蒸蒸丕變。協於蕩平。豈非從違好惡。臯制其衷。畢雨箕風。民從其好者歟。遠稽前史所稱者如彼。近驗當今所樹者如此。他日省方問俗。太師陳詩。當與江沱漢廣。歌南國而臻上理。不其懋乎。

隋書地理志云。豫章之俗。君子善居室。小人重稼穡。建安俗頗同豫章。按隋建安郡。卽今八閩地也。

宋史地理志云。民安土樂業。川原浸灌。田疇膏沃。無凶年之憂。嚮學喜誦。好爲文辭。信鬼神。祠重浮屠之教。土地偪陬。生籍繁夥。雖磽确之地。耕耨殆盡。畝直寔貴。故多田訟。

元貢師泰送李尙書序云。終歲勤勤。僅足給食。

● 福州

晉郭璞遷城銘云。遇兵不饑。遇荒不掠。遇災不染。

圖經云。其俗儉嗇。爭者喜訟。病者好巫。晉永嘉中。衣冠多趨閩。自是畏亂。無復仕者。神龍中。州人薛令之始登上第。其後李椅常袞。皆以崇重學校爲意。於時海濱幾及洙泗。女率作同於男。

本志云。由建劍溪湍而下。泉莆潮漲而上。適至是而平。民生其間。其性舒緩。

閩中記云。產懼薄而勤。羨用喜嗇而實華。自晉宋文雅以來。教化丕變。家庠序而人詩書。君子外魯內文。小民謹事畏法。民以魚鹽爲生。

長樂志云。土瘠民稠。男勤耕讀。女尙蠶織。濱海者事漁釣。附山者爲工商。

劉克莊陳公生祠記云。福清土瘠。物貨不產。商賈靡至。君子多業詩書。細民多執工藝。其俗勁悍。喜爭健訟。爲諸邑冠。

林俊福清城門記云。福清吻海背江。風潮簸曩。山秃楮乏。林木石離離。骨豎人鍾之。忠特奇峭。次亦凝重自立。

林畔連江貢士莊記云。地瘠民貧。

連江縣志云。習用儉約。人多尙義。治喪不用浮屠。

羅源志云。邑初湫隘。人物寂寞。紹興中。邑令陳偁遷之後。髦士輩出。細民亦知向學。民淳訟簡。敦尙本業。

宋古田令陳昌期學記云。邑人貴巫尙鬼。景德間李堪令邑。祭革巫鬼。民始識仁義。

禮樂知教化。

古田志云。民俗鄙樸。頗好評訟。

元吳海送鄭訓導序云。古田本昔提封之廣。居民之衆。邑里之華。文物之盛。蓋彬彬焉。

宋常挺閩清貢士莊增田記云。家相率而學。人相率而善。

閩清志云。男耕女織。民不侈靡。

宋永福令黃子理玩芳亭記云。山居之民。終身不知車馬。馳驟之逸。火鑿水耕。巖鋤隴蒔。

林岳虛心堂記云。簪纓星羅。絃誦風行。髻亂有文。農工知義。易治而難服。

何喬遠閩書云。福州閩中一都會。西北控甌劍。東南負大海。氣候烜燠。田每歲兩穫。魚鹽果實。紡織之利頗饒。其俗尙文貴節。君子樸而守禮。嫻於文辭。小人謹而畏法。雖負販之夫。相逢衢道。舉手若揖讓。長樂濱海。有魚鹽之利。山多果實。俗儉而用。

足辨貴賤。序長幼。有古遺風。福清背山面海。多瀉鹵。有海舶之利。其人剛勁尙氣。多行賈於四方。以其財饒他邑。連江亦有山海之利。鮮厚貲。其民舒緩而用儉。羅源抗負巖巒。襟帶陂澤。邑居嵐氣如飶。民山耕海漁。僅足自給。俗少文而易治。古田舊曰山洞。陰籌邃壑。嵐氣至午乃霽。地瘠難以蓄衆。壯者多傭於四方。閩清山田引泉注之。歲收多入。俗務稼穡而篤於事鬼。永福氣候風俗與古田同。閩清亦信鬼而悍剽。

●興化

本志云。梁陳以來。已有鄭露書堂。及唐貞元時。林藻伯仲因之肄業。歐陽詹來自泉山原。其所倡儒風不在常袞入閩之後。唐僧涅槃讖云。此地永不動干戈。宋黃公度學記云。莆田文物之邦。自常袞入閩之後。延禮英俊。儒風大振。僻在南隅。而習俗好尙。有東州齊魯遺風。

宋陳俊卿對高宗語云。家貧子讀書。

陳俊卿貢院記云。莆介於泉福之間。市廛戶版。不能五之一。而秀特多。

宋游醜通判題名記云。比屋業儒。號衣冠盛族。至今公卿相望。

本志云。詩書禮樂。爲八閩之甲。莆之科目。肇於唐。盛於宋。又盛於明。每科與試者。

視閩居半。與計偕者。視解額。恆得三之一。祖孫父子。兄弟叔姪。登科第者。先後接踵。

科目得人之盛。天下罕儷。產薄而用儉。吉凶之需。稱家有無。

宋陳讜道慶堂記云。莆中三邑。仙遊爲壯。邑有四民。士風爲盛。士風盛。故巨室多。

陳堯通楊公塘記云。仙溪民樸俗淳。去末就本。相安壟畝中。熙熙如也。

何喬遠閩書云。壺山蘭水。映帶秀發。故其人好禮而脩文。士相矜以名節。布韋蓬

藿。莫不願化。老生儒宿。出而授經。近地步趨。坐立造次。不失下。至灑削賣漿者。流無

敢岸幘科頭行衢道。貧家觴豆數行。秩秩有序。呶唔之聲。比屋相聞。仙邑倚山。田

頗足自資。而少出門。

● 泉州

宋王十朋止訟文云。泉在七閩之中。民淳訟簡。素號易治。

圖經云。瀕海者恃魚鹽爲命。依山者以桑麻爲業。大抵皆崇儉朴。好佛法。重婚姻。喪祭以儉薄爲恥。宋張闡曰。泉之爲郡。風俗淳厚。其人樂善。素號佛國。

曹脩睦建學表云。地推多士。素習詩書。

宋志云。愛身畏法。崇遜恥爭。儒者安於閩里。以漂泊爲病。仕者守其塗轍。以奔競爲羞。木少桑柘。婦罕蠶織。冬無冰雪。或不御棉。

明陳叔剛重建夫子廟碑記云。南安去郡治最近。號稱劇邑。深仁厚澤之所甄陶者。六十餘年。百里之間。絃誦相聞。

陣安國儒學記云。惠安瀕海。地瘠民貧。

元林泉生大同書院記云。同安多古碑。凡朱子所撰述者。邑人咸能成誦。彼豈爲虛敬哉。

黃銳安溪縣詩云。掌地也成田。

何喬遠閩書云。泉州枕山負海。有荔枝龍眼之利。魚蝦螺蛤。多於羹稻。懸島絕嶼。以網罟爲耕耘。附山之民。墾闢磽确。植蔗煮糖。地狹人稠。仰粟於外。百百技藝。敏而善做。北土緹縑。西番毳罽。莫不能成。婦人芒屨。負擔與男子雜作。其君子無造次辨麗之智。其小人帖帖愿謹。自取衣食。南安土壤滋沃。宜瓜果。其人質率。尙意氣。惠安地少壤多。稻麥番薯。可以支歲。辟纊織苧。有葛屨之風。村落慶弔。用布帛牲穀爲禮。其君子忠信。其小人儉畏而任慤。同安朱子之所過化。其君子勵節而小人任天。安溪山水清激。其士慊慊。山故產鐵。五方民衣食其中。亦能耗穀而叢警。

● 漳州

宋傅自得道院記云。其民務本。不事末作。

陳淳北溪集云。此間民俗大概質朴謹畏。然其間亦有奸雄健訟。爲善良之梗。使不獲安息者。俗尙淫祀。多以他邦非鬼立廟。此邦陋俗。常於秋收之後。優人互湊。

諸鄉保作淫戲。及弄傀儡。

宋郭祥正淨衆寺法堂記云。閩之八州。漳最在南。民有田以耕。紡苧爲布。弗逼於衣食。樂善遠罪。非七州之比。

本志云。敦尙質朴。務業者多。健訟者少。其民輕死易發。

明王禕詩。文物如鄒魯。奢僭仍民俗。

本志云。民間婚姻。男家務爲觀美。女家極力以求稱之。侈靡無節。親舊之葬。或設祖祭。數月營辦。務求珍異。不計財費。喪家則盛筵席以待之。競爲豐侈。

龍溪記云。業農者近郭之民。業魚者瀕海之民。

宋卓尊爲趙師縉漳浦縣蠲役記云。俗厚訟稀。

南靖志云。其地氣候多澳。田一歲兩熟。苧一歲三收。男力耕稼。女勤紡織。

長泰志云。邑與龍溪相識。地僻人稀。民勤耕織。不好華麗。不事商賈。

何喬遠閩書云。閩中諸郡。惟漳爲剽悍。外發憤翫讎。內實畏法而懼罪。族大之家。多

入海貿易。散之他郡。其君子彬彬有文。翩然意氣。而多自喜於千秋之業。漳浦。其民殷庶。士嫻文辭。海澄有番舶之饒。行者入海。居者附貲。或得窶子棄兒。撫如已出。長使通夷。其存亡無所患苦。長泰爲漳肘腋。市巷四民。率岸幘羣處。

● 延平

本志云。民儉嗇而頗尙氣義。質直而不爲奸詐。家樂教子。五步一塾。十步一庠。朝誦暮絃。洋洋盈耳。楊文靖羅文質李文靖朱文公四先生。倡明道學。稱爲鄒魯之邦。諸儒講道明義。遺風餘教。猶未泯。

劍浦記云。以耕織爲生。

順昌記云。士以詩書相勸。民以耕桑爲務。小民畏刑而寡詞訟。

將樂志云。尙氣而輕生。嫁娶多過平奢。而喪葬則未盡乎禮。民重去鄉井。

沙縣志云。商賈工技之流。視他邑爲多。

尤溪志云。民鮮商賈。

永安縣志云。土壤肥饒。民俗輕剽。

何喬遠閩書云。延平山川清明挺秀。恆燠少寒。地多險阻。田宜稻。山宜茶。民憚遠出。爲商賈。無他役作。而勤於耕耨。女雖至貧。紡績不出戶。是以不至饑乏。而亦無千金之蓄。其君子無脂韋之習。其小人撲嗇不敢爲非。順昌介東廣之衝。溪山秀麗。煮竹爲紙。賦稅之人。待追呼。橋梁道路。勞力費財。而無斬心。將樂巖岫磊砢。溪流清泚。鄉有苧布之利。其民多技而好勝。喜於爲商。沙縣居延上游。其民儉朴。力作吝財。以含忍勝人。文學之外。習伎藝。精繪事。尤溪萬山之中。土瘠收薄。民多負氣。剽悍。有巫師之傳。習爲符咒。永安巉巖峭壁。俗視他邑爲輕剽。近乎沙者。文而驪。折於尤者。朴而頑。民習技巧。

● 建寧

建安志云。自五代亂離。江北士大夫豪商巨賈。多逃難於此。故備五方之俗。處市井者。尙侈而好浮。居田里者。勤身而樂業。尙氣而喜節。易鬪而輕生。君子勇於爲善。

小人敢於爲惡。

宋韓元吉記云。其民之秀者狎於文。家有詩書。戶藏法律。賦其厲氣者。亦悍以勁。本志云。秀士狎文辭。重清議。百姓畏官府。男女別途。各勤其身。

盛均序云。民獠黠而易隨。

建安集云。農力甚勤。桑麻被隴。茶笋連山。土風差勝。

朱行中詩云。水無涓滴不爲用。山到崔嵬猶力耕。

本志云。自朱文公倡道東南。彬彬然道義之鄉。擢科第。登館閣者輩出。居畎畝處閭里者。絃誦之聲相聞。貧富不相資。貴賤不相等。華門圭竇之士。皆能挾族譜以推流品。

崇安志云。民多悍戾。罕尙文藝。自唐李頻爲建州刺史。以禮法治下民。始知文雅。至宋胡文定。劉屏山。朱考亭。諸公繼出。詩書禮樂之盛。幾於洙泗。浦城志云。士頗以名節自勵。

松溪志云。土風淳朴。人性儉約。地瘠民貧。男務耕稼。女勤織紉。不事商賈末技。何喬遠閩書云。建寧居閩上游。山峻水激。盤行迴鬱。無倒漢瀉領之勢。朱子悅而居之。其人之美者。尙氣而有節。其弊也。狷隘。趨急。無委蛇之風。其小民忿怒叫囂。輕生樂鬪。市井浮侈。比於杭州。建陽朱子之鄉。士子侈談文公書坊之書。盛天下。茶每歲三收。苧每歲四收。崇安爲建巖邑。士敦慤。民少經商。浦城介閩浙間。其地寡田。士彬彬爲禮讓。民勤耕織。以畜力致富。不煩催科。松溪寒不墜指。暑不蒸人。其民龐儉。商賈有恆業。政和爲建下邑。其田開雲而倚山。其俗勤而儉朴。而近古。無豪家大姓。陵鑠細民。又云。建寧俗多溺女。不愛惜。春菡縑從。悉絕其配合。民有白首爲鰥寡者。一有緩急。兒女滿膝之婦。去之不願。貧婦夫死未幾。卽嫁。且贅云云。附載於此。後人或知所警云。

●邵武

晉書地理志云。其俗剛烈峻整。其民尙氣鯁直。

晉郡縣志云。信鬼好祠俗罕延醫。

本志云。人性獷直尙氣。治生勤儉。力農重穀。頗好儒。所至村落。皆聚徒教授。有古之遺意。儒雅樂善。輕齋健往。西山得道南之緒。而考亭師友。則蒙谷台溪雲巖月洲理學淵源。上接伊雒。比屋弦誦之聲。洋洋盈耳。當時號小鄒魯。嫁娶尙門地。喪祭用古禮。地狹山多。民隨山高下而田之。高不懼澇。下不懼旱。故無大饑歲。閭巷貧民。未嘗爲富家所驅使吞併。或遇饑歲。貧者視富者出粟爲當然。富人亦往往應之不拒。

元黃鎮成眞率約序云。邵武山川清峻。俗尙簡易。文書省約。無珥筆之風。使傳稀少。無刮蹄之轍。

光澤縣志云。人性獷直。俗尙朴素。男耕女織。嗇用寡好。不樂行商。而生理鮮薄。其於華藻之事。泊如也。

宋樵樓記云。其俗務生。力耕鑿。間崇尙儒術。

建寧縣志云。山厲水刻。故人剛烈而峻整。君子則尙志力學。有遜順之風。小人則
狃鬧喜勝。有獷暴之氣。山多田少。人無甚貧富。故俗安於朴素。而不事華靡。重
送終之禮。雖貧者亦不肯火葬。

沿革記云。邑介汀邵間。去郡城最遠。土俗剛獷。民易動難安。調馭有方。則怡然聽命。
秦寧縣志云。獷直尙氣。少爲商賈。耕織自給。不爲浮華。

宋葉祖洽改縣名記云。邵武四縣。惟秦寧最僻。不與四方商旅交。故習俗淳厚。處
深山窮谷之間。有林泉魚稻之樂。人自足用。無所外求。比屋連牆。弦誦之聲相聞。
有不談詩書者。輿談笑之。

何喬遠閩書云。邵武縣與光泰二邑。皆力田樹藝。鮮商賈。商賈亦不至。地狹民衆。財
源鮮薄。其俗纖儉。安於食稻而茹蔬。建寧土地膏腴。專有魚杉油漆苧麻之利。以
通商賈。郊於建昌。染爲奢俗。其諺曰。千金之家。三遭婚娶。而空百金之家。十遭宴賓
而亡。

● 汀州

宋陳一新瞻學田碑云。風聲氣習。頗類中州。

圖志云。氣剛憤而好鬪。心褊逼而淺中。

本志云。島居者安魚鹽之利。山居者任耕織之勞。

元志云。君子質直好義。而恬於進取。小人原慤少文。而安於勤勞。

寧化縣志云。男力稼穡。而不爲商賈。女業麻苧。而少事蠶桑。勇悍輕生。

清流縣志云。民頗健訟。

歸化縣志云。專好浮屠。罕尙文藝。尙質好儉。輕訟易爭。

連城縣志云。土壤磽瘠。人民貧嗇。

上杭縣志云。奢侈日滋。詞訟日熾。

武平縣志云。專事師巫。不任醫藥。尙武少文。

永定縣志云。貧者栽山種畚。而鮮行乞於市。

何喬遠閩書云汀州士知讀書進取。民安稼穡。少營商賈。富家守禾畝。貧夫力山畚。僕隸下人。各治生業。屢無行貨之婦。衢少伏地之丐。室無怨曠。其子女不鬻他鄉。奢汰不競。兇訟少聞。寧化居汀上游。田疇鱗次。草木綿蔚。男耕女織。人物富庶。而氣性剛愎。清流山高。引泉代汲。激湍代舂。民樂農圃。偏竹爲蔽。闔市無遊女。宦遊人語曰。清流爲縣。家懸竹片。任官數載。莫覩闔面。民趨健者。多刺船建劍汀邵間。歸化質直好儉。力耕種。重遷移。民至貧餒。不敢爲非。連城土瘠。民貧。工務勤勞。女安儉朴。民多入他郡治版築。上杭士子勤學問。衣冠文物。頗類大邦。百貨俱有。武平山峻地僻。人多武勇。永定僻壤。山峻水駛。其人樸愿少文。崇尚廉恥。士甘自守。其俗弔死問疾。有相關之誼。然頗悍勇。輕生喜鬪。

● 福寧

本志云。漢晉以來。俗尙樸素。自唐林嵩擢高科。爲一邑倡。厥後文人才士。彬彬輩出。附山者務農桑。瀕海者業海鹽。喪葬尙浮屠。嫁娶不親迎。

福安縣志云。其民習尚不同。侈儉相半。

寧德縣志云。俗尚頗淳。士習詩書。農力稼穡。

何喬遠閩書云。東南際海。西北依山。魚鹽螺蛤之屬。不賈而集。雖荒歲不饑。其俗樸而專。和而靜。其士務於文。厚於質。仕者尚廉恥。宦歸率多空囊。福安男女安耕織。兄弟不相離。士民淳尚力作。無浮靡之習。婚嫁稱家。不相求備。壽寧縣志云。地山高水寒。宜稻而不宜桑麻。民多務本。少逐末。知節儉而簡於禮義。一失其平。叫呼四出。折之以理。忿怒亦銷。

● 臺灣

舊省志云。台灣僻在東南隅。地勢最下。四面皆海。氣候與內地不同。燠多於寒。秋冬無霜雪。土番窮戶。無衣褐亦可卒歲。春秋多旱潦。田每歲不能再熟。其民男多女少。匹夫猝難得婦。俗喜賭博。婚姻論財。不計門戶。務農者多。逐末者少。無久停親。柩無永錮婢女。地宜五穀。邇來士知讀書。民務稼穡。漳泉子弟視爲樂土。相率而往。

者。歲數千人。全臺土俗。皆以檳榔爲禮。

臺灣縣志云。臺地狹窄。其民多勞。商賈百工。各事其業。澎湖之人。以海爲田。以漁爲利。以舟楫網罟爲生。布帛菽粟。取資於臺。出作入息。婦女共之。其民多朴。男有耕而女無織。以刺繡爲工。俗尙華侈。衣服悉用綾羅。

鳳山縣志云。台郡古荒遠地。聚廬托處。皆泉漳之人。或自福興惠潮而來者。平原沃野。有竹木果植之饒。濱海溪渠。萃魚鹽蜃蛤之利。服賈則用舟楫。任載必需車牛。歲不再收。濟以麻菽。農無火耕水耨之瘁。商有冰紈氈裘之華。由縣治南至金荆潭。稍近喬野。自淡水溪以南。番漢雜居。容莊尤夥。好事者輕生健訟。輕鬪。

諸羅縣志云。衣服侈僭。婚娶論財。豪飲呼盧。好巫信鬼。土著旣鮮。流寓者視同井。猶骨肉。疾病死喪相恤。貧無歸者。集衆捐囊助之。雖慳者猶畏譏議。

何喬遠閩書云。東番夷不知所自始。居澎湖外洋海島中。起魴港。加考灣。打狗嶼。小淡水。奴溪口。加哩林沙巴里。大幫坑。皆其居也。斷續千餘里。種類甚蕃。別爲社。社或

千人。或五六百人。無酋長。雄者聽其號令。性好勇喜鬪。晝夜習走。足皮厚。繭履棘刺。如平地。速不後奔。馬有隙鄰社相爭。期而後鬥。相殺傷。次日卽解怨。往來如初。地多暖。無水田。治畚種木。禾熟拔其穗。粒米比中華稍長。採苦草。雜釀爲酒。間有佳者。男婦雜作。女常勞。男常逸。有盜賊則嚴剔之。戮於社。夜門不閉。禾積場。無敢竊者。人精用鏢。長五尺有咫。山多鹿。冬時合圍捕之。獲若邱陵。始皆聚居海濱。明嘉靖末。遭倭焚掠。乃避居山。始通中國。漳泉人充龍烈嶼諸灣。譯其語與貿易。今則日盛。（按喬遠時無台灣。所紀卽今台灣俗。故附於此。）

連山陳第曰。東番從烈嶼諸灣。乘北風航海。一晝夜。可至澎湖。又一晝夜。可至考台灣。其俗海而不漁。窮年捕鹿。鹿亦不竭。無曆日書契。其民雜居而不鬪。相生相養。飽食嬉遊。于于衍衍。其無懷葛天之遺乎。

● 永春

本志云。民樸魯而少文。顯確而鮮僞。知自愛而重犯法。

本州崇山峻嶺。土沃泉膏。其君子文而小人朴。蓬壺覆鼎以西。其人悍武。遇患難。提戈赴鬪。有燕趙之風。德化處萬山中。氣鬱嵐深。男勤稼穡。女專織績。有杉木之饒。陶型之器。亞於饒九。大田重山外盤。中多平衍。有苧麻之利。近尤之民質而鄙。近漳之民健而侈。士尙節義。專詩書。民安本業。

● 龍巖

宋朱熹學記云。龍巖爲縣。斗僻介於兩越之間。俗故窮陋。

本志云。邑處郡西北之極壤。山峻水險。舟楫不通。商賈不行。

漳平志云。山畚多陸田。舟楫不通。商賈罕至。其民朴吝。自業農桑。以足衣食而已。甯洋山邑也。簡而僻。

▲ 福建二

● 總志

唐虞之世。黎民敏德。於變時雍。尙已。夏忠商質。成周彌文。漸民之具。日以明備。猶時命太史采稽風謠。小行人察四方禮俗。康樂厄貧。以鏡得失。延及二漢。禮樂雖微。尙敦素樸。重清議。砥名於家。雖顛躓不悔。教化立而萬民正。其是之謂歟。閩介遐邀。漢晉以前。爲禮樂聲名所未及。迄於唐宋。上多良吏。宣鬯義理。下得數大賢。宏闡至道。於是士君子卓然與鄒魯同風。匡稴圭曰。公卿大夫恭讓。則民不爭。好仁則民不恭。上義而高節。則民興行。習尙之道。有與推移。自然之驗也。然物衆地大。其在險隘阻深。耳目聾聞。犷悍之倫。往往多有。爰至近代。海隅卉服。罔不俾乂。逃矣東甯。亦霑聲教。越今百有餘年。遷革摩揉。凡嚮所謂言語不通。嗜欲不同者。皆寢寢乎三代之民也。豈不盛哉。因廣野。蔓舉前志之未備。而附益以歲時氣候雜俗焉。

漢書嚴助傳。越方外之地。其民絛力薄材。習於水鬪。便於用舟。

三國志。晉永嘉二年。中州衣冠入閩者八族。以中原多事。畏難懷居。無復北嚮。故六

朝仕宦名蹟。鮮有聞者。

唐十道志。閩中嗜欲衣服。別是一方。

韓昌黎集。閩越地肥。衍有山泉禽魚之樂。雖有長材秀民。與上國齒者。未嘗肯出仕。常袞爲觀察使。時未幾。教化翕然。

閩小記。閩中壤狹。田少。山麓皆治爲隴畝。昔人所謂磳田也。（山田卽俗云梯田）

●福州

宋三山志。民生其間。其質紆緩。強力。可以久安無憂。

萬歷府志。俗尙文詞。貴節操。多故家世族。君子樸而守禮。小人謹而畏法。宋諸儒

倡濂洛之學。號海濱鄒魯。

宋呂祖謙治城詩。路逢十客九青衿。半是同袍舊弟兄。最憶市橋燈火盡。巷南巷北讀書聲。陳植福州詩。行到人家盡讀書。

明曾異撰。閩俗病癩。雖至親亦懼傳染。不相顧問。死亦不發喪。府志。俗稱瘟鬼曰大

帝設像五。皆猙獰可畏。過其前者。屏息不敢諦視。又傳五月五日爲神生日。前後月餘。演劇各廟。無虛日。或疫氣流染。則社民爭出金錢。延巫祈禱。康熙三十九年。知府遲維城毀其廟。民再祀者罪之。卒未逾時。而廟貌巍然。且增至十餘處。閩中多淫祀。此其尤甚者。

長樂縣志。民儉樸自守。比戶詩書。近海之民。走海如鶩。南鄉之民多柔。北鄉之民多悍。市無雕巧之工。鄉有再熟之稻。

五雜組。長邑雖海濱。椎魯而士大夫禮法。甲於他郡。市者不飾價。男女別於途。福清縣志。地廣土瘠。人儉樸。習詩書。與耕織魚鹽之業相間。士重廉恥。女秉貞懿。獨尙氣健訟。夙習未革。

連江縣志。婚媾嚴非偶。喪服遵家禮。士大夫廉隅自飭。無累於有司。羅源縣志。士尙儒雅。

宋陳昌期古田學記。邑人貴巫尙鬼。景德間。令李堪禁革巫鬼。民始識禮義。知教化。

明吳海序。古田在昔提封之廣。居民之衆。里邑之華。文物之盛。蓋彬彬焉。古田縣志。民務稼穡。鮮逐末之利。

屏南縣志。食勤。畜用。率直尙氣。

宋常挺。閩清縣貢士。莊記。家相率而學。人相率而善。

閩清縣志。男耕女織。民不侈靡。

永福縣志。邑居萬山之中。種菁蒔蔗。伐山採木。其利乃倍於田。君子重名節。而薄聲利。小人男耕女織。山谷之中。有至老不入城市者。

●興化

唐獨孤及廟碑。比屋業儒。俊造如林。

明統志。詩書爲八閩之甲。

宏治府志。舊習儉嗇勤力。衣服古樸。重廉恥。惜行檢。以讀書爲故業。

莆田縣志。士大夫質行醇謹。以風節相高。居第先營祠廟。世業讓諸弟。昆。仕路無媒。

拘守常調。

明鄭紀送仙遊令萬廷器序。吾邑有宋盛時。文物衣冠。八閩稱省。

● 泉州

唐十道志。清源郡秦漢土地。與長樂同。晉南渡。衣冠族多萃其地。

宋鄭俠西塘集。維平海之大州。爲七閩之都會。土疆差廣。齒籍至繁。民業不豐。里俗喜訟。塵肆雜四方之俗。航海皆異國之商。

閩大紀。泉民尙氣好勝。宦門子弟。紈綺相高。近時科目。甲諸閩。士大夫以名節自重。所屬縣風習不殊。人文自晉江外推三安。

明蔡清集。吾泉素稱民淳。訟簡。比年以來。舊俗浸改。訟牒動以數百計。閩部疏。泉郡山薄無泉。田中多置井。立石如表。轆水而灌之。

莊際昌集。詩書絃誦之風。達於七邑。

京省考。比屋絃誦。人文爲閩最。地利沃阜。

隆慶府志家詩書而戶業學。卽卑微貧賤之極。亦以子弟知讀書爲榮。故冠裳之士。往往發自寒薄。

萬歷府志。封疆迫隘。物產礪瘠。桑蠶不登於筐。田畝不足於耕耘。惟魚蝦蠃蛤之利稍饒。居喪廣致親賓。饗胙不厭醉飽。郭璞葬經。遞相肄習。苟冀眠牛白鶴之祥。急則牙角交搆。緩則歲月遷延。胼膺多力之雄。如彪如虎。十百爲羣。豪家脩怨。用爲前茅。以快宿憤。

府志。瀕海之民。以魚鹽爲業。而射贏漁息。轉貿四方。估人高帆健艣。出沒風濤。習而安之。更有一二無賴之徒。乘人逆風。破艦而攘其所有者。鄉民聚族而居。尙氣爭雄。長。怨。則率族人持械相格。

李光縉景璧集。晉江一都會也。俗好儒。備於禮。民儉嗇畏罪。而矜懽好勝。喜爭訟。蔡清集。南安多深山峻嶺。地可耕者。不能三之一。

南安縣志。民勤苦力作。行賈不出鄉。

明張岳惠安縣志。水耕火耨。伐山爲業。人知力學。科目日盛。學者談道理。考古文辭。不專爲時文以應舉。民俗愛惜廉恥。畏法度。衣服儉素。吉凶慶弔。以布帛牲畜五穀相餽遺。俗務鬼。信祿祥小數。窮鄉無醫藥。病則禱於神。

明王慎中集。同安之俗。以雄長俠武相誇尙。囂訐健鬪。

隆慶府志。同安自朱子主簿以來。禮義風行。習風淳厚。士以氣節自勵。其民亦守分。男力稼穡。女勤積紡。

萬歷府志。同安縣絃誦之聲四達。科第近埒晉邑。其迤西近漳者。性頗悍勁。

鄞一相縣志序。同安重力。尙經術。禮不辭費。舉近於義。視他邑俗稱良。文勝而利巧。

同安縣志。濱海之區。四達交衝。游手攘臂之徒。結要約。立門戶。胥役兵丁。互張聲勢。良民反受其毒。

五代詹敦仁初建安溪縣志。土沃而人稠。風淳而俗樸。

宋嘉定條例。民之有喪。富者修費而違禮。貧者火化而傷生。陳宓惠民局記。俗信巫尙鬼。

隆慶府志。安溪西北。民附谷以居。風氣柔而不悍。近縣彬彬業儒。民樹藝之外。百無能解。商賈百工。藝業咸遠人擅之。以有其利。何喬遠縣志。民食鹽鐵之利。

● 漳州

宋綦崇禮傳。俗悍強難治。

朱子諭民教。龍溪諸邑。風俗醇厚。或事非干己。而出於把持告訐之私。或詞涉虛妄。而肆爲詭名匿跡之計。此邦之俗。有所謂管顧者。本非妻妾。而公然同室。有所謂逃叛者。不待媒聘。而潛相奔誘。明萬曆府志序。擁臯而談性命之學。擲管而脩千秋之業。梯山航海。泉貨充溢。珠香象牙。文具之屬。輿服伎巧。珍錯之利。不脛而走海內。

府志。郡自朱子作牧。敦以詩書。澤以禮讓。冠婚喪祭。一裁以正。其時君子以文學氣節自高。小人亦循分守業。好義以事其上。爭鬪不施。訟獄衰息。婚姻不甚擇壻。以門戶爲主。死喪粗知備禮。營葬則歲月遷延。人無貴賤。多衣綺繡。女子工刺繡。鄙紡績。種蔗煮糖。利較田倍。多奪五穀之地以植之。俗惟男女爲兢兢。婦人非有大故不相見。貞女烈姬。在在有黃鶻之韻。漳民喜爭鬪。平和詔安。多有糾鄉族持兵戟相尙者。近附郭亦爲之。

宋史。漳浦縣畝值稍貴。田訟尤多。

漳南道志。漳浦士質而文。民勤而樸。

成化府志。漳浦依山者習農桑。處海者事網罟。婚姻祭喪。多依古法。

漳浦縣志。好勝健訟。武斷鄉曲。挾持官府。

海澄縣志。衣冠文物。頓齒上國。商人貿遷巨舶。輿販番貨。婦人務女工。謹容止。稍有衣食者。不出閨門。君子恪守禮訓。細民亦愛身名。然死喪之家。強半作淫屠。及

停喪不葬。三都人生子尙幼。卽爲僧。自唐宋已多。今所在緇流。強半澄產。

漳南道志。南靖縣土多肥饒。民近淳厚。

宋建炎志。長泰縣士敦詩書。民勤耕織。喜於奉公。賦稅不後。

長泰縣志。畏法懼訟。信鬼尙巫。

漳南道志。平和縣士頗崇文。民漸向化。

平和縣志。內尙樸而外彌文。重親尙鬼。健訟武斷。

府志。詔安縣土瘠民勞。俗厭浮麗。商舶浮海。獲利著。姓恥於服賈。

● 延平

府志。士尙節操。小人樸野而吝嗇。民重遠出。鮮商賈之贏。俗頗紛華。罕千金之積。

順昌縣志。賦稅不煩。追呼而期。會不失。檀出紙之利。

將樂縣志。好勝健訟。鬻產以爭雄長。

沙縣志。民樂耕蠶。習尙儉嗇。

尤溪縣志。洞民多負氣剽悍。自朱子生於其地。以化誨之人。遂知學。

● 建寧府

宋張叔椿記。建備五方之俗。

方輿勝覽。其民柔脆。憚於遠行。

明楊榮記。晦庵西山二先生。過化之邦。流風遺韻。宛然猶存。

府志。父母死。惑於堪輿。或一二十年十葬。婚姻間。或論財。少年不務本業。鴛鴦市井。估畢後輩。或輕其長者。婚擇門戶。憑媒妁。娶必親迎。喪用文公家禮。

建陽縣志。道義之邦。

崇安縣志。山峻水急。易鬪輕生。

蒲城縣志。催科不煩。田野之民。猶爲直率。

宋朱松政和縣志。無豪家大姓。陵轢細民。以亂政化。

● 邵武

武陽志。人尙理學。彬彬乎道德文物。有鄒魯遺風。

府志。郡在閩西。於楚爲近。飯稻羹魚。不賈而足。地頗饒沃。無饑饉之患。

邵武縣志。其俗纖嗇。窮谷之民。有老死不識城市者。其地風密土厚。民多壽考。喪

葬遵文公家禮。不作世俗無益事。

光澤縣志。人多率直近真。

建甯縣志。其民殷。其俗奢。士多文雅。尙侈靡。而好使氣。

何孟倫建甯縣志序。民惑於不可知。而致力於神者。多非其道。

泰甯縣志。衣冠動履。務爲浮巧。家喜佞佛。婦女出入僧寺。

●汀州

明府志。人安樸素。士樂詩書。鄉甲半於郡封。閭閻全無機巧。

府志。衣租食稅之子。不出戶庭。力田治山之民。常安本分。

甯化縣志。民競守財。亦隆氣節。士多好古。尤喜文辭。潑墨染箋。模山範水。調絲譜奕。

治病相宅。初無口授。各具心靈。喜鬪健訟。拒捕輕生。

清流縣志。士勵詩書。民務耕種。俗稍存乎信義。心尙惑於鬼神。居鄉以刺船爲業。

陸而樵。水而漁者。僅足衣食。地瘠民貧。外貨不至。

歸化縣志。民質直無華。咸習艱難。重犯法官。司易治。無大商巨賈。率多市販。以治生業。喪葬誇奢。頗不循禮。

漳南道志。連城縣士知向學。民多末作。

連城縣志。閩範最嚴。婦恥再嫁。豪右好爭而少讓。鄉落習武而少文。

漳南志。上杭縣尙文近侈。

明府志。上杭士勤學問。衣冠文物。頗類大邦。

縣志。科名甲於諸邑。婚姻喪葬。鄰保相助。家建追遠之廟。戶置時祭之田。

明府志。武平縣山峻地僻。俗梗民強。尙武勇。力本業。

武平縣志。病不服藥而崇鬼。力本者多。末業者少。貿遷有無。類非土著。男尙意。

氣。女守貞操。

求定縣志。家絃戶誦。樸陋少文。民勤力作。婦女亦同勞苦。喜任郵賦。鄰子弟充衙役者不齒。聚族而矜勇鬪。貌法而好訐訟。

●福寧

府志風俗序。椎魯少文。尙節義。秀者攻詩書。樸者勤耕牧。男習勞苦。女少嬉遊。有蟋蟀山樞之風。

府志霞浦縣山利桐茶。海利蜃蛤。敦本務實。罕去其鄉。

明孟光福安縣詩。家家燈火夜攻書。

福安縣志。男務耕鋤。女勤織績。

府志甯德縣民俗樸野。士習淳龐。魚鹽蜃蛤之利。較勝他邑。而私梟爭利害亦隨之。府志壽寧縣土瘠民貧。家無儲蓄。

府志福鼎縣本霞浦舊地。風俗各別。士尙慷慨。民各氣矜。富者好施。貧者好義。

● 台灣

台灣縣志。土性輕浮。易種植。露重如雨。旱歲遇夜轉潤。又近海無潦患。產糖蔗雜糧。有種必穫。民非土著。皆漳泉潮惠之人。故習尙與內地無甚異。俗尙巫。病輒禳禱。鳳山縣志。冠婚喪祭。與內地同。服飾僭侈。婚姻論財。子不擇師。婦入僧寺。

諸羅縣志。自急水溪以下。距郡治不遠。俗亦頗同。自下加冬至斗六門客莊。(俗稱粵人所居曰客莊)漳泉人相半。稍失之野。然近縣故畏法。斗六以北客莊愈多。雜諸番而各自爲俗。高富下貧。好訾毀。以賭蕩爲豪。嫁娶送死。侈靡放。郡治遇事蠶起。喜鬪輕生。以歃血相要約。

台灣府志。彰化雖新設。而願耕於野。藏於市者。四方紛至。故街衢巷陌。漸有可觀。山海珍錯之物。亦無不集。其風俗頗似郡城。淡水內港。戶繁俗樸。鮮鬪訟。所產稻粱獨賤。

● 永春

唐盛均桃林場記。俗阜家泰。官清吏閒。凌晨而舟車競來。度日而笙謠不散。宋江公望記。租穀不以時入。凶訟狂獄。無日無之。病痛不用藥。祭鬼以祈福。明蔡清集。其俗樸可愛。秀民可教者多。

舊縣志。在宋文風甲於諸邑。儒碩彬彬。近古短於進取。能以禮自防。不事干謁。人死多火葬。瓶貯之。置於山谷。經年不收。曰需吉地。

州志。衣冠文物。儼比大邦。詩書絃誦之聲不絕。酷嗜青烏之說。折屋毀墳。不顧法網。人多聚族而居。以姓之大小。爲強弱欺凌。

閩書。德化縣務本薄末。有古遺風。

德化縣志。士以筆硯爲恆產。窮村僻壤。悉有家塾。樵牧童豎。罕不識字者。

大田縣志。君子勵名節。小人多剽悍。鄰坑野者。事荷擔。家溪濱者。業舟楫。

● 龍巖

宋朱子諭。龍巖縣民教。地僻山深。無海鄉魚鹽之利。生理貧薄。作業辛苦。其民不見

禮義。強者欺弱。壯者凌衰。內不知有親戚骨肉之恩。外不知有閭里往來之好。漳南道志。龍巖地險而僻。民嗇而儉。

舊縣志。俗尚敦慤。衣冠樸野。自朱子教民家禮。又持榜諭。風俗一新。比來生齒日煩。閭閻競侈。婚喪之費。靡不可節。

漳南道志。漳平縣儉樸風存。獷悍未變。

漳平縣志。男趨於耕。女勤於織。務本不事商賈。家少千金之儲。

甯洋縣志。山峻水。人性峭直。民多務本。鮮事末作。疾則佞於神。

● 歲時附

元日。陳設酒醴。以奉靈貺。少長序拜。戚友相過。賀三日。市不列肆。謝在杭閩俗。元旦不除糞土。至初五日。輦至野。取石而返。云得寶。卽古人喚如願之意也。

福州府志。節內外旬日。挈筐榼。往四郊墓祭。

莆田縣志。二日長幼皆衣冠出遊。

建寧府志。一日至五日。謁墓祭竈祭門。

立春。先一日祀勾芒神。迎土牛於東郊。閩小紀。會城迎春。必於忠懿王廟前。乞土作土牛始成。

明曹學經詩。馬從太守分驂去。牛向前王乞土來。人曰。閩書。泉人以是日取菜果七種。作羹。名七寶羹。

上元夜張燈。福州府志。自十一日起。至晦日止。十三十四十五三夜尤盛。影燈象人物花果禽魚。裁繪剪紙及琉璃爲之。廟刹駕熬山。又爲木架綵綳。粧演故事。謂之臺閣。俳優百戲。煎沸道路。謝在杭閩方言。以燈爲丁。每添設一燈。則俗謂之添丁。遊人士女。車馬喧闐。至二十外薄暮。市上兒童。連臂相呼。謂之求饒燈。婦女從數橋上。過謂之轉三橋。

泉州府志。里社之中。多有作賽神會者。粧飾神像。窮極珍貝。莆田縣志。十六夜有過橋摸釘之俗。

正月二十九日。雜餠果。羹糜相餽遺。四時宗鑑。高陽氏之子。好衣敝食糜。是日死。世作糜弱破衣。祝於巷曰。除貧。此其遺俗。（按此俗惟福州有之）

春祈。惠安縣志。是月陽氣始達。鄉人祈年於里社。集社學以教子弟。

漳州府志。鄉民敝金祀神。羣飲於廟。分胙而歸。

汀州府志。各坊社以金珠錦繡粧扮故事。鼓樂迎神。以祈歲稔。

寒食踏青。壺中錄。閩中以二月二日爲踏青節。

三山志。採野菜爲臠。亦唐人杏粥榆羹之意。

福州府志。宋時有鞦韆之戲。地在春臺館之內外。

泉州府志。貴家開園圃。放遊人賞玩。又東湖北山多亭館。土女如雲。行樂相望。

清明祭祀先祖。屋簷插柳枝。

福州府志。俗云以祓除不祥。

建甯府志。俗謂避邪。

墓祭。莆田縣志。以鼠麴和米粉爲糰。具牲醴展謁邱墓。

惠安縣志。清明有事先塚。剪剝污穢。培土掛楮幣。

漳州府志。是日婦人盛服靚粧。出郭外。逐隊行。

汀州府志。是日展墓。壺漿絡繹。祭畢。就祠饗餞餘。或就豐樹下藉草啣杯。

上已。福州府志。懸薺於門。是日禊飲。

漳州府志。採百草合米爲粿。薦祖考及贈遺。

建甯府志。作烏飯以食。且饋遺。俗以是日。目蓮作此供母。故效之。烏飯卽青飢飯。蒲

城縣志。載四月八日作。

永春州志。用楓葉合米爲青飯。

四月八日。浴佛寺刹。建龍華會。山堂肆考。南方專用臘月八日。今僧寺口多在四月。

福州府志。方言佛洗災。

端陽自五月一日始。門懸蒲艾。婦女小兒。繫續命絲。珮符簪艾虎。作粽。午日書符作

門帖。浴百草湯。以蒲合雄黃入酒飲之。並製雄黃爲筒。燃於屋壁帷帳之上。水際競渡。謝在杭閩人以五月四日作節。謂王審知以五日死。故避之。考五代年譜。審知以十二月死。非五月也。閩部疏。端午節尤重競渡。所過山溪。數家之市。皆懸舟以待。延平府志。俗云競渡以逐疫。閩書。是日泉莆人食鵲鵲螺。謂能明目。七夕。婦女陳瓜果。茗椀爐香各七。用針七枚。於暗中取繡線穿之。以下得巧之多寡。漳州府志。以熟豆相餽。謂之結緣。

建甯府志。盒盛小蟻子。平明成繭。以爲得巧。

汀州府志。社學生綵畫葫蘆。清晨往郊外。或并燃所習課紙。

中元祭祖。先焚楮陌。寺觀作盂蘭盆會。

福州府志。方言燒紙衣節。南國風俗。中元夜。家具齋供。罷於門外。或垵衢。視祀傷亡野鬼。謝在杭閩人最重中元節。家設先人號位。祭而燎楮陌。女家具父母衣冠袍笏之類。籠之以紗。謂之紗箱。送父母家。是夜具齋。餛飩楮錢。延坐於市。祝祀無主鬼。

神。謂之施食。

漳州府志。以竹竿燃燈天際。聯綴如星。謂之作中元。

福甯府志。是日家市淘井。

八月祭社。泉州府志。各處以二十四日。安溪以初一日。

惠安縣志。牲尙鷄。

漳州府志。八月祭土地。窮鄉僻壤。悉演劇。費甚奢。倣古之秋報。

祭墓。泉州府志。俗云墓門開。十月亦有祭墓者。名送寒衣。（按福州祭墓多在九月）

九日登高。飲茱萸酒。謝在杭。九日作糕。自是古制。閩人乃以是日作糴。與端午同。

景雲類纂。九日蒸糕。惟閩城仍用角黍。

莆田縣志。是日謁墳墓。如清明。

冬至。州人不相賀。舂米爲圓。鋪之。乃黏門楹間。

明張岳惠安縣志。十一月冬至。陽氣始萌。故食米圓。凡陽象圓。陰象方。五月陰始生。

黍先五穀而熟。則爲角黍。以象陰角方也。冬至陽始生。則爲米圓。以象陽圓也。夏至不以爲節。抑陰也。崔實四民月令。冬至薦黍糕。今俗作黍糕。乃在歲晚時。又南粵考。十月一日。閩中皆糯糍。作及京餽。以祀祖先。蓋告冬之義。按今無此俗。惟建甯府志云。以豆粥作糍祀先。

臘月二十四日祀竈。謝在杭俗謂竈神是夜上天。以一家所行善惡奏於天也。

惠安縣志。除夕先六日。言百神有事上帝。畫幢幡輿馬儀從於楮。具牲饌焚而送之。至正月四日。乃迎而復之。如送之禮。

除夕。人家更春帖。燃爆竹爲庭。以豚糕相遺。曰餽歲。設酒食聚食。曰別歲。又曰團歲。達旦不寐。曰守歲。子弟向家長拜慶。曰辭年。飯兼數日之炊。曰宿歲飯。亦曰隔年陳。
(吳中風土記。人家各於門首燃薪。謂之相煨熱。)

三山志。州人以竹著火燒爆於庭中。兒童當街戲呼達旦。
惠安縣志。取牡蠣壳雜樟木竹節焚之。

● 氣候附

唐高適送鄭侍御謫閩中詩。南天瘴癘和。

韓偓登南臺詩。四序有花長見雨。一冬無雪却聞雷。

三山志。燠不爲瘴。寒不爲澗。

福州府志。閩地素和燠。草木四時不凋。桃李冬花。接孟春如一序。蟄蟲遇晴暄。率蠢蠢然動。古所謂炎方也。今或朔不凜冽。霜威裂膚。重裘擁爐。猶齒齕手戰。作苦寒色。短褐不完之子。有至僵絕者。

莆田縣志。地勢爽闊。陽明用事。熱多寒少。冬月寒暑。衣服互著。

唐歐陽詹泉州府二公亭記。炎氣時迥。

泉州府志。泉之氣候。與興漳同。晉江氣候。與南安惠安同。安溪地頗高。熱略減。大抵山嵐鬱蒸。故春溫煩燠。夏暑不清。秋鮮涼風。冬無冰雪。土田恆暖。而禾稻兩收。桃李冬花。而木葉鮮脫。

漳州府志。多暑少寒。有霜而無雪。季秋尙暖。穀可二登。惟窮山地寒。乃一熟耳。
延平府志。氣恆煥少寒。

建寧府志。據閩上游。地勢頗高。故寒於福州。隆冬霜雪。入春卽和。浦城又建甯上游。
故寒於府治。

邵武府志。邵列上郡。陽明少而幽陰多。春夏多雨。秋冬多寒。

汀州府志。居閩上游。地氣稍寒。上永二縣。地近潮漳。氣益暖。多產青果柑橘之屬。
福甯府志。長溪閩地。而鄰於江。氣候與福州相似。其不同者。春初時氣寒。有雪發生。
較遲。

台灣府志。氣候異於內地。大抵暑多於寒。

台灣縣志。自府治至鳳山。漸南漸熱。自府治至於諸羅。漸北漸寒。

永春州志。四時多煥。惟東北高寒。伏日或擁重被。

龍巖州志。居萬山中。一日之間。氣候不齊。一歲之內。寒暑靡定。每霜氣凝冰。童子可

渡。小雪亦時降。

● 雜俗附

漳州府志。窮山之內。有藍雷之族。不知其所始。無土著。隨山遷徙。種穀三年。土瘠輒棄去。去則種竹償之。無徵稅。無服役。以故俗呼之曰客。兩家自爲婚娶。朔望衣冠相揖。然不讀書。語言不通。與世不往來。或曰混沌。德化縣志。畚民嗜好飲食。與世殊別。男子了髻。女子無袴。通無鞵履。嫁女以刀斧資送。人死刳木納屍。少年羣集而歌。槩木相擊爲節。主者一人盤旋四舞。乃焚木拾骨浮葬之。將徙取以去。自云其先世曰狗頭王。嘗有功。許自食無徭役。賜姓三曰盤曰藍曰雷。其盤匏莫徭之裔也。與（按畚民各府山溪深處有之）

臺灣府志。番民斷髮文身。不知年歲。以稻熟爲一歲。以月圓爲一月。封土墩作室。其上架木橋以入。中施丹雘。若畫舫。婚無媒妁。先野合而後成。禮重生女。贅壻於家。不祔其父。無伯叔甥舅。以姨爲親。夫婦情好甚篤。一反目卽離異。生子以水浴之。病不

知藥。輒浴於河。以愈疾。人死。舁屍詣觀屬之門。各酌酒其口。無棺槨塋域。裹以鹿皮。瘞所居牀下。或於門外之右。旬日開視。嘗有菌生。或草木之異。則吉。否則移置他所。喪服哀盡。卽除。無祭祀。不識祖先。結草一束於中。柱曰向。向者。猶云鬼神也。過年則酌之。無卜筮。凡出必聽鳥聲。以卜吉凶。遇長者於途。必問訊。辟道左。飲食無論多寡。分甘必偏者。番窮無依。則親屬共收恤之。性兇猛。以殺人爲雄長。自相攻。或伺客於徑。射之。取其首。飾髑髏以金。持以誇衆。衆則推以爲長。近熟番。漸知文法。匿不敢出。其不悛者。內山生番。而南路傀儡番尤甚。

台灣志略。南北各熟番。俗相彷彿。近涵濡日久。知揖讓。識尊親。身被衣裳。婚用媒妁。嫁娶與漢民等。各番置社學。番童間有應試者。

中華全國風俗志 上篇卷五

▲湖北

●總志

荆楚歲時記於元懷武昌土俗編自季宣以今驗之或不盡如古所云風俗與化移易未可註也茲仍載前代以來舊聞遺俗用資考鏡云

西楚俗剽輕易發怒地薄寡於積聚史記貨殖傳

楚有江漢川澤山林之饒江南地廣或火耕水耨民食魚稻以魚獵山伐爲業果蓏贏蛤食物常足故此處偷生而亡積聚飲食還給不憂凍餓亦亡千金之家信巫鬼

重淫祀漢書地理志

自晉氏南遷之後南郡襄陽皆爲重鎮四方湊會故益多衣冠之緒稍尙禮義經籍焉江夏竟陵安陸各置名州爲藩鎮重寄人物乃與諸郡不同大抵荆州率敬鬼尤重祠祀之事隋書地理志

蕲春人性躁勁。風氣果決。包藏禍害。視死如歸。此則其舊風也。自平陳之後。其俗頗

變。尚淳質。好儉約。喪紀婚姻。率漸於禮。同上

荆湖北路。江陵鄂州德安復州峽州歸州荆門漢陽壽昌農作稍惰。多曠土。俗薄而質。歸峽信巫鬼。重淫祀。

常下令禁之。宋史地理志

立春親朋會宴。啗春餅生菜。貼宜春字。剪綵爲燕戴之。或錯緝爲幡勝。謂之春幡。荆楚

歲時記

正月一日。是三元之日也。鷄鳴而起。先於庭前爆竹。以辟山臊惡鬼。貼畫雞戶上。懸

葦索於其上。插桃符其旁。百鬼畏之。同上

正月一日。長幼悉正衣冠。以次拜賀。進椒柏酒。飲桃湯。進屠蘇酒。膠牙餠。下五辛盤。

造桃板著戶。謂之仙木。凡飲酒次第。從小起。同上

正月一日。以錢貫繫杖脚。迴以投糞帚上。云今如願。同上

正月七日。爲人日。以七種菜爲羹。同上

食煎餅於庭中作之。曰薰天。荆楚歲時記注

人日剪綵爲人。或縷金箔爲人。以帖屏風。亦戴之頭髻。又造華勝以相遺。登高賦詩。

荆楚歲時記

人日夜多鬼鳥。曰夜行遊女。有小兒家。不可露衣物。此鳥夜飛。以血點之。兒輒痢。又有鬼車鳥。能入人家。收人魂氣。荆人夜聞其聲。則滅燈。打門。捩狗。所以厭之。同上。

正月十五日。迎紫姑。以下將來蠶桑。並占衆事。同上。

江淮間俗。尙鬼歲正月。必衣服箕帚。爲子姑神。或能數數畫字。東坡集

黃之僑人郭氏。每歲正月。迎子姑神。以箕爲腹。箸爲口。畫灰盤中爲詩。敏捷立成。

江陵舊俗。孟春望夕。高列綵燈。士女緣江。喧闐縱觀。酉陽雜俎

於頓爲襄州。點山燈。一上油二千石。傳載

盛之。相遺於人。以敦故舊之情。風土記

上巳日。取鼠麴汗。密和粉。謂之龍。以厭時氣。舌。荆楚歲時記

去冬節一百五日。卽有疾風甚雨。謂之寒食。禁火三日。造餈大麥粥。同上

寒食鬪雞。同上

寒食打毬。同上

四月。有鳥名穫穀。其名自呼。農人候此鳥。則犁耙上岸。同上

夏至節日。食糗。是日取菊爲灰。以止小麥蠹。同上

五月五日。採艾以爲人懸門戶上。以禳毒氣。同上

五月五日。以五綵絲繫臂。名曰辟兵。同上

五月五日。用蘭湯沐浴。同上

五月五日。競渡。同上

屈原以五月望日赴汨羅。土人追至洞庭不見。湖大船小。莫得濟者。乃歌曰。何由得渡湖。因爾鼓櫂爭歸。競會亭上。習以相傳。爲競渡之戲。其迅楫齊馳。櫂歌亂響。喧振水陸。觀者如雲。諸郡率然。而南郡襄陽尤甚。二郡又有牽鈎之戲。云從講武所出。楚

將伐吳。以爲教戰。流遷之改。習以相傳。鉤初發。皆有鼓節。羣譟歌謠。震驚遠近。俗云以此厭勝。用改豐穰。其事亦傳於他郡。梁簡文臨雍部。發教禁之。由是荆楚於社日。以豬羊肉調和其飯。謂之社飯。以葫蘆是頗息。隋書地理志

袁宏道。午日沙市觀競渡詩。金鱗折日天搖液。壯士麾旂鳴大鼉。黃頭胡面錦抹額。疾風怒雨鬼神過。渴蛟飲河貌觸石。健馬走阪丸注波。傾城出觀巷陌隘。紅霞如錦汗成河。妖鬟袖底出巾冠。顛白髻下立青娥。朱閣玲瓏窗窈窕。輕言倩語隔紅羅。北舟絲管南舟肉。情盤景促歡奈何。雲奔浪激爭撫掌。亦有父老淚滂沱。渚宮自昔稱繁盛。二十一萬肩相磨。西酋中璫橫幾載。男不西成女廢梭。琵琶賣去了官稅。健兒半負播州戈。笙歌沸天塵捲地。光華較勝十年多。耳聞商禁漸遲緩。努力官長蠲煩苛。太平難值時難待。千金莫惜買酒醪。君看至德中興後。幾人重唱天寶歌。中郎集

五月五日。四民並蹋百草。又有鬪百草之戲。荆楚歲時記

六月伏日。並作湯餅。名爲辟惡。同上。

七月七日。爲牽牛織女聚會之夜。是夕。人家婦女。結綵縷。穿七巧孔。鍼陳瓜果於庭中。以乞巧。同上。

七月十五日。僧尼道俗。悉營盆。供諸佛。同上。

蕪俗七月朔夜。於景佑眞君廟。伐鼓吹螺。以小鉦巡於市。名放兵。望夜如之。名收兵。兵謂鬼也。此十五日。士庶家各祭亡者。又自九夜至望日。七日內。斂錢作佛事。所謂烏藍盆拏道書。云中元考校也。有司皆出行香。白茅堂集

顧景星詩。雙星既已別。孤月又不圓。涼颼動四野。淒咽鳴寒蟬。草根上清露。隧道聞流泉。叢冢無人行。新故皆荒阡。禮魂本楚俗。設食哦靈篇。花燈散川陸。唱歎盟諸天。吹螺高烏烏。擊鼓聲淵淵。何以名收兵。此名絕可憐。鬼中有國殤。聞螺來獨先。死時鼓角急。魂聽猶辛酸。幽冥莫能拔。救度惟眞仙。爲我謂司牧。此理殊不然。惟當保民命。薄海無戈鋌。苦酒消獄蟲。况乃王化恬。

七月十五日。僧尼坐草爲一歲。云四月八日結夏至。荆楚歲時記

七月十五日。解衆僧。以長養之節在外。恐傷草木虫類。故九十日安居。荆楚歲時記

八月十四日。民並以朱水點小兒頭。名爲天灸。以厭災。同上

八月十四日。以錦綵爲眼明囊。遞相餽遺。同上

九月九日。四民並籍野飲宴。同上

十月朔日。黍臠。俗謂之秦歲首。同上

十二月八日。爲臘日。諺語臘鼓鳴。春草生。村人並擊細腰鼓。作金剛力士。以逐疫。同上

楚俗尙鬼。而儺尤甚。蘄有七十二家。有清潭保中潭保張王萬春等名神架。鋼鏤金。鑿製如梳。刻木爲神首。被以綵繪。兩袖散垂。項繫雜色紛幌。或三神。或五六七八神。爲一架焉。黃袍遠游冠。曰唐明皇。左右赤面塗金粉。金銀兜鍪者。三曰太尉。高髻步搖粉臙而麗者。曰金花小娘。社婆髻而翁者。曰社公。左騎細馬。白面黃衫。如俠少者。曰馬二郎。行則一人肩架。前導大纛。雉尾雲罕。爆槊格澤等旗。曲蓋鼓吹。如王公迎。

神之家。男女羅拜。蠶桑疾病。皆祈問焉。其徒數十。列幃歌舞。非詩非詞。長短成句。一唱衆和。嗚咽哀惋。隨設百獻。奉太尉。歌躍幢上。主人獻酬三神。酢主人。主人再拜。須臾。二蠻奴持縑盤。辟有大獅。首尾奮迅。而出。奴問獅何來。一人答曰。涼州來。相與西望而泣。作思鄉懷土之歌。舞畢。送神鼓吹偕作。先立春一日。出神於匱。具儀簿。隨土牛後。春分後藏焉。崇禎末。無復舊觀矣。顧氏新州志

顧景星鄉儺詩。春社作已畢。士風尙儺驅。雲旂夾翠竿。鉦鼓趨中衢。婦稚候門喜。羅拜陳牲醺。田蠶及雞彘。禳祝憑神巫。雕幾列神像。被以紅錦裾。中坐天寶帝。左右雙明姝。太尉復何人。題額黃金塗。鳳胄雷將軍。位與睢陽俱。卽君白玉面。細馬腰雕弧。酒酣招百戲。囉噴何紛拏。假獅西涼舞。鬢髻騎蠻奴。似聞涼州破。西向悲啼嘘。千秋事已往。此舞胡爲乎。旣非周禮制。法部仍荒蕪。祈年比蜡臘。鄉黨聊歡呼。獻酬若大酺。瓮中寧有無。白茅堂集

歲時爲藏鈞之戲。荆楚歲時記

臘祭後。以藏鈎爲戲。分二曹。以決勝負。手各藏物。探取之。如寄一人。則往來於兩朋。謂之誑鴟。口言起於鈎戈也。西陽雜俎

舉人高映。善意彊。成武嘗於荊州藏鈎。每曹五十餘人。十中其九。映言但意舉止容色。若察囚視盜也。同上

歲暮。家家肴蕪。詣宿歲之位。以迎新年。相聚酣飲。荆楚歲時記

●武昌

鄂土沃民剽。唐書崔郾傳

士以文辭相高。有六朝之體。柳拱辰郡守題名記

蘇軾與朱鄂州書。岳鄂間田野小人。例只養二男一女。過此輒殺之。尤諱養女。以故民間少女多鰥夫。初生輒以水浸殺。其父母亦不忍。率常閉目背面。以手按之。水盆中。呶嚶良久乃死。願使令佐。各以至意。誘諭地主豪戶。貧甚不能舉子者。薄有以賙之。但得初生數日不殺。雖勸之使殺。亦不肯矣。東坡集

武昌五方雜寓。家自爲俗。明一統志

江夏風氣樸茂。被服飲食。皆適豐約之中。南中記聞

武曰土地確。人民淳厚。圖經

嘉魚農以立本爲業。士以有用爲榮。縣志

蒲圻戶尙詩書。士安誦讀。縣志

咸甯人多勁悍決烈。府志

崇陽舍末務本。俗習雅儉。舊志

通城務農力本。縣志

興國民醇。往往囿園晝閉。桁楊不施。宋知軍周紫芝記

其民銳於治生。怯於私鬪。故易爲政。士篤於好學。而恥於浮靡。故昌語道。歐陽元興國州修學

記

大冶風氣淳厚。實爲江湖之輿區。府志

通山士尙剛毅。民多樸野。舊志

●漢陽

漢陽民性勁直決烈。多行仁義。有歷世不分者。明一統志

士大夫學古高蹈。雖貧乏之家。亦志儒業。恥他途。孱弱之民。亦力耕漁。薄商販。獨尙

巫崇佛。負性使氣。乃其故習云。湖廣總志

街居婦女。多事剪繡。鄉農之家。勤於紡績。每入夜登機。旦卽成匹。同上

漢川民樸略。春夏力農。秋冬業漁。舊志

春水泛漲。遷於原隰耕墾。秋冬涸。遷近湖泊。網罟以自給。同上

山川平易。人民樸野。尙儉嗇。鮮華麗。士皆向學。問頗有淳風。同上

孝感濱湖負山。其山聳拔。故氣多亢爽。其水清折。故人多穎秀。縣志

五鄉業各不同。白雲之人。負山耕種。射獵採藥。燒炭漬以自贍。郭下地瘠。人纖。氣勁

易鬪。廣陽諸趙宏樂。地濱湖。有漁利。其性靡。無積聚。然子弟好學。同上

黃陂民皆勤農。桑。寡游販。駸慕儒術。府志

途鮮游女。賈人行客。過其都。未嘗見婦女面。惟朝夕勤織紡而已。縣志

沔陽地鹵民貧。以耕漁爲業。萑葦之藪多盜。州志

耕尙鹵莽。雖廣種而薄收。婚略禮文。每多贅而少娶。疾患則斂貲相恤。死喪則歌鼓
雜哀。舊志

李濂沔陽紀俗詩。懈郭潛湘曲。風流自昔稱。家家住水閣。日日下魚罾。雲溼常垂雨。
湖寒未見冰。風微鷗戲藻。沙靜鷺銜菱。翎羽充王貢。魚蝦入歲徵。蓮舫秋竟泛。竹檻
晚凭口。陸羽風如在。靈均恨不勝。漢唐兵未到。吳楚勢相乘。地僻逢迎少。江清賞宴
仍。羔羊懷漢詠。琴瑟對漁燈。放柁初猶怯。垂綸近亦能。疎狂叨守牧。高興益峻嶒。嵩
集

● 黃州

黃州在大江之側。雲夢澤南。古有蠻風。今盡華俗。戶不滿二萬。稅錢纔三萬貫。風俗

謹樸。法令明具。久無水旱疾疫。人業不耗。謹奉貢賦。不爲罪惡。杜牧黃州刺史謝上表

黃州山水清遠。土風厚善。其民寡求而不爭。其土靜而文。樸而不陋。雖閭巷小民。知

尊愛賢者。東坡集

近聞黃州小民。貧者生子多不舉。初生便於水盆中浸殺之。黃之士古耕道。頗誠實。喜爲善。乃使率黃人之富者。歲出十千。使耕道掌之。多買米布絹絮。使安國寺僧繼蓮。書其出入。訪閭里小民。有貧甚不舉子者。輒以遺之。若歲活得百箇小兒。亦閒居一樂事也。黃人二三月。皆羣聚謳歌。其詞固不可分。而其音亦不中律呂。但宛轉其聲。往反高下。如雞唱耳。同上

黃岡淳質多儉約。地有漁稻之利。農惰而田事不修。明道雜志

東苴鄉。其民淳樸。征賦常先。還和鄉生理儉樸。無耳目之觀。永甯鄉民皆盡力田畝。榛布相守。慕義鄉。其田薄收而深耕。賦稅亦不敢乾沒。窮鄉下逕。挾書相望。庶安鄉民生土瘠。刁悍相仍。五重上鄉山川靈秀。地氣凝聚。衣冠之族。多在此。五重下鄉目

不知書。而多深耕易耨之日。中和鄉田瘠。下下其民生事遼闊。明王一鳴黃岡論

黃岡農力耕種。士尙氣節。無依阿澳涇之習。府志

黃安本黃岡麻城黃陂三縣分。土俗亦大都近之。民多悍獷而不馴。舊志

黃安民生頗爲殷盛。昔患萑苻。今則駸駸文物矣。府志

蘄水氓俗富庶。秀民樂於爲儒。而不輕擇其業。彬彬喜學。有鄒魯遺風。宋關詠神光觀記

蘄水善田事。勤女工。富人尤多畏法。府志

羅田崇巖邃谷。其力專務本。用亦節儉。同上

麻城士風厚。善樂於爲儒。出重名節。處尙廉恥。同上

蘄州風氣和平。獄訟稀少。宋秦觀代蘄州守謝上表

蘄州務稼穡。習詩書。府志

蘄俗以六月某日。賽二郎神。一人前導。山民呼行者。舉行者名。則元人小說所載孫悟空也。是日蘄人無遠近。皆來就觀。輟市肆。肅衣冠。立於門。出隻雞百錢爲壽。必請

命於行者。以致於神。一不與。則行者機變畢動。趨捷若生。擊人屋瓦器皿。應手皆碎。乾隆十九年。知州錢鑿。悉取像焚之。二郎神爲故。甲乙存稿

廣濟淳龐近古。然任氣尙俠。府志

黃梅民俗力農。不事商賈。游俠柔弱。畏訟。士習禮教。勤學而文。樸而不陋。明曾維倫風教論

其風俗大端。土廣人稀。水鄉苦潦。旱鄉苦旱。一歲之入。不足支所出。以故輸賦不能。前。其士平居。恆囁咭守其師說。而好異之士。又雜通詭奇。至其兢兢畏法。與齊民等。同上

莊標黃梅雜詠四首。試說黃梅縣。黃梅古佛場。千年開寶掌。五葉度慈航。梵唄僧徒集。祈求士女忙。移風端有待。先爲課農桑。試說黃梅縣。黃梅景物幽。有山皆北向。無水不西流。附郭魚蝦集。瀕湖稭稻秋。勸農曾夙駕。屋角喚雙鳩。試說黃梅縣。黃縣水滿湖。霜風吹穰稔。晴雨響菰蒲。魚網家家下。香醪處處沽。太平原有象。詎忍迫追呼。試說黃梅縣。黃梅本楚東。人行紅樹裏。鳥語翠微中。摘茗

乘朝露。繅絲待曉風。山川淳樸處。教授愧文翁。晚崧詩稿

● 德安

安州士民純秀。幾同鄒魯之風。宋藤甫表

士多秀傑。民多隱德。宋周必大芟堂記

余昔知安州。見荆湘人家。多以草竹爲卜。楚辭云。索瓊茅以筵尊兮。命靈氛爲余卜之。其注曰。瓊茅靈草。筵小破竹。楚人名結草折竹而卜。曰筵靈氛。古明吉凶者。蓋因

遺俗之舊也。文昌雜錄

安陸風土淳厚。湖廣總志

雲夢知遵禮法。女婦無游冶之風。舊志

應城風俗其性固。其俗醇。男不輕商。女惟紵織。府志

隨州地既瘠枯。民給生不舒愉。雖豐年。大族厚聚之家。未嘗有樹木池沼之樂。以爲

歲時休暇之嬉。宋歐陽修李秀才園亭記

隨州井閭。沕穆。戶箠黨塾。頗爲古道之遺。府志

應山之俗。好學而文。純靜有恥。張耒四賢堂記

其民秀而文。其俗樸而儉。元魯璠碑魏尹碑

●安陸

竟陵爲藩鎮重寄。人物與他郡不同。隋書地理志

石城樂。宋臧質所作也。石城在竟陵。質爲竟陵郡。於城上眺矚。見羣少年歌謠

通暢。因作此曲。唐書樂志

臧質石城樂。生長石城下。開窗對城樓。城中諸少年。出入見衣投。陽春百花生。

摘插環髻前。婉指蹋忘愁。相與及盛年。布帆百餘幅。環環在江津。執手雙淚落。

何時見歡還。大鵬載三千。漸水丈五餘。水高不得渡。與歡合生居。聞歡遠行去。

相送方山亭。風吹黃蘗藩。惡聞苦離聲。樂府詩集

莫愁出於石城。樂石城有女子名莫愁。善歌謠。故石城樂和中。復有忘愁聲。唐書

樂志

莫愁樂。莫愁在何處。莫愁石城西。艇子打兩槳。催送莫愁來。聞歡下揚州。相送

楚山頭。探手抱腰看。江水斷不流。樂府詩集

張祐莫愁樂。儂居石城下。郎到石城遊。自郎石城出。長在石城頭。

郢州其民樸。其俗儉。其土饒粟麥。其產多麋鹿。有西北之風焉。宋石才孺郢州土風考記

鍾祥民貧訟簡。俗化蠶桑。以耕漁為業。湖廣總志

京山地廣以遠。民能自力於本。務耕鑿織。循楚之舊。宋程祁京山縣新學記

潛江地本沮洳。百姓勤於本業。士尚文藝。府志

天門地卑下。四望皆水。以隄為命。同上

● 襄陽

襄陽土地肥美。南齊書地理書

宋隨王誕始為襄陽郡。元嘉末。仍為雍州刺史。夜聞諸女歌謠。因而作之。古今樂錄

隨王誕襄陽樂曲。朝發襄陽城。暮至大隄曲。大隄諸女兒。花豔驚郎目。上水郎擔篙。下水搖雙櫓。四角龍子幡。環環江當柱。江陵三千三。西塞陌中央。但問相隨否。何計道里長。人言襄陽樂。樂作非儂處。乘星冒風流。還儂揚州去。爛熳女蘿草。結曲繞長松。三春雖同色。歲寒非處儂。黃鵠參天飛。中道鬱徘徊。腹中車輪轉。歡今定憐誰。揚州蒲鍛環。百城兩三叢。不能買將還。空手攬抱儂。女蘿自微薄。寄託長松表。何惜負霜死。貴得相纏繞。恐見多情歡。罷儂不相語。莫作烏集林。忽如提儂去。樂府詩集

張祐襄陽樂。大隄花月夜。長江春水流。春風正上信。春夜特來遊。

崔國輔襄陽曲二首。蕙草嬌紅萼。時光舞碧雞。城中美年少。相見白銅鞮。少年襄陽地。來往襄陽城。城中輕薄子。知妾解秦箏。

施肩吾襄陽曲。大隄女兒郎莫尋。三三五五結同心。清晨對鏡理容色。意欲取郎千萬金。

李端襄陽曲。襄陽隄路長。草碧柳枝黃。誰家女兒臨夜妝。紅羅帳裏有燈光。雀
釵翠羽動明璫。欲出不出脂粉香。同居女伴正衣裳。中庭寒月白如霜。賈生十
八稱才子。只得門前一斷腸。

估客樂者。齊武帝之所製也。帝布衣時。嘗遊樊鄧。登阼以後。追憶往事。而作歌。
使樂府令劉瑤管絃被之。教習卒遂無成。有人啓釋寶月善解音律。帝使奏之。
旬日之中。便就諧和。勅歌者常重爲感憶之聲。猶行於世。寶月又上兩曲。古今樂錄

齊武帝估客樂。昔經樊鄧役。阻潮梅根渚。感憶追往事。意滿辭不敘。

樂府詩集

釋寶月估客樂。大編珂峨頭。何處發揚州。借問編上郎。見儂所歡不。初發揚州
時。船出平津泊。五兩如竹林。何處相尋博。郎作十里行。儂作九里送。拔儂頭上
釵。與郎資路用。有信數寄書。無信心相憶。莫作瓶落井。一去無消息。

梁武帝之任雍鎮。有童謠云。襄陽白銅蹄。反縛揚州兒。識者言白銅蹄。謂金蹄
爲馬也。白金色也。及義師之興。實以鐵騎揚州之士。皆面縛果如謠言。故卽位

之後更造新教。帝自爲之詞三曲。又令沈約爲三曲。以被管絃。隋書樂志

梁武帝襄陽蹋銅蹄三曲。陌頭征人去。閨中女下機。含情不能言。送別沾羅衣。草樹非一香。花葉百種色。寄語故情人。知我心相憶。龍門紫金鞍。翠毛白玉羈。

照耀雙闕下。知是襄陽兒。樂府詩集

沈約三曲。分手桃林岸。望別峴山頭。若欲寄音信。漢人向東流。生長宛水上。從事襄陽城。一朝遇神武。奮翼起先鳴。蹀躞飛塵起。左右自生光。男兒得富貴。何必在歸鄉。

梁簡文雍州十曲。有大隄南湖北渚等曲。古今樂錄

梁簡文雍州曲三首。南湖荇葉浮。復有佳期遊。銀綸翡翠鈎。玉軸芙蓉舟。荷香亂衣麝。橈聲送魚流。岸陰垂柳葉。平江含粉蝶。好值城傍人。多逢蕩舟妾。淥水濺長袖。浮苔染輕幟。宜城斷中道。行旅極留連。出妻工織素。妖姬慣數錢。炊彫留吐客。貰酒逐神仙。樂府詩集

張柬之大隄曲。南國多佳人。莫若大堤女。玉牀翠羽帳。寶袂蓮花炬。魂處白日成。色授開心許。迢迢不可見。日莫空愁予。

楊巨源大隄曲。二八嬋娟大隄女。開爐相對依江渚。待客登樓向水看。邀郎卷幔臨花語。細雨濛濛濕芰荷。巴東商侶挂帆多。自傳芳酒澆紅袖。誰調妍妝廻翠娥。珍簾華燈夕陽後。當爐理瑟矜纖手。月落星微五更聲。春風搖蕩窗前柳。歲歲逢迎沙岸間。北人多識綠雲鬟。無端嫁與五陵少。離別煙波傷玉顏。

李白大隄曲。漢水臨襄陽。花開大隄暖。佳期大隄下。淚向南雲滿。春風復無情。吹我夢魂斷。不見眼中人。天長音信斷。

李賀大隄曲。妾家住橫塘。紅沙滿桂香。青雲教綰頭上髻。明月與作耳邊璫。蓮風起江畔。隄上留北人。郎食鯉魚尾。妾食猩猩脣。莫指襄陽道。綠浦歸帆少。今日菖蒲花。明朝楓樹老。

孟浩然大隄曲。大隄行樂處。車馬相馳突。歲歲春草生。踏春二三月。王孫挾珠

彈。遊女矜羅襪。携手今莫同。江花爲誰發。

宋玉王逸張悌習鑿齒之徒。實生此土。故其民尚文。北魚南徐之習不替。故其風尚
侈。圖志

襄陽地饒財殷。士文雅而悅道。俗重義而有勇。明魯鋒鎮南樓記

宜城土瘠民貧。務本樂憚。遠商少爭訟。勤儉純龐。最爲近古。士尚氣節。厲廉恥。不趨

勢利。鄉民好佛事。舊縣志

宜城山川頑劣。而多產才士。宋玉王逸段成式。皆生其地。蜀道驛程記

南漳土地肥饒。男女以耕桑爲業。府志

棗陽人性鯁直。詞訟少興。同上

穀城人知尚文。風俗淳美。秋栗傳

光化山川秀傑。井邑豐富。民氣醇雅。濟南集

均州士皆好學。敦尚禮義。舊志

● 鄖陽

鄖陽介雍涼之交。其地多崇岡豐箐。民事慳悍。而憚拘押。雖歲時羣處。往往以財力相雄長。有俠風。四方游民。其瑣尾。佻離與挺而走險者多。逸其中。久而滋煽。因易爲亂。承平以來。劇盜數起。始議更邑爲郡治之。繼命中台天臣。開府秉鉞。爲重鎮焉。然後威略亢稜。逆節稍伏。稱康艾矣。徐氏海隅集

創府以來。禮義興行。土風丕變。府志

鄖縣男子燒畬爲田。婦人績麻爲布。以給衣食。方輿勝覽

民性簡嗇樸魯。流寓多。而土著少。楚故略

泉甘土肥。用多竹器。縣志

房縣俗尙淳樸。士亦問學。舊志

房人謂巧避曰起避。力尋曰跂尋。晨起霧久乃開。土人目曰澇潮。潞水漑田曰酉。得雨曰一折雨。土人晨飲茶曰勝山嵐氣。又曰房三分瘴。麵皆滲不滲者曰皮子麵。稻

得霜乃收。曰飽霜米。弓手下鄉。日以緝捕。年日飲食。曰坐年。社日曰飲脯。俗謂戲曰
頑羹。曰骨在。賣枯竹供爨。曰竹菱。村落所聚。曰梘。江湖長翁集

陳造房陵十首。似聞仙伯厭乘龍。常混紅塵市井中。覲面未須趨避我。褰衣無
計。跋尋公。陰晴未敢捲簾看。苦霧濛濛鼻爲酸。政使病餘剛制酒。一杯要敵滂
潮寒。祠壇歌舞雜嗟吁。下酉猶濡上酉枯。維謂朝來一折雨。歡聲已覺沸通衢。
竹屋高低正復斜。蔚藍影裏著人家。底消山峽三分瘴。爭課盧仝七椀茶。夏田
少雨富未牟。多雨何妨穡事秋。已戒日供皮子麵。更教晚稻飽霜收。跨牛待得
夕陽回。在處諸嬖笑口開。已借臘錢鋪麥稅。免教緝捕闖門來。杯酒清濃肉更
肥。咸言趁社極歡嬉。丁寧向去坐年日。要似如今斂脯時。農閑闔里有逢迎。白
飲旁邊骨在羹。老稚不姑頑過日。邊頭難得是昇平。刈罷秋禾未敢慵。更須趁
逐過殘冬。城中竹菱今年貴。鹽茗新來免闕供。翁媪同圍老瓦盆。到芻新酒雜
清渾。梘南梘北皆青社。日放烏犍臥晏溫。

房縣舟車不通。專事負戴。縣志

竹山介居險阻。而多劇邑。多巨姓强家。連地千頃。其間桀黠者。往往雄長一鄉。負多

資。視爲吏者。若易與。每輕犯法。宋張嶠紫微集

竹山俗尙儉樸。頗知禮義。男務耕讀。女務紡織。舊志

竹谿依山而居。紡績而衣。風氣漸開。頗知積學。縣志

風俗樸茂。不見可欲。故無邪心。耕而食。汲而飲。不知有紛華靡麗之物。故無求於人。

一布褶。可以經年。器用竹木而外。文采珍異無有也。故穿窬之風不作。飲食口體之

奉。不必加意撙節。而無一可以靡財者。故逋賦無有。黃暉烈縣志序

保康喪祭。不用浮屠。風猶近古。縣志

鄖西文事疎闊。惟農是業。

● 荆門

荆門民愿士淳。易於開導。陸象山集

常林歡常林。卽長林也。今之荆門。長林縣是也。樂人誤以長爲常。此則梁宋間曲也。宋代以荆雍爲南方重鎮。皆王子爲之牧。江左辭咏。莫不稱之。以爲樂土。鄭樵通志

荆門俗尙緇黃。自陸九淵知軍後。風俗丕變。頗知禮義。州志

當陽事簡俗樸。勤農尙儉。安陸府志

遠安士尙廉恥。民務農桑。舊志

● 荆州

郡少農桑。農不如工。工不如商之務。盛宏之江陵記

江陵樂四曲。不復蹋蹄人。蹋地地欲穿。盆隘歡繩斷。蹋壞絳羅裙。不復出場戲。蹋場生青草。試作兩三回。蹋場方就好。陽春二三月。相將蹋百草。逢人駐步看。揚聲皆言好。暫出後園看。見花多憶子。烏鳥雙雙飛。儂歡今何在。樂府詩集

荆州樂。蓋出於清商曲。江陵樂。荆州卽江陵也。

宗夫荆州樂。迢遞樓雉懸。參差臺觀雜。城闕自相望。雲霞紛颯沓。

李白荆州樂。白帝城邊足風波。瞿塘五月誰敢過。荆州麥熟繭成蛾。繰絲憶君頭緒多。撥穀飛鳴奈妾何。

劉禹錫荆州樂二曲。渚宮楊柳暗。麥城朝雉飛。可憐踏青伴。乘暖著輕衣。今日好南風。商旅相催發。沙頭檣竿上。始見春江闊。

李端荆州泊南樓西下時。月裏聞來棹。桂水軸艫回。荆州津濟闊。移惟望星漢。引帶思容貌。今夜一江人。惟應妾身覺。

江陵衣冠藪澤。諺云琵琶多於飯甑。名士多於鯽魚。朝野

自武德之後。流傭浮食者衆。五方雜居。風俗大變。至德後。中原多故。襄鄧百姓。兩京

衣冠。盡投江湖。故荆南井邑。十倍其初。太平寰宇記

荆人染病。競賽烏鬼。楚巫刊肆。悉賣瓦卜。元氏長慶集

荆故國也。巴蜀甌越三吳之出入者。皆取道於是。其人材之秀。風物之美。有屈宋賈

禰之賦詠存焉。東坡集

大觀中學校養士至七百人。故其民多好學。明一統志

蘇軾荊州十首。游人出三峽。楚地盡平川。北客隨南賈。吳檣問蜀船。江侵平野斷。風捲白沙旋。欲問興亡意。重城自古堅。南方舊戰國。慘淡意猶存。慷慨依劉表。淒涼爲屈原。廢城猶帶井。古姓聚成村。亦解觀形勝。昇平不敢論。楚地闊無邊。蒼茫萬頃連。耕牛未嘗汗。投種去如捐。農事誰當勸。民愚亦可憐。平生事游惰。那得怨凶年。朱檻城東角。高王此望沙。江山非一國。烽火畏三巴。戰骨淪秋草。危樓倚斷霞。百年豪傑盡。擾擾見魚蝦。沙頭烟漠漠。來往壓喧卑。野市分鑿鬧。官船過渡遲。游人多問卜。僮叟盡攜龜。日暮江天靜。無人唱楚辭。太守王夫子。山東老俊髦。壯年聞猛烈。白首見雄豪。食鷹君鷹厭。驅車我正勞。中書有安石。慎勿賦離騷。殘臘多風雪。荆人重歲時。客心何草草。里巷自嬉嬉。爆竹驚鄰鬼。驅儺逐小兒。故人應念我。相望各天涯。江水深成窟。潛魚大似犀。赤鱗如琥珀。老枕勝玻璃。上客舉雕俎。佳人搖翠篴。登庖更作器。何以免屠刳。北雁來南

國。依依似旅人。縱橫遭折翼。感惻爲沾巾。平日誰能挹。高飛不可馴。故人持贈我。三嗅若爲珍。柳門京國道。驅馬及春陽。野火燒枯草。東風動綠芒。北行連許

鄧。南去極衡湘。楚境橫天下。懷王信弱王。東坡集

江陵士重節義。敦尙家禮。江陵記

江陵士習謹厚。民情淳樸。舊志

公安好鬼神。尙勁悍。知恥負氣。府志

公安尙農輕末。士人亦勤耕種。縣志

石首民淳俗厚。業惟耕漁。不趨商賈。府志

石首務農業。恥游惰。縣志

監利士多好學。民勤農業。府志

監利俗不嬉遊。士勤誦讀。縣志

松滋在江陵之西。民淳而易化。胡安儒學記

松滋俗淳而雅。樸者樂耕織。秀者喜絃誦。舊志

西南近山而樸。東南近水而悍。城郭之民。秀而文。少積聚。中人家。稍習於奢靡遊聞。府志

枝江民質直好義。不事誇張。舊志

枝江士知學問。俗尙節儉。府志

宜都俗尙儉約。士知學問。敦好禮義。同上

●宜昌

峽州民俗儉陋。常自足。無所仰於四方。六一居士集

夷陵俗樸陋。惟歲暮祭鬼。則男女數百。相從而樂飲。婦女競爲野服。以相遊嬉。舊志
俗多淫奔。又好祠祭。每遇祠時。里民數百。共餞其餘。謂之捺鬼。因此多成鬪訟。同上

歐陽修夷陵歲暮書事。呈元珍表臣詩。蕭條雞犬亂山中。時節崢嶸忽已窮。遊女髻鬢風俗古。野巫歌舞歲年豐。平時都邑爲陋。敵國江山昔最雄。荆楚先

賢多勝迹。不辭携酒問鄰翁。

又夷陵書事。寄謝三舍人作。春秋楚國西偏境。陸羽茶經第一州。紫籜青林長蔽日。綠叢紅橘最宜秋。道塗處險人多負。邑屋臨江俗善泐。臘市魚鹽朝暫合。淫祠簫鼓歲無休。風鳴燒入空城響。雨惡江崩斷岸流。月出行歌出調笑。花開啼鳥亂鉤輦。訟庭畫地通人語。邑政觀風問里謳。土俗雖輕人自樂。山川信美客偏愁。黃牛峽口經新歲。白玉京中夢舊遊。曾是洛陽花下客。欲誇風物向君羞。

夷陵風俗。漁人春則起油。秋則了繫。每三月初八二十八二十八三日起油。相率扣拍。令聲振水而譟。連徹昏曉。必悲愴慷慨。乃獲多魚。惟三遊洞以下。十二倍以上。數十里內爲然。謂之起油。八月九日。捕取鱒鯉。先布網。而後用了。自釘頭鎮以往。地皆曰繫。或曰枋。有金釵繫了髻枋等名。謂了了髻。亦如吳淞之起叢也。池北偶談了繫多於黃牛峽一帶。水汛急處。先藏繫於水底。魚入其殼。久而後疲。始用。又而人

跨於魚背。納巨繩入腮以起。縣志

王士正西陵竹枝詞。峽江三月櫓聲齊。扣拍哀歌高復低。十二碕邊初起汕。日斜還過下牢溪。金釵繫接髻了枋。了繫年年聚此鄉。江上夕陽歸去晚。白蘋花

花賣鱖鯉。帶經堂集

夷陵元夕。連袂唱竹枝歌。採茶歌。七夕。家家張荷葉燈。云昔秦白起伐楚。將燒夷陵。望見城中燈火遂止。遂沿至今也。縣志

取荷葉插蒲。燭灌以油。立高竿門前。名曰荷燈。縣志

王士正西陵竹枝詞。荷燈四面接秋河。猶似秦兵駐綠蘿。更說元宵風景好。竹

枝歌續採茶詞。帶經堂集

五日競渡楚俗所同。至十五日。名曰大端陽。食角黍。飲蒲酒如前。十三十四十五三日。龍舟尤勝。與他郡異。縣志

雷思霈詩。樵歌社鼓插秧歸。肯放江頭樂事稀。天下無舟不競渡。峽中有鳥只

爭飛市兒各唱迎神曲。遊女多穿送節衣。懶向靈均陳楚些。一杯聊爲酒漁磯。

歲星
堂錄

歸州山秀水清。故出僂異。地險流疾。故其性亦隘。水經注

少商賈鮮積聚。禮崇儉約。俗尙巫鬼。州志

長陽異氣淳樸。民俗野陋。舊志

土人親喪不用僧道。齊民不然。經梵外羣擠喪次。一人搥大鼓。更互歌唱。曰喪鼓。秋

潭錄

彭淑長陽竹枝詞。家禮親喪有法程。僧巫那得鬧書生。誰家開路添新鬼。一夜

喪歌唱到明。

婚禮。男家命字。陪十弟兄。女家上期。陪十妹妹。舊志

邑民婦不飼蠶。同上

楊子果竹枝詞。華裝也止布衣裳。汲水樵薪卻勝郎。可惜柔桑陰滿地。春殘不

祭馬頭娘。

巴東前四里。民醇樸。畏官長。急公役。少爭訟。後四里。信鬼尙巫。小忿易訟。亦易解。但甘儉約。習勞苦。縣志

縣雖僻處深山。而語音朗徹。頗似中原。雅音四聲中。獨無入聲。如呼屋爲吳。呼沃爲訛之類。平上去三聲。惟庚青蒸梗廻敬徑七韻。呼爲根親珍顯庫覲。餘八十二韻。悉如本音。後四里間。有吐音。重拙轉入別韻。如呼黃爲環。呼譚爲唐。呼放爲范者。又有字兩互易。如呼府爲虎。虎爲府。呼富爲互。互爲富者。又有齒舌之間。吐字不真。如呼提爲奇。帝爲計者。故後里媳婦。謂之奇互。蓋媳讀爲乞。乞轉爲奇。而婦轉爲互。此乃前里所無也。其他稱謂。大約與燕稱中州人。不甚相遠。惟祖謂之老爺。母爲之媽。姑夫姨夫。謂之姑爹姨爹。及外祖外祖母。謂之家公家母。或謂之家家。似江漢間語。而前里又稱父爲阿巴。母爲阿姐。後里又謂祖爲阿他。祖母爲阿木鳥。父爲阿巴。母爲阿牙。伯父爲阿排。叔父爲阿必么。蓋田野中俗稱。而士大夫家罕言之。又後里在前

代。多爲蠻語。清江南北。各爲一種。桃符口。又一種。總謂之草語。雖本縣世籍。亦所不釋。自西山之亂。縣民寄居枝江宜都。十餘年始歸。聲音遂變。縣志

興山地僻。山峻。訟簡民淳。舊志

長樂鶴峯。舊係土司。民安苗習。自歸流後。漸敦仁讓矣。州志

土俗娶妻。不論同姓。或不憑媒妁。一言議及。名曰放話。受聘後。每逢年節。必多備酒盒。偏送女家戚族。名曰朝年。及至出嫁。女父母。索奶水錢。諸父昆弟。皆旁索之。名曰

支陳。縣志

土俗。父祖在。子孫別居。名曰分火。或無子。卽以壻爲子。名曰養老。又有以異姓爲子者。同上

● 施南

施州山岡砂石。不通牛犁。惟伐木燒畬。以種五穀。黔中記

施州隆冬可單。盛夏可袂。方輿勝覽

恩施俗尚節儉。猶近華風。舊志

宣恩舊施南司地。好入山。不樂平曠。布衣徒跣。或椎髻。或剪髮。婦珥重環。俗嗜暴悍。

好寇賊。府志

稿腰

來鳳舊散毛地。信巫覡。重淫祀。務耕獵。腰刀持弩。性獷而悍。同上

咸豐舊大田地。其風樸野。俗尚耕稼。土曠民稀。獠蠻雜處。同上

利川舊支羅地。風土邊鄙。人物樸固。佩戈兵。輕戰鬪。同上

建始俗簡陋。女工絕少。水陸田地。男婦作苦與共。俗不尚衣冠。好訟喜鬪。縣志

稿



上海廣益書局發行

自用修適用

言文對照

高等女子新作文範

本書按照高等小學程度。分爲四冊。每冊三十課。其文字則偏重於女子實用一方面。其材料則有……議論文……紀敘文

……說明文……應用文……詩歌……五種。均係語體與體

兩兩對照。每課課文之後。附有……備考……組織……文法

……練習……四項。卷首另列……自修方法……檢字須知……

標點符號使用法。高等女子得此良好讀本。自能心領神會

。循序進步。達到文成法立之目的也。

全書四冊。定價五角。郵費另加一角二分

分設 北京 廣東 漢口 長沙 開封